

律



說文解字第十一

義證第三十三

曲阜桂馥學

水 準也北方之行象眾水竝流中有微陽之氣也凡水

之屬皆從水

式軌切

玉篇水流津也 春秋元命苞水之為言演也陰化淖濡流  
 施潛行也故其立字兩人交一以中出者為水一者數之始  
 兩人譬男女言陰陽交物以一起也 淮南天文訓積陰之  
 寒氣為水 鹽鐵論秋生冬死故水生於申 管子水地篇  
 水者地之血氣如筋脈之通流者也 元中記天下之多者  
 水焉浮天載地高下無不至萬物無不潤 抱朴子黃帝曰  
 天在地方外水在天下外浮天而載地者水也 物理論所以立  
 天地者水也吐元氣發日月經星辰皆由水而興又曰九州  
 之外皆水也 顧子水有四德沐浴羣生深流萬世是仁也  
 揚清激濁蕩去滓穢是義也 柔而難犯弱而難勝是勇也道  
 江疏河惡盈流謙是智也 韓詩外傳問者曰夫智者動而何  
 樂於水也曰夫水者緣理而行不遺小閒似有智者動而何  
 見之解字義登 卷三十三 一 連筠蓀叢書



下似有禮者蹈深不疑似有勇者障防而清似知命者歷險致遠卒成不毀似有德者天地以成羣物以生國家以寧萬事以平品物以正此智者所以樂於水也

準也者水準聲相近集韻準數軌切本書灋荆也平之如水從水廣韻水準也釋名水準也準平物也爾雅疏引白虎通水之為言準也考工記轉人轉注則利準鄭注故書準作水栗氏為量權之然後準之鄭注準故書或作水輪人水之以其平沈之均也釋言坎銓也樊光注坎水也水性平銓亦平也易繫辭易與天地準鄭注準平也管子水地篇水者萬物之準也尚書大傳非水無以準萬里之平淮南齊俗訓視高下不差尺寸明主弗任而求之乎浣準高注浣準水望之平說林訓水靜則平平則清清則見物之形弗能匿也故可以為正尚書帝命驗五府黑曰元矩注云黑帝汁光紀之府名曰元矩矩法也水精元昧能權輕重故謂之元矩漢書律歷志以井水準其槩李尋傳水為準平王道公正修明則百川理落脈通說苑夫水者至量必平盈不求槩韋昭辨釋名平準令主平物價使相依準通鑑注準揆平之物漢有水衡官史記有平準書北方之行者白帖水冠五行之始易說卦坎為水正義云

取其北方之行也書洪範五行一曰水春秋元命苞水者天地之包幕五行之始焉萬物之所由生元氣之津液也計倪子內經元冥治北方白辯佐之使主水鵬冠子泰鴻篇以水沈物天下盡水也使居北方主冬子華子北方陰極而生寒寒生水申鑒北方水也蹈之不沈白虎通水位在北方北方者陰氣在黃泉之下任養萬物水之為言準也陰化沾濡漢書五行志水北方終藏萬物者也又李尋傳五行以水為本其星元武婺女天地所紀終始所生抱朴子水行為智為黑象眾水並流中有微陽之氣也者爾雅釋文引作象眾泉並流著微陽之氣也本書入賦支流也馥謂水字中畫從入坎古文作三中畫陽也元命苞水者元氣之腴液也周語川氣之導也乾坤鑿度水內剛外柔性下不恆附於氣也子華子陰之正氣其色黑水陽也而其伏為陰書洪範正義五行之體水最微



西極之水也從水八聲爾雅曰西至汎國謂四極

切

西極之水也者廣韻汎西極水名爾雅曰西至汎國謂四極者釋地文彼作邠釋文邠說文作汎字音同廣韻汎



西方極遠之國列子湯問篇西行至幽人人民猶是也注引爾雅為證漢書司馬相如傳右西極郭璞曰西極國也文穎曰爾雅曰西至於幽國為西極在長安西故言右離騷朝發軔於天津兮夕余至乎西極淮南地形訓西方曰西極之山曰閩闔之門

# 河

水出焯煌塞外昆侖山發原注海從水可磬

乎哥切

釋名河下也隨地下處而通流也春秋說題辭河之為言荷也荷精分布懷陰引度也孝經援神契河者水之伯上應天漢史記大宛傳于寘之西則水皆西流注西海其東水東流注鹽澤鹽澤潛行地下其南則河源出焉漢書西域傳西域在匈奴之西烏孫之南南北有大山中央有河其河兩原一出蔥嶺山一出于闐于闐在南山下其河北流與蔥嶺河合東注蒲昌海蒲昌海一名鹽澤者也去玉門陽關三百餘里廣袤三百里其水亭居冬夏不增減皆以為潛行地下南出於積石為中國河云禹貢導河積石淮南地形訓河水出崑崙東北陬貫勃海入禹所導積石山高注勃海外北經禹所導積石之山河水所入注云河出昆侖而潛

行地下至蔥嶺復出注鹽澤從鹽澤復行南出於此山而為中國河遂注海也書曰導河積石言時有壅塞故導利以通之西山經積石之山其下有石門河水冒以西流郭注積石山今在金城河門關西南羌中河水行塞外東入塞內括地志大積石山在吐谷渾界小積石山在枹罕縣西北後漢書段熲傳自張掖追西羌且闐且行四十餘日至河首積石山出塞三千餘里唐書吐谷渾傳君集道宗行空荒二千里閱月次星宿川達柏海上望積石山覽觀河源元和和郡縣志積石山一名唐述山今名小積石在枹罕縣西北七十里按河出積石山在西南羌中注於蒲昌海潛行地下出於積石為中國河故今人目彼山為大積石山此山為小積石山按禹貢導河積石至于龍門又曰導洛自熊耳按洛水出上洛西山經熊耳之北所言導者皆謂紀所施功不必自其源也胡渭曰水經崑崙崑崙墟在西北去嵩高五萬里地之中也其高萬一千里河水出其東北陬屈從其東南流入於渤海又東與于闐河合南河又東逕于闐北又東北逕扞彌國北又東逕且末國北北河又東逕于闐北又東北逕出焉北河自疏勒逕流南河之北又東逕莎車國南又東南逕溫宿國又東逕姑墨國南又東逕注賓城南又東逕樓蘭城南又東注於渤海又出海外南至積石山下有石門河水冒



以西南流謂之嶺此二移於嶺又東入塞過敦煌酒泉張掖郡  
 南按水經敘西域兩源較漢書尤為明備惟是積石一山錯  
 簡在渤海之下蔥嶺之上遂來後人之彈射而不知此非其  
 本文乃妄庸人之所竄易也春秋釋例河出西平西南二  
 千里從西平東北經金城故北地朔方五原至故雲中南經  
 平陽河東之西界東經河東河內之南界東北經汲郡頓邱  
 陽平平原樂陵之東南入海馥案此河道與禹貢不同蓋據  
 當時言之釋水河出崑崙虛色白所渠并千七百一川色  
 黃百里一小曲千里一曲一直文十二年公羊傳河曲疏  
 矣河千里而一曲也物理論河色黃赤眾川之流蓋濁之  
 也百里一小曲千里一大曲河圖絳象黃河出崑崙山東  
 北流千里折西而行至於蒲山南流千里至於華山之陰東  
 流千里至於桓雍北流千里至於下津河水九曲長九千里  
 入於渤海史紀殷本紀載湯誥之言曰東為江北為濟西  
 為河南為淮四瀆已修萬民乃有居博物志四  
 瀆河出崑崙墟江出岷山濟出王屋淮出桐柏  
 水出焯煌塞外崑崙山者山當為虛本書崑崙邱謂之崑  
 崙虛釋地西北之美者有崑崙虛之璆琳琅玕焉釋水河  
 出崑崙虛河圖括地象崑崙之墟有五城十二樓河水出  
 四維多玉水經崑崙崙墟在西北博物志地部之位起形高

大者有崑崙墟其泉南流入中國名曰河也河圖始開圖  
 黃帝問風后曰余欲知河之始開風后曰河凡有五皆始  
 開乎崑崙之墟海內西經海內崑崙之墟在西北北山經  
 敦蒙之山敦蒙之水出焉而西流注於渤海出於崑崙之  
 東北隅實惟河原郭注即河水出崑崙之墟淮南子崑崙  
 虛中有增城九重凡此諸說皆稱崑崙虛亦或稱邱如西  
 山經崑崙之邱是實惟帝之下都河水出焉大荒經西海  
 之南流沙之濱赤水之後黑水之前有大山名曰崑崙之  
 邱古文苑靈河賦崑崙靈川之遐源今於崑崙之神邱是也  
 其稱山者廣韻洶崑崙山下澤也崑崙山記崑崙山一名  
 崑崙邱風俗通義河出燉煌塞外崑崙山發源注海此即  
 據本書之文亦稱山為可疑也易林泉出崑崙崑崙出  
 十洲記崑崙陵即崑崙崑崙中狹上廣故曰崑崙崑崙崑崙出  
 五色流水東南流黃水入中國為河成公綏大河賦覽百  
 川之宏壯莫尚美於黃河潛崑崙崑崙之峻極出積石之嵯峨  
 發原注海者廣雅崑崙崑崙虛河水出其東北陬入東海漢  
 書地理志金城郡河關縣積石山在西南羌中河水行塞  
 外東北入塞內至章武入海過郡十六行九千四百里禹  
 貢導河積石至于龍門南至于華陰東至于砥柱又東至  
 于孟津東過洛汭至于大伾北過降水至于大陸又北播  
 連筠篠叢書



為九河同為逆河入于海釋水江河淮濟為四瀆四瀆者  
 發源注海者也釋名瀆獨也各獨出其所而入海也許敬  
 宗曰瀆者獨也獨能赴海也淮南說山訓江出岷山河出  
 崑侖濟出王屋潁出少室漢出嶧豕分流舛馳注於東海  
 所行則異所歸者一管子水有大小有遠近水出山而流  
 入海者命曰經水引他水及歸於大水入海者命曰枝水  
 可譬者本書序形譬者以事為名取譬相成江河是也  
 賈公彥說周禮六書云書有六體形譬實多若江河是左  
 形右聲鳩鴝是右形左聲草藻是上形下聲婆娑是下形  
 上聲團國是外形內聲闔衡威辨壘贏是內形外聲此形  
 譬之等有六也



澤在昆侖下從水幼聲讀與猷同

於糾切

澤在昆侖下者御覽引作澤在崑崙虛下廣韻泐崑崙山  
 下澤也水經河水又東注於泐澤酈注即所謂蒲昌也史  
 記大宛列傳于真之西則水皆西流注西海其東水東流  
 注鹽澤鹽澤潛行地下其南則河源出焉鹽澤去長安可  
 五千里正義漢書云鹽澤去玉門關三百餘里廣袤三四  
 百里其水皆潛行地下南出於積石山為中國河括地志

云蒲昌海一名泐澤一名鹽澤亦名輔日海亦名賓蘭亦  
 名臨海在沙州西南漢書地理志敦煌郡正西關外有白  
 龍堆沙有蒲昌海西山經不周之山北望諸毗之山臨彼  
 嶽崇之山東望泐澤河水所潛也其原渾渾泡泡郭注河  
 南出崑侖潛行地下至蔥嶺出于闐國復分流岐出合而  
 東流注泐澤已復潛行南出於積石山而為中國河也泐  
 澤即蒲澤一名蒲昌海廣三四百里其水停冬夏不增減  
 去玉門關三百餘里即河之重源所謂潛行也又長沙之  
 山泐水出焉北流注於泐水注云水色黑也馥案大荒經  
 所謂赤水之後黑水之前有崑崙邱者黑水即泐也西山  
 經槐江之山邱時之水出焉而北流注於泐水南望崑崙  
 其光熊熊其氣魂魂馥案經言南望是崑崙在黑水之前  
 矣



澤水出發鳩山入於河從水東聲

德紅切

此水當與  
 漳沁相次

水出發鳩山入於河者水經注濁漳水云漳水又東陳水  
 注之水西出發鳩山東逕余吾縣故城南又東逕屯留縣



故城北又東流注於漳故許慎曰水出發鳩山入關從水章聲也馥案陳水當為凍水章聲當為東聲入關當為人壺關漳水徑壺關縣故城西也本書今作入於河後人亂之寰宇記入十川水出潞州長子縣界發鳩山西南合沁水此川長入十里因名八十川馥謂即凍水

涪

水出廣漢剛邑道微外南入漢從水吝聲

縛牟切

水出廣漢剛邑道微外南入漢者邑當為氏漢書百官表縣有蠻夷曰道漢書音義微塞也以木柵水為蠻夷界地理志廣漢郡剛氏道涪水出微外南至墊江入漢過郡二行千六十九里又涪縣莽曰統睦應劭曰涪水出廣漢南入漢華陽國志漢中志剛氏縣涪水所出水經涪水出廣魏涪縣西北南至小廣魏與梓潼水合酈注涪水出廣漢屬國剛氏道微外東南流涇涪縣西又東南涇縣竹縣北又東南涇南安郡南又南枝津出焉西涇廣漢五城縣為五城水又西至成都入於江又水經梓潼水出其縣北界西南入於涪又西南至小廣魏南入於墊江酈注亦言涪水至此入漢水元和志涪州武龍縣涪江水在縣南屈北流注於蜀江又云射洪縣有梓潼水與涪江合流急如箭

奔射江口蜀人謂水口曰洪因名射洪九域志絳州已西縣有涪水

潼

水出廣漢梓潼北界南入墊江從水童聲

徒紅切

水出廣漢梓潼北界南入墊江者墊當為藝本書藝下云巴郡有藝江縣地理志廣漢郡梓潼縣應劭曰潼水所出南入墊江元和志梓州因梓潼水為名也又云岐江水下流即梓潼水寰宇記梓州鹽亭縣梓潼水源出劍州陰平縣豆團山石穴東南經絳州鹽泉縣流人當縣又云開州新浦縣墊江水源自縣高梁山東北流於縣南入常渠水

江

水出蜀渝氏微外崕山入海從水工聲

古雙切

釋名江公也小水流入其中公其也廣雅江貢也風俗通江者貢也所出珍物可貢獻也江源記平康縣有羊腸嶺大江發源之所馥案賜當為膊李膺益州記羊膊嶺水分二派一東南流為大江一西南流為大渡河寰宇記羊膊山在平康縣山下有二神湫大江始發之所金履祥尚書注岷山數百峯大山為最大雪山峯闢其後冬夏如爛銀一谷名鐵豹嶺者有西岳廟廟下名羊膊石江水正源也詩四月滔滔江漢南國之紀箋云江也漢也南國之大水紀理眾



川使不壅滯禹貢三江既入鄭注左合漢為北江會彭蠡為南江岷江居其中則為中江故書稱東為中江者明岷江至彭蠡與南北合始得稱中也楊慎曰江出岷山其源實自蜀西戎萬山來至嘉州而沫水自鶴州合大渡河穿夷界十山以會之至敘州而馬湖江會之又十五里而南廣江會之至瀘州而內江又自資簡會之至重慶而嘉陵江自利閬果合等州會之至涪州而黔江合南夷諸水會之至萬縣而開江水自開達等州會之夫然後總而入峽是江自峽而西受大水凡八及出峽而下岳陽則會之者洞庭湖所受湖南北諸水也又自是而下鄂渚則會之者漢口所受興元諸水也又自是而下黃州東四十五里則會之者巴河也又自是而下九江則會之者彭蠡今名鄱陽湖所受江東西諸郡水也又自是而下則會之者皖水所受淮西諸水也夫然後總而入海是以自峽而東又受大水凡五畧計天下之水會於江者居天下之半其名稱之大而可考者凡十有三故曰江源其出如甕而能滔滔萬里達海所受者眾也胡渭曰華陽國志李冰穿郫江檢江即流江自漢以來皆以郫江為沱水流江為大江水經所敘江水自都安以至成都者攷其原委皆流江也然流江實非大江江原縣鄴水近世謂之大阜江者則岷江之正流也而班氏以為首受江故鄭康成

云沱之類鄴與郫俱為沱而流江於是乎為大江矣

水出蜀岷氏徼外嶓山入海者嶓當作駱氏下當有道字地理志蜀郡岷氏道禹貢嶓山在西徼外江水所出東南至江都入海過郡七行二千六百六十里胡渭曰江自松潘至泰州行七千九百六十里自泰州至海門入海又四百里通計得八千三百餘里二當作入或是七閩若璩曰漢志言江行二千二百六十里案水經江水東過夷陵縣南注說宜昌縣流頭灘而引袁山松曰自蜀至此五千餘里干寶晉紀吳使紀陟如魏司馬昭問吳成備幾何對曰西陵至江都五千七百里宜昌今宜都縣在西陵之東自江發源松潘至此四千四百五里西陵今宜昌府治東湖縣自此至江都不過四千里山松與陟言皆誇然共計亦當有八千餘里二當作入馥案過郡七者蜀郡犍為巴郡南郡江夏廬江廣陵也地理志又云會稽毗陵縣江在北東入海又地理志嶓山之陽顏注嶓山在蜀郡岷氏西江所出經典用岷字禹貢岷山導江家語夫江始於岷山其源可以濫觴郡國志蜀郡岷氏道岷山在西徼外括地志江水源出岷州南岷山南流至益州即東南流入蜀至瀘州東流經三峽過荊州與漢水合風俗通義江出蜀郡岷



氏徽外岷山入海海內東經岷三江首大江出汶山郭注  
 今江出汶山郡升遷縣岷山東南經蜀郡犍為至江陽東  
 北經巴東建平宜都南郡江夏弋陽安豐至盧江南界東  
 北經淮南下邳至廣陵郡入海楚詞九章隱岷山以清江  
 王注岷山江所出也高誘注呂氏春秋有始篇江水云江  
 水出岷山在蜀西徽外淮南地形訓江出岷山東流絕漢  
 入海左還北流至於開母之北右還東流至於東極高注  
 開母山名在東海中地形訓又云何謂六水曰河水赤水  
 遼水黑水江水淮水注云江出岷山在蜀西徽外荊州記  
 江出岷山其源若養口可以濫觴在益州建寧漏江縣潛  
 行地底數里至楚都遂廣十里陸游入蜀記嘗登岷山欲  
 窮江源而不可得蓋自蜀郡之西大山廣谷豁豁起伏西  
 南走蠻箐中皆岷山也則江所從來遠矣范成大吳船錄  
 江源自西戎來由岷山澗壑中出而合於都江今世所云  
 止自中國言耳或借汶字禹貢岷嶓既藝岷山導江史記  
 竝作汶海內東經大江出汶山輿地廣記汶山在茂州汶  
 山縣西俗謂之鐵豹嶺禹之導江發迹於此管子霸形篇  
 望汶山注云汶音岷岷山江水所從出子華子江之源出  
 於汶山其大如養口其流可以濫觴順沿而下控諸羣荆  
 廣袤數千里方舟然後可以濟此無他故也所受於下流

者非一壑也春秋釋例江水出汶山升遷縣岷山經南郡  
 江夏至廣陵入海元和志大江水一名汶江至汶山故郡  
 乃廣二里九域志茂州汶山縣有汶山岷江六經正誤考工  
 記貉踰汶則成注汶水在魯北釋文汶音問水名按列子  
 湯問篇鸚鵡不踰濟貉踰汶則成矣殷敬順釋文汶母巾  
 反鄭元云汶水在魯城北先儒相因以為魯之汶水皆大  
 誤也按史記汶與嶧同母巾反謂汶江也非音問之汶案  
 山海經大江出汶山郭云東南逕蜀郡東北逕巴東江夏  
 至廣陵入海韓詩外傳云昔者江出於汶山其始也足以  
 濫觴是也又楚辭云隱汶山之清江固可明矣且列子與  
 周禮通言水土異性則遷移有傷故舉四瀆以言之案今  
 魯之汶水濶不踰數十丈源不過二百里揭厲皆渡斯須  
 往還豈狐貉暫游生歎頓隔乎說文云貉狐類也皆生長  
 邱陵旱地今江邊人云狐不渡江是明踰越大水則傷本  
 性遂致成也三國志蜀後主至渝登觀坂看汶水之流五  
 代史王建貶衛尉少卿李綱為汶川尉徐無黨注汶讀作  
 岷工瞽者本書序形瞽者以事為名取瞽相成江河是  
 也





江別流也出嶧山東別為沱從水它聲

徒何切

靈石楊氏棗

江別流也者初學記引作陂也從水它聲馥案本書陂沱也蓋沱有二義一為陂一為江沱今脫陂義出岷山東別為沱者出上當有江字釋水江為沱郭璞音義沱水自蜀郡都安縣嶧山與江別而更流禹貢岷山導江東別為沱毛晃曰按地理志南郡枝江縣江沱在西北此荆州之沱也凡江水別出皆也蜀郡郫縣江沱在西北此梁州之沱也凡江水別出皆名為沱此言東別為沱繼於岷山導江之下是江始出而別流者則當在梁州詩言江有沱其荆州之沱歟胡渭曰河渠書蜀守冰穿二江二江一是流江乃冰所創造一是郫江即禹貢之沱時必淤淺冰復從而濬之遂并數為二江地理志蜀郡郫縣禹貢江沱在東西入大江括地志繁縣通典彭州唐昌縣下云禹貢岷山導江東別為沱沱水在此寰宇記益州沱水在州西南唐隆縣界皂里江是也晉太康地記江沱在新繁縣蕭廣濟注江賦云觸玉壘山東回為沱李膺益州記沱水入都田江胡渭曰郫江即禹貢梁州之沱郫江號北江惟東合湔雜又東南至江陽入江者為禹貢之江沱餘皆後人所穿鑿



江水東至會稽山陰為浙江從水折聲

旨熬切

史記秦始皇本紀至錢唐臨浙江虞喜志林注錢唐江口浙山正居江中潮水投山下折而曲

江出三天子都注云山海經謂之浙江寰宇記引顧野王云今永康縉雲山是三天子之都今在績谿縣東九十里案績谿屬安徽今水出安徽黟縣者為漸江流至會稽山陰為浙江本書脫去漸字遂不知為何江之水矣孔稚珪北山移文馳妙譽於浙右李善引字書與本書同廣韻浙江名在東陽玉篇浙發源東陽至錢塘入海地理志丹陽郡黟縣漸江水出南蠻夷中東入海又石城縣分江水首受江東至餘姚入海胡渭謂分江水在池州府貴池縣馥案丹陽郡故漳郡在漢初屬會稽郡地此水自首受至入海皆不出會稽一郡即浙江也莊子外物篇自制河以東釋文制依字應作浙漢書音義音逝河亦江也北人名水皆曰河浙江今在稽錢塘馥案浙或作淞論語片言可以折獄者鄭注魯讀折為制是也海內東經折江出三天子都南蠻東在閩西北入海注云案地理志浙江出新安黟縣南

說文解字義登 卷三十三 九 連筠籀叢書



蠻中東入海今錢塘浙江是也蠻即歙也水經漸江水出  
三天子都北過餘杭東入於海酈注山海經謂之浙江也  
地理志云水出丹陽黟縣南蠻中呂氏春秋曰越王之栖  
於會稽也有酒投江民飲其流而戰氣自倍所投即浙江  
也許慎晉灼竝言江



水出蜀汶江徼外東南入江從水我聲

五何切

水出蜀汶江徼外東南入江者趙宦光曰汶當為臨臨改  
作岷元和志嘉州玉津縣汶江在縣城下水經注江水云  
汶水出徼外徑汶江道呂忱曰汶水出蜀許慎以為汶水  
也出蜀汶江徼外從水我聲南至南安入大渡水大渡水  
又東入江湖渭曰禹貢和夷底績水經注引鄭說云和夷  
和上夷所居之地和水即汶水和汶聲相近字從而變地  
理志云青衣縣禹貢崇山谿大渡水東南至南安入汶汶  
水出汶江縣徼外南至南安東入江過郡三行三千四十  
里汶乃汶字之誤說文汶水出蜀汶江徼外東南入江從  
水我聲故知汶當作汶和夷者汶水南之夷也又曰大渡  
河即汶水羊膊嶺即汶江徼外之山汶水所出水經江水  
東南過犍為武陽縣青衣水沫水從西南來合而注之此

即二水會汶水入江處也以今輿地言之汶水自茂州徼  
外南流經黎大所西折而東經所南又東經建昌衛越嶲  
營北又東經峨嵋縣南又東至嘉定州南合青衣沫水又  
東入大江此水之南蓋即經所謂和夷也禹導和水使入  
江而其地已底績矣或曰何以知不在水北曰古者桓有  
和音故鄭康成賦和為桓晉地道記云梁州自桓水以南  
為夷書所謂和夷底績此說是也但不當賦和為桓百馥  
案玉篇廣韻汶竝見汶出說文汶出字林而不知為一  
字也我哉易誤尙書洛誥公無困哉  
漢書元后傳杜欽傳竝引作困我



水出蜀郡縣虎玉壘山東南入江從水前聲一日手

瀨之子仙切

水出蜀郡縣虎玉壘山東南入江者地理志蜀郡縣虎玉  
壘山湔水所出東南至江陽入江過郡三行千八百九十  
里又廣漢郡雒縣章山雒水所出南至新都谷入湔郡國  
志蜀郡縣虎道注云華陽國志曰有玉壘山出璧玉湔水  
所出水經注湔水出縣虎道元和志茂州汶川縣玉壘山  
在縣東北四里又云彭州導江縣玉壘山在縣西北二十



九里灌口山在縣西北二十六里漢蜀文翁穿湔江溉灌  
 故以灌口名山九域志茂州汶川縣有玉壘山寰宇記永  
 康軍導江縣玉壘山湔水所出郭璞江賦云玉壘作東壁  
 之標是也李膺益州記云在沈黎郡去蜀城南八百里在  
 導江縣西北二十九里古文苑蜀都賦湔山巖巖注云湔  
 山湔水所出一名玉壘山在成都西北晏氏類要玉壘山  
 湔水所出或借煎字僅約蜀郡王子淵以事到煎上注云  
 玉壘山在成都西北湔水出焉亦名湔山湔水所經行之  
 地故名煎上煎與湔同一日手湔之者集韻引作手灑  
 也廣韻湔洗也三蒼湔濯也字林湔浣也水經注引作半  
 浣水也半當為手戰國策汙明見春申君曰君獨無意湔  
 被臣也說苑汙辱難湔灑漢書武五子傳以湔酒大王顏  
 注湔灑也酒濯也魏志華佗傳病若在腸中便斷腸湔洗  
 北史竇泰傳渡河湔裙產子必易玉燭寶典元日至月晦  
 士女悉湔裳酌酒於水澹以為度厄通鑑烏承玘說史思  
 明日若歸款朝廷以自湔洗易於反掌耳又高仁厚使阡  
 能諜語寨中人曰尚書欲拯救湔洗汝曹注云湔  
 滌也亦洗也言百姓為賊所汚染湔洗與維新

**沫** 水出蜀西徼外東南入江從水末聲

莫割切

水出蜀西徼外東南入江者史記索隱引云水出蜀西南  
 徼外與青衣合東南入江馥案徐鍇本亦有南字顏注漢  
 書溝洫志沫水出蜀西南徼外東南入江文選江賦注引  
 作水出蜀西塞外東南入江武蓋切九經字樣沫水出蜀  
 水經沫水出廣柔徼外東南過旄牛縣北又東至越雋靈  
 道縣出蒙山南東北與青衣水合東入於江又云青衣水  
 出青衣縣西蒙山東南與沫水合也地理志蜀郡青衣縣禹  
 貢蒙山谿大渡水東南至南安入濛案蒙山谿即水經之  
 青衣水大渡水即此沫水二水合流會濛水入江非自入  
 江也濛水即濛水續漢書郡國志蜀郡屬國漢嘉下云沫  
 水從西來史記河渠書蜀守冰鑿離離辟沫水之害司馬  
 相如傳西至沫若水索隱張揖曰沫水出蜀廣平徼外與  
 青衣水合也華陽國志漢嘉縣有沫水音妹又音末蜀都  
 賦演以潛沫劉逵注有水出岷山之西東流過漢嘉南流  
 有高山上下開水經其中曰沫水水潛行曰演此二水  
 伏流故曰演以潛沫唐書李德裕傳由清溪下沫水而左  
 盡為巒有九域志嘉州龍游縣有沫水寰宇記嘉州羅目  
 縣大渡河一名沫水在縣南一百八十步末聲者顏注溝  
 洫志沫音本末之末



**涇** 水出犍為涪南入黔水從水盃聲 鳥魂切

水出犍為涪南入黔水者涪當為符地理志犍為郡符縣  
溫水南至暨入黠水黠水亦南至暨入江顏注黠音紀炎  
反馥案涪屬廣漢郡非犍為也黔黠涪符音相近水經注  
延江水云溫水一日煖水出犍為符縣而南入黠水黠水  
亦出符縣南與溫水會關關謂之關水俱南入暨水暨水  
於其縣而東注延江水又云西水北岸有黠陽縣許慎曰  
溫水南入黠蓋暨水以下津流沿注之通稱也故縣  
受名焉元和志成都府溫江縣大江俗謂之溫江

**潛** 水出巴郡宕渠西南入江從水驚聲 昨鹽切

水出巴郡宕渠西南入江者潛經典借潛字或借涪字書  
禹貢沱潛既道地理志作瀾史記夏本紀沱涪已道水經  
潛水出巴郡宕渠縣又南入於江馥案郿  
氏誤以為禹貢梁州之潛故注多不合

**沮** 水出漢中房陵東入江從水且聲 子余切

水出漢中房陵東入江者水經沮水出漢中房陵縣東南  
過臨沮縣界又東南過枝江縣東南入於江酈注云沮水

出東汶陽郡沮陽縣西北景山即荆山首也故淮南子曰  
沮出荆山高誘云荆山在左馮翊懷德縣蓋以洛水有漆  
沮之名故也斯謬證耳杜預云水出新城郡之西南發阿  
山蓋山異名也沮水與漳水合焉又東南逕長城東又東  
南流注於江謂之沮口也中次八經荆山之首日景山睢  
水出焉東南流注於江注云今睢水出新城魏昌縣東南  
發阿山東南至南郡枝江縣入江也初學記云荆州記沮  
縣西北半里有雁浮山是山海經所謂景山沮水之所出  
也元和志永清縣本漢房陵縣地沮水出縣西南景山東  
南入於漢江左傳曰江漢沮漳楚之望也應劭曰沮水出  
漢中房陵東入江毛晃曰荆州沮水在房陵左傳所謂江  
漢沮漳楚之望也導川云漆沮既從即雍州之沮也徐鍇  
繫傳云王粲所謂  
倚曲沮之長洲

**滇** 益州池名從水真聲 都年切

益州池名者池徐鍇韻譜作沱馬注禹貢沱湖也廣韻滇  
池在建寧地理志益州郡滇池縣滇池澤在西北十道志  
姚州雲南郡蓋夷越之地漢武開之置益州部有滇池澤  
華陽國志南中志滇池縣故滇國也有澤水周迴二百里  
連筠篠叢書



所出深廣下流淺狹如倒流故曰滇池長老傳言池中有神馬或交馬即生駿駒俗稱之曰滇池駒日行五百里譙周異物志滇池在建寧界有大澤水周二百餘里水乍深廣乍淺狹似如倒池故俗云滇也通鑑諸葛亮遂至滇池注云滇池縣屬益州郡池周回二百餘里水源深廣而未益淺狹有似倒流故謂之滇池滇音顛或借顛字子虛賦文成顛歌注云益州顛池縣其人能西南夷歌顛與滇同

水出益州牧靡南山西北入澗從水余聲

水出益州牧靡南山西北入澗者本書無澗字當為繩地理志益州郡牧靡縣南山臘谷涂水所出西北至越嶲入繩過郡二行二十里李奇曰靡音麻即升麻殺毒藥所出也又越嶲郡遂久縣繩水出徼外東至熨道入江又蜀郡旄牛縣若水南至大柞入繩水經注若水云繩水出徼外山海經曰巴遂之山繩水出焉東南流分爲二水其一水枝流東出逕廣柔縣東流注於江其一水南逕旄牛道至大柞與若水合自下亦通謂之爲繩水矣又云繩水又東涂水注之水出建寧郡之牧靡南山縣山竝即草以立名山在縣東北烏甸山南五十里山生牧靡可以解毒百

卉方盛鳥多誤倉鳥喙口中毒必急飛往牧靡山啄牧靡以解毒也涂水導源臘谷西北流至越嶲入繩寰宇記嶺州臺登縣有繩水

水出牂牁故且蘭東北入江從水元聲

水出牂牁故且蘭東北入江者本書無牁字當為柯地理志牂牁郡故且蘭沅水東南至益陽入江過郡二行二千五百三十里顏注牂牁係船棧也華陽國志云楚頃襄王時遣莊躡伐夜郎軍至且蘭椽船於岸而步戰既滅夜郎以且蘭有椽船牂牁處乃改其名爲牂牁又武陵郡臨沅縣應劭曰沅水出牂牁入於江郡國志武陵郡臨沅注云荆州記曰縣南臨沅水水源出牂牁且蘭縣至郡界分爲五谿故曰五谿蠻後漢書南蠻傳乘船泝沅水入武溪擊之注云沅水出牂牁故且蘭東北經辰州潭州嶽州經洞庭湖入江也海內東經沅水出象郡鐔城西東注江入下嶺西合洞庭中注云象郡今日南也鐔城縣今屬武陵水經沅水出牂牁且蘭縣爲旁溝水又東至鐔城縣爲沅水東逕無陽縣又東北過臨沅縣南又東至長沙下嶺縣西北入於江寰宇記沅水出牂牁故且蘭東北經靈溪長沙







靈石楊氏棻

之正源出饒得者為弱水之別源正源主也別源客也志家徇今而忘古遑遑主客易位故云羌谷水入居延海而刪丹弱水之下則闕而不言讀者以意會可也西至酒泉合黎者禹貢弱水既西鄭注眾水皆東此獨西流故紀其西下也又導弱水至于合黎正義云顧氏云地說書合黎山名鄭元亦以為山名馥案禹貢山水澤地合離山在酒泉會水縣東北注云合黎山也元和志甘肅張掖縣合黎山俗名要塗山在縣西北二百里禹貢導弱水至于合黎鄭注禹貢云凡言導者發源於上未成流凡言自者亦發源於上未成流凡言至于者或山或澤皆非水名史記夏本紀弱水至於合黎餘波入於流沙正義括地志云合黎一名羌谷水一名鮮水一名覆表水今名副投河亦名張掖河南自吐谷渾界流入甘肅張掖縣今案合黎水出臨路松山東而北流歷張掖故城下又北流經流沙磧之西入居延海行千五百里集解云鄭元曰地理志流沙磧之西入居延海延澤地記曰弱水西流入合黎山腹餘波入於流沙通於南海馬融王肅皆言合黎流沙是地名索隱云廣志流沙在玉門關外有居延澤居延城又山海經云流沙出鍾山西南行昆侖墟入海案是地兼有水故一云地名一

云水名馬鄭不同亦有由也地理志張掖郡刪丹縣桑欽以為道弱水自此西至酒泉合黎馥案欽字君長見漢書儒林傳唐書以水經為欽作今水經無此文儒林傳孔安國數傳至桑欽蓋欽說尚書之文也漢書司馬相如傳經營炎火而浮弱水兮杭絕浮渚涉流沙應劭曰弱水出張掖刪丹西至酒泉合黎餘波入於流沙餘波入于流沙者禮記王制自西河至流沙千里而遙楚詞招魂西方之害流沙千里些注云流沙沙流而行也尚書曰餘波入於流沙地理志居延縣居延澤在東北古文以為流沙者風順流行故曰流沙禹貢山水澤地流沙地在張掖居延縣東北酈注尚書所謂流沙者也形如月生五日也弱水入流沙流沙與水流行也廣志流沙在玉門關外南北二千里東西數百里有三斷石曰三隴晉書地理志西海郡居延澤尚書所謂流沙也周書鄯善西北有流沙數百里唐書西域傳吐谷渾西北有流沙數百里通典合黎水弱水並立張掖縣界其北又有居延澤即古流沙地又云燉煌即古流沙地其沙風吹流行五代史晉天福三年高居誨使于闐還言自靈州過黃河三十里始涉沙入党項界曰細腰沙神樹沙至三公沙自此沙行四百餘里至黑堡連筠篔叢書

連筠篔叢書





水出隴西臨洮東北入河從水兆聲

土刀切

水出隴西臨洮東北入河者地理志隴西郡臨洮縣洮水出西羌中北至枹罕東入河禹貢西傾山在縣西南馥案十三州志枹罕縣在郡西二百一十里水經河水云又東過隴西河關縣北洮水從東南來流注之酈注沙州記曰洮水與墊江水俱出強臺山山南即墊江源山東則洮水源山海經曰白水出蜀郭景純注云從臨洮之西傾山東南流入漢而至墊江故段國以為墊江水也洮水同出一山故知強臺西傾之異名也寰宇記洮州臨潭縣洮水源出西傾山亦曰強臺山在縣西南二百三十六里即吐谷渾界元和志洮州臨潭縣洮水出縣西南三百里



水出安定涇陽开頭山東南入渭雖州之川也從水

涇聲

古靈切

廣雅涇徑也 詩六月侵鎬及方至于涇陽 元和志雲陽縣本漢舊縣屬左馮翊涇水在縣西南二十五里 胡渭曰周禮雍州其川涇汭詩大雅曰泂彼涇舟烝徒楫之邶風曰涇以渭濁湜湜其汜皆禹貢之涇水也水經無涇水之目渭

水篇中於入渭處僅附見一語而寰宇記原州平高縣笄頭山一名崆峒山下引水經注云蓋大隴山之異名莊子謂黃

帝學道於廣成子蓋在此山百泉縣涇水下引水經涇水出安定涇陽縣高山注云山海經曰高山涇水出焉東流注於

渭入關謂之入水彈箏峽下引水經注云涇水徑都盧山山路之內常有如彈箏之聲行者聞之鼓舞而去又云弦歌之

山峽口水流風吹滴崖響如彈箏之韻因名涇州靈臺縣蒲川下引水經注云蒲川水出南山蒲谷東北合細川水又東

北合且氏川水邠州宜祿縣芮水下引水經注云汭水又東

逕宜祿川俗謂之宜祿川水芹川下引水經注云出羅山縣

千子山一名千子嶺東流逕宜祿縣北真寧縣大陵水下

引水經注云大陵小陵水出巡和南殊川西南逕寧陽城故

幽詩云夾其皇澗陵水即皇澗也乾州永壽縣高泉下引水

經注云甘泉即高泉山也耀州雲陽縣涇水下引水經注云

涇水東流歷峽謂之涇峽五龍谷泉下引水經注云五龍水

出雲陽宮西南雍州醴泉縣谷口城下引水經注云九嶼山東仲山西謂之谷口即寒門也此皆言涇水而今本無之是水經元有涇水篇宋初尚存後乃亾之耳 水出安定涇陽开頭山者地理志安定郡涇陽縣开頭山在西禹貢涇水所出東南至陽陵入渭過郡三行千六十



里雍州川顏注并音苦見反又音牽此山在今靈州東南  
 土俗語訛謂之汧屯山馥案六十里鄭注尚書引作六百  
 里又案并括地志作并輿地志作雞竝與顏讀異史記五  
 帝本紀西至於空桐登雞頭索隱山名也後漢王孟塞雞  
 頭道在隴西一日空桐山之別名正義括地志云并頭山  
 一名崆峒山在原州平高縣西百里禹貢涇水所出輿地  
 志云或即雞頭山也淮南地形訓涇出薄落之山高注薄  
 落之山一名并頭山在安定臨涇縣西廣雅薄落謂之并  
 頭寰宇記雍州長安縣涇水出薄落山括地志涇水原出  
 原州百泉縣西南并頭山涇谷後漢書隗囂傳王孟塞雞  
 頭道注云雞頭山道也雞或作并圖經并頭山在涇陽西  
 禹貢涇水所出淮南子云薄落山一名并頭山水經注云  
 大隴之山異名百莊子謂廣成子學道於崆峒山未詳孰  
 是今此見有柏堂在山頂上不知何代所置也後漢書隗  
 囂使王孟塞雞頭道謂此山也通典涇水出今平涼郡平  
 高縣元和志并頭山一名崆峒山在縣西一百里即黃帝  
 謁廣成子學道之處又平涼縣下云涇水原出縣西南涇  
 谷南流經都盧山山路之中常如彈箏之聲故行旅因謂  
 之彈箏峽九域志渭州平涼縣有并頭山涇水寰宇記原  
 州百泉縣漢朝那縣地涇水源出縣西南涇谷又渭州平

涼縣可藍山一名都盧山皆涇水源與并頭山相連亘又  
 涇州保定縣彈箏峽在原州百泉縣界都盧山涇水所出  
 南流山谷之間水聲清響有如彈箏東南入渭者水經  
 注渭水云涇谷水東北流注於渭山海經曰涇谷之山涇  
 水出焉東南流注於渭是也急就篇涇水注渭街術曲顏  
 注涇水出安定并頭山至陽陵而入渭禹貢涇屬渭汭鄭  
 入於河地理志云涇水出今安定涇陽西并頭山東南至  
 京兆陽陵行千六百里入渭詩谷風涇以渭濁傳云涇渭  
 相入而清濁異筴云涇水以有渭故見渭濁成十三年左  
 傳師還濟涇杜云涇水出安定東南經扶風京兆高陵縣  
 入渭也襄十四年傳及涇不濟釋例涇水出安定朝那縣  
 西東南經新平扶風至京兆高陵縣入渭漢書司馬相如  
 傳出東南經新平扶風注涇水出安定涇陽并頭山東至  
 渭西山經高山涇水出焉而東流注於渭海內東經涇水  
 出長城北山北入渭郭注今涇水出安定朝那縣西并頭  
 山東南經新平扶風至京兆高陵縣入渭三輔黃圖涇水  
 出安定涇陽并頭山東至陽陵入渭三秦記涇渭合流三  
 百里清濁不雜 雞州之川也者周禮職方氏正西曰雍  
 州其川涇汭注云涇出涇陽馥案本書載職方氏正西曰雍  
 連筠籟叢書



川者惟此一見 疑後人加之

水出隴西首陽渭首亭南谷東入河從水胃聲杜林

說夏書以為出鳥鼠山雒州漫也 云貴切

廣雅渭謂也 春秋說題詞 渭之為言布也 渭渭流行貌

水出隴西首陽渭首亭南谷者廣韻秦始置隴郡後魏置渭州水經渭水出隴西首陽縣渭谷亭南鳥鼠山東入於河注云渭水出首陽縣首陽山渭首亭南谷山在鳥鼠山西北此縣有金城嶺嶺上有城號渭源城渭水出焉通典渭水出今隴西郡渭源縣渭源縣志鳥鼠山在縣西二十里又西五里為南谷山 東入河者地理志渭水東至船司空入河高注淮南地形訓渭水東會於澧又入河春秋閔二年虢公敗犬戎於渭汭釋例曰渭水出隴西狄道縣鳥鼠同穴山東經南安天水洛陽扶風始平京兆至宏農華陰縣入河西山經鳥鼠同穴之山渭水出焉而東流注於河海內東經渭水出鳥鼠同穴山東注河郭云鳥鼠同穴山今在隴西首陽縣渭水出其東經南安天水畧陽扶

風始平京兆宏農華陰縣入河括地志渭有三源竝出鳥鼠山東流入河三輔黃圖渭水出隴西首陽縣鳥鼠同穴山東北至華陰入河顏注司馬相如傳渭水東北至華陰入河胃聲者徐鍇本作謂省聲 杜林說夏書以為出鳥鼠山者禹貢導渭自鳥鼠同穴地理志隴西郡首陽縣禹貢鳥鼠同穴山在西南渭水所出史記夏本紀涇屬渭汭索隱云渭水出首陽縣鳥鼠同穴山郡國志隴西郡首陽有鳥鼠同穴山在隴西首陽縣渭水所出馥案此皆鳥鼠同穴竝稱括地志渭水源出渭源縣西七十六里鳥鼠山今名青雀山博物志渭水所出元和志鳥鼠山今名青雀俗呼為高武隴其下渭水所出元和志鳥鼠山今名青雀山在渭源縣西七十六里渭水所出凡有三源竝下此皆單稱鳥鼠不連同穴鄭注禹貢鳥鼠之山有三源竝下此皆行而處之又有止而同穴之山焉此則以鳥鼠與同穴為二山也水經注渭水三源合注東北流逕首陽縣西與別源合水南出鳥鼠山渭水谷尚書禹貢所謂渭出鳥鼠者也地說曰鳥鼠山同穴之枝榦也渭水出其中東北流過同穴枝間馥案此與鄭同 雒州漫也者周禮職方氏正西曰雍州其浸渭洛地理志渭水雒州漫也者周禮職方氏正

說文解字詁林卷三十三 連筠籒叢書



渭為雍州川似誤

漾水出隴西柏道東至武都為漢從水

荒聲 余亮切

水出隴西柏道東至武都為漢者楊君峒曰酈道元所見  
 本作獠道獠以聲誤為桓桓又以形誤為相宋本及小字  
 本作相毛晉本又誤為柏也馥案獠道地理志屬天水郡  
 國志屬漢陽亦非隴西不知何由誤也地理志隴西郡氏  
 道禹貢養水所出至武都為漢郡國志隴西郡氏道養水  
 出此鄭注禹貢澧水出隴西氏道至武都為漢博物志澧  
 出嶓冢水經澧水出隴西氏道縣嶓冢山東至武都沮縣  
 為漢水又東南至廣魏白水縣西又東南至葭萌縣東北  
 與羌水合又東南過巴郡閬中縣又東南過江州縣東東  
 南入於江酈云常璩華陽國志曰漢水有二源東源出武  
 都氏道縣嶓山為澧水禹貢導澧東流為漢是也西源出  
 隴西西縣嶓冢山會白水逕葭萌入漢始源曰沔案沔水  
 出東狼谷逕沮縣入漢漢中記曰嶓冢以東水皆東流嶓  
 冢以西水皆西流即其地勢源流所歸故俗以嶓冢為分  
 水嶺即此推沔水無西入之理劉澄之云有水從阿陽縣  
 南至梓潼漢壽入大穴暗通岡山山郭景純亦言是矣岡山

穴小本不容水水成大澤而流與漢合庾仲雍又言漢水  
 自武遂川南入蔓葛谷越野牛逕至關城合西漢水故諸  
 言漢者多言西漢水至葭萌入漢又曰始源曰沔是以經  
 云漾水出氏道縣東至沮縣為漢水東南至廣魏白水診  
 其沿注似與三說相符而未極西漢之源矣然東西兩川  
 俱受沔漢之名者義或在茲矣班固地理志司馬彪袁山  
 松郡國志並言漢有二源東出氏道西出西縣之嶓冢山  
 關駟云漢或為漾漾水出崑崙西北隅至氏道重源顯發  
 而為漾水又言隴西西縣嶓冢山在西漢水所出南入  
 廣魏白水又云漾水出獠道東至武都入漢許慎呂忱並  
 言漾水出隴西獠道東至武都為漢水不言氏道然獠道  
 在冀之西北又隔諸川無水南入疑出獠道之為謬矣又  
 曰漢漾也東為滄浪水山海經曰嶓冢之山漢水出焉而  
 東南流注於江然東西兩川俱出嶓冢而同為漢水者也  
 孔安國曰泉始出為漾其猶濛耳而常璩專為漾山漾水  
 當是作者附而為山水之殊目矣川流隱伏卒難詳照地  
 理潛閼變通無方復不可全言闕氏之非也雖津流派別  
 枝渠勢懸原始要終潛流或一故俱受漢漾之名納方土  
 之稱是其有漢川漢陽廣漢漢壽之號或因其始或據其  
 終雖異名互見猶為漢漾矣川共目殊或亦在斯魏地形  
 連筠筴叢書



志華陽郡嶓冢縣有嶓冢山漢水出焉庚仲雍漢水記漢水出廣漢漾水出嶓冢東流至武都而與漢水合巴漢志漢水二源東源出縣之養山名養西漢出隴西之嶓冢山會白水經葭萌入漢始源曰沔故曰漢沔梁州記漢水發源隴西之氏道嶓冢山南都賦注漢水源出隴西嶓冢山經武都至武關山歷南陽界出沔口入江元和志嶓冢山在興元府金牛縣東二十八里漢水出焉經南鄭縣南去縣一百步禹貢嶓冢導漾東流為漢是也寰宇記三泉縣本漢葭萌縣地漾水一名漢水一名沔水關即漢李固解印綬處通入里嶓冢山今縣南有故漾水關即漢李固解印綬處通鑑劉璋將扶禁帥萬餘人由閬水上注云閬水即西漢水禹貢所謂嶓冢導漾東流為漢者也黃度曰漢有沔漾之名皆東漢水也地理志西漢水出西縣嶓冢山南入廣漢白水蓋潛漢也經不著其所出自古皆以為東西兩漢俱出嶓冢則或然矣而西漢固無沔漾之名地理志漾水出隴西氏道至武都為漢武都東漢水受氏道水名沔則是沔漾俱為東漢矣獨氏道武都脈絡不通川渠阻隔武都受漾為不可據而桑欽遂徙氏道漾水為西漢之源由是愈紛錯酈道元委曲遷就通之以潛伏之流證之以難驗之論更覺齟齬故當廢諸說而一之以經文杜佑通典秦

州上邽縣嶓冢山西漢水所出經嘉陵曰嘉陵江經閬中曰閬江漢中金牛縣嶓冢山禹導漾水東流為漢水亦曰沔水其說為可據新城王尚書蜀道驛程記出沔縣西門曲折行亂山中沔水流經其中至金牛驛北望見嶓冢山一小水自西東流即所謂嶓冢導漾者也合五丁峽東流為沔自寧羌州行十里渡水過百牢關關下有分水嶺嶺東水皆北流至五丁峽北合漾水入沔嶺西水皆南流逕七盤關龍洞合嘉陵水為川江常璩言沔出嶓冢台白水為西漢明與導漾之文相悖閬若璩曰氏道無考參以元和志鳳州兩當河池二縣竝云永嘉之後地沒氏羌縣名絕矣晉永嘉末氏人楊茂搜自號氏王據武都自後郡縣荒廢則氏道縣之不知所在豈得已哉然郭璞注山海經嶓冢今在武都氏道縣南常璩撰漢中志東漢水源出武都氏道又竝隸氏道於武都郡與漢制不同閬氏又曰班志最亂道者武都縣下注東漢水受氏道水七字試問漢武都縣為郡治傍仇池山遠在東漢發源處三四百里之上豈有反下受漾水之理胡渭曰漢志隴西西縣下云禹貢嶓冢山西漢水所出南入廣漢白水東南至江州入江過郡四行二千七百六十里此與氏道養水全無交涉水經非一時一手作漾水篇首云漾水出隴西氏道嶓冢



山東至武都沮縣為漢水此不過依漢志氏道一條以立  
 文惟加嶓冢沮縣為不同耳其所謂漢水即東漢也亦與  
 西縣之西漢全無交涉及觀下文東南逕白水葭萌閬中  
 至江州入江則又確是西漢水與武都一條全無交涉矣  
 首尾橫決必魏晉間人所續也胡氏又曰嶓冢山孔傳不  
 言所在之郡縣而正義引地理志以實之曰隴西郡西縣  
 嶓冢山西漢水所出夫此水即嘉陵水之上源非禹貢之  
 所謂嶓冢導漾東流為漢者也而班固以西縣之嶓冢為  
 禹貢之嶓冢謬矣自是以後言嶓冢者率依班氏如張衡  
 西京賦云終南太一連岡乎嶓冢潘岳西征賦云面終南  
 而背雲陽跨平原而連嶓冢玩其辭意皆主隴西而言司  
 馬彪郡國志亦云漢陽郡西縣有嶓冢山無異議也自後  
 魏正始中析沔陽地置嶓冢縣以表其山而名始著酈道  
 元卒於孝昌二年上距正始置縣之時凡二十餘歲本朝  
 典故生所親見而注水經不言豈事在成書之後不及追  
 改抑亦因其晚出而疑之乎然漾水注引漢中記曰嶓冢  
 以東水皆東流嶓冢以西水皆西流故俗以嶓冢為分水  
 嶺作者亦似知班氏之謬而以禹貢嶓冢為當在漢中也  
 者不然於漢中記奚為詳及隴西之山邪由此觀之則魏  
 收以前已有知嶓冢在漢中者不待地形志出而後知也

穎達豈未之考乎然班志雖以西縣嶓冢為禹貢之山而  
 養水則自繫氏道之下不言出某山自水經云漾水出氏  
 道縣嶓冢山而氏道亦有嶓冢矣常璩華陽國志云東源  
 出武都氏道縣嶓山為漾水而氏道之嶓冢且有漾山之  
 目矣郭璞注山海經云嶓冢今在武都氏道縣南酈注水  
 經云東西兩源俱出嶓冢而為漢水則似一山跨二縣  
 之境而在西縣者為西源在氏道者為東源矣輾轉迷惑  
 愈久愈訛說經者不能出其窠臼而禹貢之嶓冢幾不可  
 問矣西縣故城在秦州西南常璩郭璞皆云氏道屬武都  
 而晉志武都郡無之則此縣之不可考久矣要之二縣在  
 隴西皆古雍州域也而禹貢嶓冢乃梁州之山不應闌入  
 雍域故惟魏收所言為得其實又曰禹貢以嶓冢繫梁州  
 而漢志嶓冢在雍域之隴西一誤也禹貢云嶓冢導漾而  
 漢志以嶓冢所出為西漢水其漾水則出氏道二誤也禹  
 貢之潛乃漾水枝津西出為西漢水而漢志西漢水出西  
 縣之嶓冢三誤也漢志不言漾水出何山而水經云出氏  
 道縣嶓冢山是氏道亦有嶓冢四誤也漾者東漢之源而  
 續水經者以西漢接漾水為一川五誤也漾河枝津皆自  
 東入西酈注從舊說云西漢水至葭萌入漢六誤也川流  
 離合地上灼然可見而酈注惑闕駟之說以為原始要終



潛流或一故東西俱受漢澆之名七誤也羣言淆亂學者靡所折衷今說漢水當排棄諸家專主禹貢以沮沔為漢之別流以西漢為澆之枝津而氏道水則存而不論是亦理亂絲解連環之術也又曰氏道澆水至武都為東漢水卒莫有能言其所經者今案酈注濁水出濁城北東流與丁令溪水會又東逕武街城南又東宏休水注之又東逕白石縣南又東南渥陽水注之又東南與仇鳩水合又東與河池水合又東南兩當水注之水出陳倉縣之大散嶺西南流入故道川謂之故道水西南逕故道城東又西南入廣業郡界與沮水枝津合謂之兩當溪水又西南注於濁水濁水南逕槃頭郡東而南合鳳溪水又東注於漢水觀此文則漢志以沮水枝津上承氏道水下為東漢水可知也氏道雖未詳其處所以地望度之當在西縣之東河池之西上邽之南下辨之北濁水所受有丁令溪水宏休水渥陽水皆出其北蓋自氏道來也其中或有漢志所謂養水者但今無可攷耳然沮水枝津上承沮瀆自東入西非自西入東也昔之觀水作記者不察地勢之高下不辨川流之去來遂以為氏道養水合濁水兩當溪由枝津以達沮沔是為東漢之源而不知其非也班固因之故有此誤水經於

武都下加沮縣二字蓋亦以氏道水下通沮水為東漢之源也然漢志不言養水出何山而水經復附會之曰嶓冢則氏道亦有嶓冢山矣常璩知其非是故又因水以名其山曰澆山而為之殊目要之氏道水所出別是一山非嶓冢也近世言漢水者皆知班固之誤而不知其誤所由來故詳著其原委如此又曰案通典嶓冢山有二一在天水上邽一在漢中金牛雍大記云西漢水在西和縣源出嶓冢山西流與馬池水合此乃上邽之嶓冢在今秦州又云漢江源出沔縣嶓冢山東流入金州此乃金牛之嶓冢禹貢嶓冢導澆乃沔縣之嶓冢非秦州之嶓冢知嶓冢有二則東西二漢源流各自了然澆之與沔本為一流與隴西之嶓冢都無交涉

古文從養

禹貢鄭本史記夏本紀並作澆 地理志作養顏注養音弋向反字本作澆或作澆

漢士澆也東為滄浪水從水難省聲

呼肝切

廣雅漢達也 十道志江漢二水會於鄂州之西界 元和志裴秀云漢氏釋淮水改秩漢水為四瀆以其國所氏



漢水也者禹貢嶓冢導漾東流為漢傳云泉始出山為漾水  
 東南流為沔水至漢中東流為漢水地理志隴西郡西縣  
 禹貢嶓冢山西漢所出南入廣漢白水東南至江州入江  
 過郡四行二千七百六十里馥案過郡四者隴西武都廣  
 漢巴郡也郡國志漢陽郡西縣故屬隴西有嶓冢山西漢  
 水莊四年左傳漢內釋例云漢出武都沮縣經襄陽至江  
 夏安陽縣入江僖四年傳漢水以為池杜注漢水出武都  
 至江夏南入江西山經嶓冢之山漢水出焉而東南流注  
 於沔郭注嶓冢今在武都氏道縣南至江夏安陸縣入江  
 即沔水海內東經漢水出鮒魚之山郭注書曰嶓冢導漾  
 東流為漢案水經漢水出武都沮縣東狼谷經漢中魏興  
 至南鄉東經襄陽至江夏安陸縣入江別為沔水又為滄  
 浪之水淮南地形訓漢出嶓冢高注嶓冢漢陽縣西界漢  
 水所出南入廣漢東南至雒州入江博物志漢出嶓冢括  
 地志漢水源自梁州金牛縣東二十八里嶓冢山華陽國  
 志漢中志漢有二源東源出武都氏道漾山因名漾禹貢  
 流漾為漢是也西源出隴西嶓冢山會白水經葭萌入漢  
 始源曰沔故曰漢沔地形志華陽郡嶓冢縣有嶓冢山漢  
 水出焉元和志秦州上邽縣嶓冢山在縣西南五十八里  
 漾水之所出也東流為漢水又金牛縣本漢葭萌縣地嶓

冢山在縣口二十八里漢水所出黃度曰漢有沔漾之名  
 皆東漢水也陸游曰嘗登嶓冢山有泉涓涓出山間是為  
 漢水之源通典天水郡上邽縣嶓冢山西漢水所出今經  
 嘉陵曰嘉陵江經閬中曰閬中江漢中郡金牛縣地有嶓  
 冢山禹導漾水至此為漢水亦曰沔水顏師古云漢上曰  
 沔馥案西漢出上邽之嶓冢東漢出金牛之嶓冢分屬二  
 郡遠不相涉蓋因東漢出於嶓冢俗以西漢所出之山亦  
 名嶓冢後人不知有兩嶓冢故諸說多誤惟通典可據周  
 禮職方氏荆州其川江漢林之奇曰江漢發源梁州而職  
 方為荆州川則荆亦兼梁地東為滄浪水者顏注地理  
 志云漾出隴西氏道東流過武關山南為漢出荆山東南  
 為滄浪之水即漁父所歌者也水經注沔水云漢水中有  
 洲名滄浪洲庾仲雍漢水記謂之千齡洲非也是世俗語  
 譌音與字變矣地說曰水出荆山東南流為滄浪之水是  
 近楚都故漁父歌曰滄浪之水清兮可以濯我纓滄浪之  
 水濁兮可以濯我足余按尚書禹貢言導漾水東流為漢  
 又東為滄浪之水不言過而言為者明非他水決入也蓋  
 漢沔自下有滄浪通稱爾纏絡鄂郢地連紀都咸楚都矣  
 漁父歌之不違水地考按經傳宜以尚書為正爾古文苑  
 漢津賦發源自乎嶓冢引漾澧而東征又云願乘流以上

說文解字 卷三十三 連筠 籒叢書



靈石楊氏棨

下窮滄浪乎三澨元初山川記夏水古文以為滄浪即漁父所云滄浪之水清今滄浪水合流出罈城北界山此蓋後人名之非古滄浪也禹貢鄭注滄浪之水今謂之夏水來同故世變名焉庚仲雍漢水記云武當縣西四十里漢水中有洲名滄浪洲也史記索隱馬融鄭元皆以滄浪為夏水即漢河之別流也漁父歌曰滄浪之水清兮可以濯我纓是此水也荆州圖經武當縣西北四十里有滄浪洲長四里廣十三里禹貢稱漢水東流為滄浪水疑此洲是也元和志均州武當縣漢水去縣西北四十里水中有洲名滄浪洲則禹貢云又東為滄浪之水寰宇記漢陽縣漢水一名沔水西自汭川縣界流入劉澄之元初山川記云沔口古文以為滄浪水即屈原遇漁父所云滄浪之水是也林之奇曰張平子南都賦流滄浪而為隍廓方城而為壙李善注引左氏傳屈完所謂楚國方城以為城漢水以為池則是滄浪即漢水也蓋漢水至於楚地則其名為滄浪之水也

古文

浪

滄浪水也南入江從水良聲

來宕切

沔

水出武都沮縣東狼谷東南入江或曰入夏水從水

可聲

彌克切

滄浪水也者括地志均州武當縣有滄浪水隋圖經漢水經琵琶谷至滄浪洲即漁父棹歌處九域志鼎州龍陽縣有滄浪水寰宇記均州鄖鄉縣有滄浪洲南入江者元初山川記沔口古以為滄浪水屈原遇漁父處括地志嶓冢山水始出山沮沔故曰沮水東南為澧水又為沔水至漢中為漢水至均州為滄浪水始欲出大江為夏口又為沔口漢江一名沔江也通鑑地理通釋漢入江處謂之沔口廣輿記沔口在漢陽府城西

水出武都沮縣東狼谷者郡國志武都郡沮縣沔水出東狼谷南至沙羨南入沮谷地理志武都郡沮縣沮水出東狼谷南至沙羨南入江過郡五行四千里荆州川元和志興州順政縣本漢沮縣地沮水出縣東北八十二里以其初出沮沔然故名沮水寰宇記興州順政縣本漢沮縣地沮水出縣東北八十二里山谷下通典興州順政縣地沮水一名沮水源出縣東北八十二里山胡渭曰漢郊祀志秦祠沔於漢中地理志漢中有沔陽縣武都下云東漢水一名沔則沔漢互稱其

連筠移叢書



靈石楊氏棨

來已久而沮縣下又云沮水出東狼谷南至沙羨南入江  
 荆州川按周禮荆州川曰江漢而無沮是沮即河也胡氏  
 又曰沔水一名沮水出武都沮縣東狼谷東南流至沮口  
 與澧水合澧於是兼有沔稱故傳云漢上曰沔是也廣韻沔水  
 地異名者澧東流為漢又東為滄浪之水是也沔有因他水  
 決入而互受通稱者漢上曰沔是也廣韻沔水別名博  
 物志沔出月台郭注方言云沔水今在襄陽禹貢逾于沔  
 鄭注或謂漢為沔漢書郊祀志沔祠漢中顏注沔漢水之  
 上名也後漢書岑彭傳彭乃潛兵度沔水注云沔水源出  
 武都東狼谷中即漢水之上源也梁州記漢發源隴西氏  
 道縣之嶓冢山東至於夏口合江縣帶四州之域經途五  
 千餘里謂之沔水水經沔水出武都沮縣東狼谷中東南  
 逕江夏雲杜縣東夏水從西來注之又南至江夏沙羨縣  
 北南入於江酈注沔水一名沮水關駟曰以其初出沮柳  
 然故曰沮水也縣亦受名焉又東南逕沮水戍而東南流  
 注漢曰沮口所謂沔漢者也尚書曰嶓冢導澧東流為漢  
 山海經所謂漢出鮒嶠山也東北流得獻水口庾仲雍云  
 是水南至關城合西漢水漢水又東北合沮口同為漢水  
 之源也故如淳曰此方人謂漢水為沔水孔安國曰澧水  
 東流為沔蓋與沔合也至漢中為漢水是互相通稱矣

東南入江者地理志武都郡武都縣東漢水受氏道水一  
 名沔過江夏謂之夏水入江應劭曰沔水出武都東南入  
 江又曰沔水自江別至南郡華容為夏水過郡入江故曰  
 江夏禹貢傳云澧東南流為沔水至漢中東流為漢水正  
 義應劭云沔水自江別至南郡華容縣為夏水過江夏郡  
 入江既云江別明與此沔別也依地理志漢水之尾變為  
 夏水是應劭所云沔水下尾亦與漢合乃入於江也或  
 曰入夏水者鄭注尚書引地理志澧水至武都為漢至江  
 夏謂之夏水馥案即此沔水然夏入沔非沔入夏漢志南  
 郡華容夏水首受江東入沔水經沔水過江夏雲杜縣東  
 夏水從西來注之又夏水云夏水東至江夏雲杜縣入於  
 沔鄭注鄭元注尚書滄浪之水言今謂之夏水永初山川  
 記夏水古文以為滄浪因此言之水應由沔今按夏水是  
 江流沔非沔入夏假使沔注夏其勢西南非尚書又東之  
 文余亦以為非也

皇

水出金城臨羌塞外東入河從水皇馨

乎光切

水出金城臨羌塞外者地理志金城郡臨羌縣西北至塞  
 外有西王母石室僊海鹽池北則湟水所出趙充國傳先

連筠籀叢書



零豪言願時渡湟水北顏注湟水出金城臨羌塞外東入河後漢桓帝紀段熲擊當煎羌於湟中注云湟水名在今鄯州湟水縣寰宇記鄯州湟水縣四望山有水出其陽一名湟河亦謂樂都水西自吐谷渾界入漢破匈奴取西河地開湟中處月氏即此湟水東入河者地理志湟水東至允吾入河元和志湟水出青海東北亂山中東南流至蘭州西南入黃河



水出扶風汧縣西北入渭從水干聲

苦堅切

水出扶風汧縣者當如漆下稱右扶風地理志右扶風汧縣吳山在西古文以為汧山雍州山北有蒲谷鄉弦中谷雍州弦蒲藪汧水出西北入渭芑水出西北東入涇詩芑隄雍州川也郊祀志汧洛二淵為小山川後漢書隗囂傳復使來歙至汧注云汧水名因以為縣屬右扶風釋水汧出不流郭云水泉潛出便自停成汚池邯疏云以其初出不流停成弦蒲澤藪故曰汧出不流也水經注汧水出汧縣之蒲谷鄉弦中谷決為弦蒲藪爾雅曰水決之澤為汧三輔舊事初秦都渭北渭南作長樂宮橋通二宮間表河以為秦東門表汧以為秦西門二門相去八百里關駟十



水出扶風鄠北入渭從水勞聲

魯刀切

三州志汧水出汧縣西北九域志隴州汧源縣有汧水馥案即今之汧陽河也字或作岍禹貢導岍及岐釋文岍字又作汧史記夏本紀道九山汧及岐索隱汧一作岍按有汧水故其字或從山或從水猶岐山然也馥案山因水得名當作水芑括地志汧山在隴州汧源縣西六十里其山東鄰汶岫西接隴岡汧水出焉西北入渭者水經注汧水又東南逕隴縣故城南歷慈山逕都夷縣平陽故城南又東流注於渭

水出扶風鄠者當稱右扶風郊祀志霸產豐滂涇渭長水皆不在大山川數顏注豐滂出鄠元和志鄠縣牛頭山在縣西南二十三里南接終南在上林苑中西京賦云統黃山而款牛首是也滂所自出潘岳關中記涇渭霸滂豐鎬滂濶上林賦所謂八川分流也史記司馬相如傳滂字索隱姚氏云滂或作滂北入渭者水經渭水又東過槐里縣南又東滂水從南來注之酈注滂水出南山滂谷北逕漢宜春觀東又北逕鄠縣故城西注甘水而亂流入於渭顏注漢書司馬相如傳滂音牢水名也出鄠縣西南山潦谷而北流入於渭史記索隱引姚氏曰滂水出鄠縣



北注

渭

水出右扶風杜陵岐山東入渭一曰入洛從水棗聲

親吉切

玉篇有古文作淫 穆天子傳天子舍于漆澤

水出右扶風杜陵岐山東入渭蓋自北而南矣尚書禹貢太史公禹本紀云導渭水東北至涇又東過漆沮入於河孔安國曰漆沮一水名矣亦曰洛水也出馮翊北周太王去邠度漆踰梁山止岐下故詩云民之初生自土沮漆又曰率西水濟至于岐下是符禹貢本紀之說許慎說文稱漆水出右扶風杜陽縣岐山東入渭從水棗聲又云一曰漆城池也潘岳關中記曰關中有涇渭灞澠鄠漆沮之水鄠鄠漆沮四水在長安西南鄠縣漆沮皆南注鄠鄠水北注開山圖曰麗山西北有溫池溫池西南八十里岐山在杜陽北長安西有渠謂之漆渠班固地理志云漆水在漆縣西關

駟十三州志又云漆水出漆縣西北至岐山東入渭今有水出杜陽縣岐山北漆溪謂之漆渠西南流注岐水但川土音異今說互出考之經史各有所據識淺見浮無以辨之矣又云十三州志曰馮翊萬年縣西有涇渭北有小河謂漆水也又注渭水云雍水又東南流與橫水合水出杜陽山其水南流謂之杜陽川東南流左會漆水水出杜陽縣之漆溪謂之漆渠故徐廣曰漆水出杜陽之岐山者是也書禹貢漆沮既從灋水攸同傳云漆沮之水已從入渭灋水所同同之於渭又又東過漆沮入于河傳云漆沮二水名亦曰洛水出馮翊北正義地理志云漆水出扶風漆縣依十三州記漆水在岐山東入渭則與漆沮不同矣此云會於涇又東過漆沮是漆沮在太皇陵東南濁水入焉俗水一名漆沮水經云鄭渠在太皇陵東南濁水入焉俗謂之漆水又謂之漆沮其水東流注於洛水志云出馮翊懷德縣東南入渭以水土驗之與毛詩古公自土沮漆者別也彼漆即扶風漆水也詩縣自土沮漆傳云沮水漆水也又潛猗與漆沮傳云漆沮岐周二水也史記夏本紀漆沮既從索隱漆水出右扶風漆縣西地理志扶風郡漆縣下云水在縣西不言所出蓋謂縣以水得名非謂水出於此縣也杜陽下云杜水南入渭顏注大雅縣之詩曰人之



靈石楊氏棨

初生自土沮漆齊詩作自杜言公劉避狄而來居杜與漆  
 沮之地郡國志右扶風漆縣有漆水注云地道記曰水在  
 縣西耿弇傳屯兵於漆注云漆縣名屬右扶風故城在今  
 幽州新平縣也漆水在西晉書地理志新平郡漆縣漆水  
 在西晉書地道記漆水在漆縣西寰宇記鳳翔府普潤縣  
 漆水源出縣東南漆溪馮氏名物疏漆水出自鳳翔府麟  
 游縣西普潤廢縣故漢漆縣也流經岐山北大欒水自西  
 北注之與杜水合齊詩所謂自杜沮漆是也胡渭曰扶風  
 有二漆水漢志漆縣下云水在縣西不言其所出入水經  
 云出杜陽縣俞山東北入於渭說文云出杜陽岐山東入  
 涇關關云出漆縣西北岐山東入渭酈道元云周太王去  
 邠度漆踰梁山止岐下故詩曰民之初生自土沮漆又曰  
 率西水滸至于岐下此一漆也關駟云有水出杜陽縣岐  
 山北漆溪謂之漆渠西南流注岐水酈道元云杜水出杜  
 陽山東南流合漆水水出杜陽之漆谿謂之漆渠南流合  
 岐水至美陽縣注於雍水隋志扶風普潤縣有漆水此又  
 一漆也元和志云漆水在新平縣西九里北流注於涇今  
 麟游縣東南亦有漆水與此異寰宇記云按注水經曰漆  
 水自宜祿界來又東過漆縣北即今邠州所治也今縣西  
 九里有白土川東北流經白土原東陳陽原西又東北注

涇水恐是漢之漆水但古今異名耳麟游之漆水南流與  
 杜陽水合非漢之漆水也胡氏又曰詩大雅自土沮漆傳  
 云沮水漆水也周頌猗與漆沮傳云漆沮岐周二水也此  
 皆謂扶風之漆沮程大昌雍錄謂禹貢漆沮惟富平石川  
 河正當其地確不可易東入渭者水經漆水出杜陽縣  
 俞山東北入於渭十三州志漆水出漆縣西北岐山東入  
 渭括地志漆水源出岐州普潤縣東南岐山漆溪東入渭  
 西山經輸次之山漆水出焉北流注於渭詩地理考引段  
 氏曰漆沮有二皆出雍州東入於渭特流有上流下流之別  
 詩漆沮入於渭之上流書漆沮入於渭之下流一曰入  
 洛者會洛入渭也十三州志漆沮入於渭之洛水也又東  
 過華陰縣北酈注洛水入焉關駟以為漆沮之水也地理  
 志漆沮既從顏注漆沮即馮翊之洛水也又五行志引史  
 記周幽王二年三川皆震顏注涇渭洛也洛即漆沮也雍  
 錄漆在沮東洛在漆沮東漆至華原而西合沮漆沮又東  
 南至同州白水縣乃合乎洛而南流合渭三水雖分而白  
 水縣瀾為一流故孔安國班固皆指懷德入渭之水為洛  
 水而曰洛即漆沮也通典漆沮之水今京兆府華原富平  
 界亦曰洛水馥案徐鍇本下有  
 一曰漆城池五字水經注引同

說文解字卷之三十三 連筠篔叢書



水出京兆藍田谷入灞從水產聲

所簡切

水出京兆藍田谷者當云京兆尹南陵本書以水所出之  
 縣屬於郡下此獨無縣非例也地理志京兆尹南陵沂水  
 出藍田谷北至霸陵入霸水霸水亦出藍田谷北入渭師  
 古曰茲水秦穆公更名以章霸功視子孫沂音先歷反馥  
 按沂當為沂正作滌玉篇席大也充滿也秦穆公欲以章  
 霸功之開拓充盛故名滌水後世讀滌為桑故切但主滌  
 泗一義遂不解先歷反為何字矣師古曰茲水者師字衍  
 文寰宇記云古謂之茲水即本漢志馥謂志當云古曰產  
 水滌作產猶滌作養產茲形近致誤視子孫下當有師古  
 曰三字蓋先歷反乃顏所釋字音也司馬相如傳終始霸  
 產顏注霸水出藍田馥案當云藍田谷入於灞三輔黃圖產水出  
 至霸陵入霸馥案所說產水與沂水同郊祀志霸產豐滌  
 顏注霸產出藍田馥案當云藍田谷入於灞三輔黃圖產水出  
 霸水經滌水出京兆藍田谷北入於灞三輔黃圖產水出  
 藍田谷北至霸陵入霸水經渭水又東過霸陵縣北霸水  
 從西北流注之寰宇記藍田縣灞水源自藍田縣灞水出藍田谷即秦嶺  
 水之西北流注之寰宇記藍田縣灞水源自藍田縣灞水出藍田谷即秦嶺  
 界流入又西北流合滌水入渭

水

水出左馮翊歸德北夷界中東南入渭從水各聲

盧各切

水出左馮翊歸德北夷界中東南入渭者地理志左馮翊  
 襄德縣洛水東南入渭雍州浸又北地郡歸德縣洛水出  
 北蠻夷中入河馥案本書兼兩說後人亂之也周禮職方  
 氏雍州其浸渭洛鄭注洛出懷德冀州其浸汾潞鄭注潞  
 出歸德是歸德所出乃潞水非洛水漢志歸德之洛潞之  
 譌也本書當云水出左馮翊襄德東南入渭雖州浸徐錯  
 本有雒州浸三字其歸德北夷界中六字本潞下訓溷入  
 於此漢書音義晉灼曰洛水在馮翊懷德縣東南入渭詩  
 瞻彼洛矣傳云洛宗周漑浸水也周語幽王三年西周三  
 川皆震韋注三川涇渭洛關中記渭與涇洛一名漆沮水  
 一名洛水出馮翊為關中三川周幽王時三川震是也與  
 涇灃滄澇澆澆為八水通鑑陽休之對高歡曰河洛伊  
 為三川涇渭洛亦為三川注云涇渭洛之洛指關中洛水  
 史記河渠書臨晉民願穿洛以溉重泉正義洛漆沮水也  
 初學記周禮雍州其川洛汭此洛一名漆沮出馮翊此關  
 輔之水非河南洛水寰宇記馮翊縣洛水自西北澄城縣



界流入亦曰沮水王應麟詩地理考易氏曰按漢志左馮翊懷德縣即疆梁原之洛水北條荆山在縣西正洛水之源也應麟按懷德即京兆之富平縣今屬耀州即馮翊之地

水

水出宏農盧氏山東南入河從水育馨或曰出酈山

西余六切

本書鄂南陽清陽鄉綺育陽染也

水出宏農盧氏山者當云盧氏熊耳山地理志宏農郡盧氏熊耳山在東伊水出東北又有育水南至順陽入河過郡二行六百里又南陽郡育陽縣應劭曰育水出宏農盧氏南入於河元和志宏農縣熊耳山在縣南五十里南都賦清水盪其胷李善引山海經攻離之山清水流焉南流注於漢郭璞曰今清水在清陽縣南馥案注漢者所謂河漢也東南入河者水經河水東過襄陽縣北又從縣東屈西南清水流從北來注之酈注襄陽城東有東白沙白沙北有三洲東北有宛口即清水流所入也或云出酈山西北者文有脫謬晉書音義引字林清水流所入也酈縣西北山中南

入漢地理志南陽郡酈縣育水出西北南入漢中山經支離之山清水流焉南流注於漢注云今清水流所入也酈縣西北

山中南入漢

水

水出宏農盧氏還歸山東入淮從水女聲

人渚切

釋名汝南在汝水南也汝陰在汝水陰也閻若璩四書釋地或謂汝水絕迹於禹貢而孟子言決汝得毋近鑿空余曰觀爾雅從釋地已下至九河皆禹所制名中有曰水自汝出為濱又曰汝有濱此豈禹一無所事於汝而被以是名與又豈汝自天然入於淮而無須禹力與故決汝二字正可補經文之不備善乎太史公言書缺有閒矣其軼乃時時見於他說洵有味哉但難得會心人於千載之下耳胡渭曰孟子言決汝而經絕無其事不知孟子於此何以獨多誤竊謂此文當云禹疏九河濬濟漯決江漢排淮泗而注之海則字字與禹貢相符矣

水出宏農盧氏還歸山者地理志汝南郡汝水出東南至初蔡汝水出宏農入淮又定陵縣高陵山汝水出東南至初蔡入淮過郡四行千三百四十里成十七年左傳楚公子申救鄭師於汝上釋例汝水出南陽魯縣大孟山東北至河



南梁縣東南經襄城潁川汝南至汝陰襄信縣入淮海內  
 東經汝水出天息山南入淮極西北注云今汝水出南陽  
 魯陽縣大孟山東北至河南梁縣東南經襄城潁川汝南  
 至汝陰襄信縣入淮淮極地名春秋說題辭汝出猛山汝  
 之為言女也宋均注云女取其生孕也淮南地形訓汝出  
 猛山高注猛山一名高陵山在汝南定陵縣汝水所出東  
 南至新蔡入淮括地志汝水源自汝州魯山縣西伏牛山  
 亦名猛山至豫州鄆城縣名濱博物志汝出燕泉晉書地  
 道記高陵山汝水所出元和志汝州魯山縣汝水出縣西  
 一百五十里天息山一名伏牛山水經汝水出河南梁縣  
 勉鄉西天息山酈云地理志日出高陵山即猛山也亦言  
 出南陽魯陽縣之大孟山又言出宏農盧氏縣還歸山博  
 物志汝出燕泉山竝異名也今汝水西出魯陽縣之大孟  
 山蒙柏谷西即盧氏界也東入淮者水經汝水東至原  
 鹿縣南入於淮酈注所謂汝口  
 水側有汝口成淮汝之交會也



水出河南密縣大隗山南入潁從水異聲

與礮切

蓋一字也徐錯韻譜潁水名潁同六書故云潁說文作潁

晏氏類要潁水音翼廣韻潁水名在河南密縣出文字音  
 義地理志河南郡密縣大隗山潁水所出南至臨潁入潁  
 元和志河南府密縣下云大隗山在縣東南五十里本具  
 茨山黃帝見大隗於具茨之山故亦謂之大隗山潁水源  
 出於此寰宇記文同字作潁九域志東京開封府陽陵縣  
 有潁水水經潁水出河南密縣大隗山酈注大隗即具茨  
 山也潁水非也潁音相類故字從聲變耳淮南本經訓滄  
 游潁減高注潁讀燕人強春言救之救覽冥訓滄水旬月  
 不雨則涸而枯澤受潁而無源者高注潁讀燕人強春言  
 救同也元和志許州長社縣潁水俗名勒水經縣西其源  
 出密縣大隗山南入潁者水經潁水東南入於潁又潁  
 水云潁水過汝南潁強縣北洧水從河南密縣東流注之  
 酈注潁水入焉非洧水也元和志馬嶺山在密縣南十五  
 里洧水所出馥  
 謂此亦潁水也



水出太原晉陽山西南入河從水分聲或曰出汾陽

北山冀州浸符分切



靈石楊氏棨

昭元年左傳昔金天氏有裔子曰昧為玄冥師生允格臺駘  
臺駘能業其官宣汾洮障大澤以處太原帝用嘉之封諸汾  
川沈如蓐黃實守其祀今晉主汾而滅之矣由是觀之則臺駘汾神也

水出太原晉陽山者詩彼汾沮洳傳云汾水也晉語景霍  
以為城而汾河凍澮以為淵西南入河者郭注方言云  
汾水出太原經絳北西南入河成六年傳有汾澮以流其惡注云汾  
水出太原經絳北西南入河水經汾水又西至汾陰縣北  
西注於河括地志汾水西南流入絳州至蒲州入河也  
或曰出汾陽北山者地理志太原郡汾陽縣北山汾水所  
出西南至汾陰入河過郡二行千三百四十里冀州寢馥  
案過郡二太原河東也桓三年左傳逐翼侯於汾隰釋例  
云汾水出太原故汾陽縣東南至晉陽縣西南經西河平  
陽至河東汾陰縣入河晉語吾命之以汾陽之田百萬韋  
云賈侍中云汾水名海內東經汾水出上窳北而西南注  
河注云今汾水出太原晉陽故汾陽縣東南經晉陽西南  
經西河平陽至河東汾陰入河北山經管涔之山汾水出  
焉而西流注於河注云山今在太原郡故汾陽縣北秀容  
山水至汾陰縣北西入河晏氏類要管涔山在宜芳縣北

一百三十里本漢汾陽縣前趙錄劉曜嘗隱於管涔山水  
經汾水出太原汾陽縣管涔山隋圖經大業十六年敕於  
汾州北臨汾水起汾陽宮即管涔山汾河源所出之處括  
地志汾水源出嵐州靜樂縣北百三十里管涔山北東南  
流入并州即西南流入絳州至蒲州入河也通典嵐州靜  
樂縣下云有管涔山汾水所出元和志嵐州靜樂縣本漢  
汾陽縣地管涔山在縣北一百三十里汾水源出焉九域  
志憲州靜樂縣有管涔山汾水寢宇記嵐州靜樂縣管涔  
山在縣北一名管涔山山海經云汾水所出涔音岑管音  
姦土人云其山多管草或以為名又為管字淮南地形訓  
汾出燕京高云燕京山在太原汾陽汾水所出西南至汾  
陰入河冀州浸前趙錄汾水出管岑山之陽十三州記汾  
水出周武縣之燕京山蓋管岑之異名也冀州浸者  
周禮職方氏河內曰冀州其浸汾潞注云汾出汾陽

汾

水出霍山西南入汾從水會聲

古外切

竹書紀年晉出公五年滄絕於梁

水出霍山者徐鍇本作水出河西霍山馥案河西當為河  
東地理志河東郡葦縣霍大山在東冀州山玉篇滄水出

連筠籜叢書



靈石楊氏棗

平陽絳縣西元和志霍邑縣霍山一名太岳在縣西東三里禹貢曰壺口雷首至于太岳鄭元注曰今河東彘縣霍太山是也水經澮水出河東絳縣東澮交東高山酈注澮水東出絳高山亦曰河南山又曰澮山西南與諸水合謂之澮交元和志絳州翼城縣澮高山在縣東南二十五里澮水出焉九域志絳州翼城縣有澮水馥案澮水西逕翼城南不出於翼城故曰有西南入汾者春秋釋例澮出平陽絳縣西南入汾水經澮水又西至王澤注於汾水



水出上黨羊頭山東南入河從水心磬

七鳩切

水出上黨羊頭山者徐鍇本作水出上黨穀遠地理志上黨郡穀遠縣羊頭山世靡谷沁水所出郡國志上黨郡穀遠下注云上黨記曰有羊頭山沁水所出晏氏類要羊頭山在上黨壺關縣九域志潞州長子縣有羊頭山元和志潞州長子縣在縣東五十六里後漢安帝時羌寇河東以任尚為御史擊破於羊頭山謂此也寰宇記澤州高平縣本漢涅氏縣屬上黨郡羊頭山在縣北三十五里山海經云神農嘗五穀之所山形象羊頭水經沁水出上黨涅縣謁戾山酈注沁水即涅水也或言出穀遠縣羊頭山世靡谷地理志上黨郡涅氏縣涅水也顏注涅水出焉

故以名縣也北山經謁戾之山沁水出焉南流注於河郭

注謁戾山在上黨郡涅縣沁水至滎陽縣東北入河或出

穀遠縣羊頭山也馥案寰宇記縣上縣本漢穀遠縣地屬

上黨郡羊頭山一名謁戾山在縣東北五十里沁水所出

此以謁戾羊頭山為一山與郭說異元和志縣上縣本漢穀

遠縣地羊頭山在縣東北五十里覆甌山左傳曰齊侯伐晉封

名少水為京觀也馥案水經注引京相璠曰少水今沁水也

廣韻沁州本漢穀遠縣後魏置沁源縣武德初置州因沁

水以名通鑑安慶緒間李嗣業在河內涉沁水攻之注云

沁水出沁州沁源縣東南出山而東流過河內縣北慶緒

自鄴屯河內須度沁水郡縣釋名沁河源出沁源縣有二

一自縣西北縣山東谷南流一自縣東北馬圈溝南流俱

至交口郵合流入黃河魏司馬孚請造石門表曰臣被明

詔與河內水利臣既到檢行沁水源出銅鞮山屈曲周迴

水道九百里魏土地記河內郡野王縣西七十里沁水

左逕沁水城西附城東南流也東南入河者海內東經

說文解字義證卷三十三 連筠蓀叢書



武陟縣界入河此云至滎陽疑轉寫錯誤馥案

沁

水出壺關東入淇一曰沾益也從水占聲

他兼切

水出壺關者徐鍇本作水出上黨壺關地理志上黨郡壺關縣沾水東至朝歌入淇又沾縣下應劭曰沾水出壺關郡國志注壺關今名無畢馥謂畢當作畢即舉東入淇者見地理志一曰沾益也者廣雅同俗作添玉篇添益也庚信橙賦香添然蜜梁簡文帝七廟若乃越梅變實楚醴方添

潞

冀州浸也上黨有潞縣從水路聲

洛故切

冀州浸也者周禮職方氏冀州其浸汾潞鄭注潞出歸德圖經後周於襄垣縣立潞州以其浸汾潞為名馥謂冀州上當有水出北地歸德北夷界中入河十二字今潞入洛字下諸言潞者竝作洛字地理志北地郡直路縣沮水出東西入洛禹貢正義引水經沮水出北地直路縣東入洛水淮南地形訓洛出獵山高云獵山在北地西北夷中西山經泰冒山過華陰入渭地理志上郡故匈歸顏注匈歸者陰泰冒山過華陰入渭地理志上郡故匈歸顏注匈歸者

言匈奴歸附其郡有離陰道又有洛都襄洛二縣西山經

白於之山洛水出於其陽而東流注於渭括地志洛水出

出慶州洛源縣白於山東南流經鄜丹同三州至華陰北

南流入渭雍錄洛水出塞後經鄜坊同三州乃入渭元和

志慶州洛源縣本漢歸德縣地屬北地郡大業元年改為

洛源縣因洛水所出為名洛水源自白於山一名女郎山

在縣北三十里寰宇記洛水源自白於山經上郡雕陰縣

秦望山南過襄樂郡又東南過馮翊縣地也寰宇記坊

州下云洛水在州東四十里按山海經云出自柞山地理

志云出北地歸德縣北蠻夷中從鄜州洛川縣西南入中

部鄜城二縣過入同州白水縣陳啟源曰漢歸德今慶陽

府合水縣隋置洛源於其東北蓋指洛水之初入塞為源

以名縣也山海經白於之山洛水出其陽東流以注於渭

寰宇記白於山一名女郎山在合水縣北三十里亦謂洛

出合水縣與隋洛源意同皆言洛之源也上黨有潞縣

者地理志上黨郡潞縣故潞子國郡國志上黨郡潞縣注

九域志潞州潞城縣有潞水元和志潞州潞城縣本漢潞

縣屬上黨郡漳水一名潞水在縣北闕駟曰潞水在縣北

為冀州浸即漳水也按王猛與慕容評相樂於潞州評鬻

連筠移叢書



水與軍人緇正水二石則此無他大川可以為

# 漳

濁漳出上黨長子鹿谷山東入清漳清漳出沾山大

要谷北入河南漳出南郡臨沮從水章聲

諸良切

濁漳出上黨長子鹿谷山者地理志上黨郡長子縣鹿谷山濁漳水所出周禮職方氏河內曰冀州其川漳注云漳出長子翁君樹培曰古布文有彳即長子古文長從邑寰宇記潞州長子縣鹿谷山冀州圖經山在縣西有大道入壺口東出達襄國西登奚斯巨嶺以達河東經阻千里郡國志上黨郡屯留西登奚斯巨嶺以達河東經阻千里北山經發鳩之山漳水出焉東流注於河郭注漳濁漳所出和志潞州長子縣發鳩山在縣西南六十五里濁漳水出焉寰宇記上黨縣下引河北記濁漳源出發鳩山地理志信都國信都縣故漳河故虢沱河皆在北東入海禹貢絳水亦入海胡渭曰漢志雜采古記故漳絳二水並存實一川也漳絳本入河及河徙之後漳絳循河故道而下故酈元云水流閒關所在著目信都復見絳名而東入於海也然漢志信都之絳水則又有別志云故漳河在北東入海

禹貢絳水亦入海蓋縣北故漳即禹河之故道而絳水出其南則漳水之徙流酈元所謂絳瀆者也濁漳注云漳水自南宮縣故城西又北絳瀆出焉今無水故瀆東南逕九門城南又東南逕南宮城北又東南逕繚城縣故城北左逕安城南又東北逕辟陽亭又北逕信都城東散入澤潞西至於信都城東連於廣川縣之張甲故瀆同歸於海故地理志曰禹貢絳水在信都東入於海也蓋漢時信都之漳水徙從其縣南故地志以為絳水而目縣北之瀆曰故漳河其後漳又復北道故水經敘漳水仍自信都縣西東北過下博縣胡氏又曰水經注濁漳所經以今輿地言之皆禹貢降水之所經也又曰宋張洎云降水出西南東入海酈道理志上黨屯留縣下云桑欽言降水出西南東入海酈道元引此文作入漳云絳水發源屯留下亂漳津與漳俱得通稱也水經所敘漳水自平恩以下皆禹河之故道河自斥漳又東北逕平恩曲周以至鉅鹿其西畔為大陸也毛晃禹貢指南濁漳水一名降水導河序北過降水至于大陸是也九域志河北東路冀州信都郡定武軍有昌亭城水經云漳水東北至昌亭今滹沱衡漳水今長盧河則其故瀆也鄴縣圖經濁漳水在縣西水東北津有永樂浦浦西五里俗謂紫陌河此處即俗巫為河伯娶婦處也東



入清漳者地理志濁漳水東至鄴入清漳又魏郡武始縣  
 漳水東至邯鄲入漳郭注北山經或曰濁漳出長子縣鹿  
 谷山而東至鄴入清漳水經濁漳水出上黨長子縣西發  
 鳩山過平舒縣東南入海馥案水經以濁漳流長清漳入  
 於濁漳蓋以合流之下屬濁漳也潛邱荀記云漢志濁漳  
 入清漳清漳東北至阜城入大河阜城在今阜城縣東二  
 十里此與禹貢漳入河處不合蓋河既徙後之新道也水  
 經清漳入於濁漳濁漳東北過平舒縣南東入海平舒乃  
 東平舒今霸州大城縣此又河既徙班氏以後之新道也  
 清漳出沾山大要谷者沾下山上有關文蓋言沾縣之  
 某山也據水經山海經當是少山地理志上黨郡沾縣大  
 更谷清漳水所出東北至邑成入大河過郡五行千六百  
 八十里冀州川馥案更即要宇北地郡大更顏注更即古  
 要字也吳仁傑曰古文要作𠄎與𠄎相近水經注清漳水  
 出大毘谷注云大要谷是也邑成當為昌成鄭注禹貢言  
 至安平阜成入河續漢志安平國故信都延光元年改其  
 屬縣有阜成故昌城應劭曰前志作昌成是也過郡五者  
 上黨郡魏郡廣平國鉅鹿郡信都國也鄭注禹貢漳水在  
 上黨沾縣大要谷東北至安平阜成入河水經清漳水出  
 上黨沾縣西北少山大要谷東至武安縣南黍宰邑入於

濁漳酈注漳水出鹿谷山與發鳩連麓而在南淮南子謂  
 之發苞山故異名互見也又云淮南子曰清漳出謁戾山  
 高誘云山在沾縣今清漳出沾縣故城東北俗謂之沾山  
 其山亦曰鹿谷山水出大要谷寰宇記平定軍樂平縣即  
 漢沾縣清漳水出縣西南少山一名河逢山福地記  
 曰河逢山在樂平沾縣高八百丈可避兵水此即恆山之  
 左命也玉海引薛氏曰濁漳出潞州長子縣東至磁州武  
 安縣入清漳清漳出平定軍樂平縣合虜池易水東北至  
 滄州清池入海清漳即衡水也信都記衡水亦曰長蘆水  
 卽濁漳之下流也水有袁潭渡歷下博城北而逶迤東注  
 謂之九爭曲水味鹹苦俗稱苦河亦謂之黃漳河是也元  
 和志潞州涉縣清漳水一名涉河在縣南一里九域志遼  
 州遼山縣有清漳水北入河者地理志清漳水東北至  
 邑成入大河又廣平國廣平縣下應劭曰漳水出沾北入  
 河禹貢至于衡漳鄭注橫漳漳水橫流入河北山經少山  
 清漳之水出焉東流於濁漳之水注云清漳出少山大要  
 谷至武安縣南黍宰邑入於濁漳或曰東北至邑成入於  
 大河也淮南地形訓清漳出謁戾濁漳出發包高云謁戾  
 山在上黨發包山一名鹿苦山亦在上黨長子二漳合流  
 經魏郡入清河南漳出南郡臨沮者不及所入疑有關



靈石楊氏榮

漏地理志南郡臨沮縣禹貢南條荆山在東北漳水所出  
東至江陵入陽水陽水入河行六百里水經漳水出臨沮  
縣東荆山又南至枝江縣北身扶邑入於沮鄴云地理志  
曰東至江陵入陽水注於河非也今漳水於當陽縣之東  
南百餘里而右會沮水也宣四年左傳師於漳潁釋例云  
漳水出新城汭鄉縣南至荆山東南經襄陽南郡當陽縣  
入沮哀六年傳江漢沮漳楚之望也土地名云漳經襄陽  
至南郡當陽入沮中山經荆山漳水出焉而東南流注於  
睢注云荆山今在新城汭鄉縣南漳水出荆山至南郡當  
陽縣入沮水寰宇記漳沮二水並出建安界而合流於當  
陽縣北王粲登樓賦挾清漳之通浦倚曲沮  
之長洲贈士孫文始詩遷於荆楚在漳之澹

水出河內共北山東入河或曰出隆慮西山從水其

聲渠之切

水出河內共北山者地理志河內郡共縣周共故國北山  
淇水所出晉書地理志汲郡共縣北山淇水所出詩瑟彼  
泉水亦流于淇桑中送我乎淇之上矣傳並云淇水名也  
禹貢北過降水鄭注今河內共縣北山共水出焉東至魏

郡黎陽縣入河近所謂降水也降讀當如郝降於齊師之  
降聲轉為其蓋周時國於此地者惡言降故改謂之其耳  
十三州記昔共伯復歸於國逍遙得意於共山之首寰宇  
記淇口水出共山東至衛縣西一里過又南流二十三里  
與清水合入河謂之淇水口馥案所稱共山即北山東  
入河者地理志淇水東至黎陽入河隋圖經清淇西自魏  
郡朝歌界入分為二派一在郡東一在郡西俱南流入河  
通典衛州衛縣下云淇水出共山東至今縣界入河謂之  
淇水口或曰出隆慮西山者玉篇淇水出林慮山水經  
淇水出河內隆慮縣西大號山東過內黃縣南為白溝屈  
從縣東北與洹水合又東北過廣宗縣東為清河又東北  
過漂榆邑入於海淮南地形訓淇出大號高注大號山在  
河內共縣北或曰在臨慮西北山經沮洳之山淇水出焉  
南流注於河注云今淇水出汲郡隆慮縣大號山東過河  
內縣南為白溝元和志衛州共城縣漢  
屬河內郡淇水源出縣西北沮洳山

水出河內蕩陰者地理志河內郡蕩陰蕩水東至內黃澤

蕩水出河內蕩陰東入黃澤從水葛聲徒朗切  
西山羨水所出亦至內黃入蕩水經蕩水出河內蕩陰縣



靈石楊氏榮

西山東九域志大名府內黃縣有蕩水或借蕩字趙策魏安釐王使將軍救趙止於湯陰寰宇記湯陰縣湯水在縣治北源出縣西牟山去縣三十五里又云湯陰縣古羗里之地在七國時魏之蕩陰漢以為湯陰縣屬河內郡因蕩水為名集韻云或從竹通作湯廣韻蕩吐郎切水名在鄴今蕩陰縣單作湯又蕩徒朗切水名出湯陰馥案從艸之蕩宋人重修所加東入黃澤者水經蕩水東北至內黃縣入於黃澤程君瑤田曰字林林慮黃水發源神困之山谷按林慮即漢志河內郡屬之隆慮隆慮之下次以蕩陰云蕩水東至內黃澤然則內黃澤者疑即林慮黃水來至此匯為澤也魏郡內黃縣下應劭曰春秋吳子晉侯會於黃池今黃澤在西臣瓚以為陳留郡屬之外黃有黃溝則黃澤不得在魏郡師古是瓚說余謂黃池自非黃澤而黃澤當為林慮黃水之所匯足證字林之說矣

水

水出河東東垣王屋山東為沛從水允聲

以轉切

漢書天文志角亢氏沅州春秋元命苞五星流為沅州蓋取沅水以為名焉通典兗之為言端也信也端言陽精端端故其氣纖殺也禹貢濟河惟兗州史記作沅葉盛水東日記崑山盧熊通篆籀之學嘗為兗州知州既視篆即具

奏以印文兗字誤類袁字官署印款時尚循宋制云馥案隸作兗兒即允字一橫為水之中畫二為中畫之上下今書作隸體矣

水出河東東垣王屋山者地理志河東郡垣縣禹貢王屋山在東北沅水所出東南至武德入河軼出滎陽北地中又東至琅槐入海過郡九行千八百四十里郡國志河東郡垣縣有王屋山兗水出馥案兩漢志並單作垣不稱東垣鄭注職方兗水出東垣史記集解引鄭注禹貢沅水出河東東垣王屋山郭注山海經亦稱東垣劉昭注郡國志引博物記曰山在東狀如垣然則東字不誤疑漢志傳寫脫漏晉書地理志河東郡垣縣王屋山在東北沅水所出通典絳州垣縣下云東北有王屋山沅水所出元和志河南府王屋縣王屋山在縣北十五里週迴一百三十里高三十里禹貢底柱析城至于王屋是也寰宇記澤州陽城縣本漢濩澤縣屬河東郡王屋山在縣南五十里括地志兗水出懷州王屋縣北十里王屋山頂崖下石泉淳不流其深不測至縣西北二里平地其源重發而東南流為滎水水經云滎東至溫縣西北為沛或借聯字北山經王屋之山聯水出焉而西流注於泰澤注云王屋山今在河東

連筠移叢書



東垣縣北書曰至于王屋也地理志王屋山沈水所出聯  
 沈聲相近殆一水百沈即濟也又譌為衍水經注濟水又  
 東逕原城南東合北水亂流東南注分為二水一水東南  
 流俗謂之為衍水即沈水也衍沈聲相近轉呼失實也  
 東為洩者廣韻沈濟水別名地理志導沈水東流為洩顏  
 注泉出王屋山名為沈流去乃為洩也寰宇記沈水出王  
 屋山東流至濟  
 源縣而名濟水



古文沈

本書下有沿字口部  
 台讀若沈州之沈



沈也東入於海從水巛聲

子禮切

徐鍇繫傳洩今多作濟故與常山濟水相亂此則四瀆之濟  
 廣雅洩濟也釋名洩濟也源出河北濟河而南也水  
 經注風俗通曰濟出常山房子縣贊皇山廟在東郡臨邑縣  
 今按二濟同名所出不同鄉源亦別斯乃應氏之非矣釋  
 名濟南濟水在其南也濟北濟水在其北也濟陰在濟水之  
 陰也馥案陰當為陽後人改之水以北為陽隱三年左傳

鄭伯之車債於濟

吳語西屬之濟注云濟宋水也馥案此

謂河南之濟燕策齊有清濟濁河秦策濟清河濁高注

濟水清河水濁

述征記河內溫縣有濟入於黃河謂之濟

源唐書許敬宗傳帝曰書稱浮于濟深今濟與潔斷不相

屬何故而然對曰夏禹導沈水東流為濟入於河今自潔至

溫而入河水自此狀地過河而南出為滎又洩而至于曹濮散

出於地合而東汶水自南入之所謂洩為滎東出于陶邱北

又東會于汶是也古者五行皆有官水官不失職則能辨味

與色潛而出合而更分皆能識之夢溪筆談古說濟水伏

流地中今歷下凡發地下皆是流水東阿亦濟水所經取井

水煮膠謂之阿膠其性趨下清而且重用攪濁水則清故以

治淤濁及逆上之疾也通典濟水因王莽末旱渠涸不復

截河過今東平濟南淄川北海界中有水流入於海謂之清  
 河實荷澤汶水合流而曰濟河蓋因舊名非本濟水也元  
 和志濟水自王莽末入河同流於海知河南之地無濟水矣  
 自後所說皆襲舊名如鄆州之須昌濟州之長清盧縣齊州  
 之臨邑豐齊全節臨濟章邱淄州之濟陽長山鄒平高苑青  
 州之博昌諸縣界中並有濟水其後則不經博昌而改從棣  
 州之蒲臺入海是皆襲舊名而實非濟也潛邱劄記以水  
 經注元和志寰宇記諸書考之濟水最南漂水在中河水最



靈石楊氏采

北今者小清所經自歷城以東如章邱鄒平長山新城高苑  
博興樂安諸縣皆古濟水所行而大清所經自歷城以上至  
東阿固皆濟水故道而自歷城東北如濟陽齊東青城諸縣  
則皆古潔水所行蒲臺以北則古河水所經蓋唐宋時河行  
潔川其後大清兼行河潔二川其小清所行則斷為濟水故  
道也 盛君百二日地理志卞縣下云泗水至方與入沛蕃  
縣下云梁水至胡陵入沛郡國志臨邑有沛瀆廟諸沛字竝  
誤作沛水經泗水篇荷水過沛瀆作縣酈道元曰荷即濟水  
之苞注以成湖澤昔許由隱於沛瀆作縣酈道元曰荷即濟水  
澤為名夫縣因澤名非沛而何又地理志秦泗水郡漢改沛  
郡沛亦當作沛沛即泗也蓋沛至乘氏縣分為二其一東北  
流至博昌入海其一東南流為荷水注泗以入淮注泗之後  
沛泗亦復通稱矣沛雖別為荷而仍以濟名漢胡陵縣有魯  
侯觀魚臺下臨荷水春秋公矢魚於棠即此而公羊傳以棠  
為濟上邑是也按水經濟水篇自乘氏以至湖陸陸麟戲即  
分沛之荷自沛瀆作縣以至睢陵即入淮之泗而皆以為濟  
水又云荷水東至湖陸南東入於泗又東過沛縣東北酈氏  
曰濟與泗亂故濟納互稱矣互稱者縣臨泗水乃曰沛故特  
釋之猶泗水郡之為沛郡也漢高為泗上亭長而稱沛公亦  
然合此參之沛之當為沛明矣左傳齊侯田於沛杜云沛澤

名此亦沛之訛蓋在沛  
沈也者地理志東郡臨邑縣有沛廟顏注沛亦濟水字也  
禹貢導沔水東流為濟傳云泉源為沔流去為濟水經濟

水出河東垣縣東王屋山為沔水又東至溫縣西北為濟  
水酈注河水云成泉大任山在河內修武武德之界濟沔  
之水與榮播澤出入自此即經所謂濟水從北來注之者  
周禮職方氏河東曰兗州其川河沛莊三十年春秋公及  
齊侯遇於魯濟注云濟水歷齊魯界在齊界為齊濟在魯  
界為魯濟漢官解詁兗衛濟河胡廣注引濟河惟兗州楊  
雄兗州牧箴悠悠濟河兗州之寓九州記濟水一名沔水  
出濟源山元和志兗州在濟河之閒因濟水發源為名博  
物志濟出王屋山爾雅釋文濟出河東東垣縣王屋山或  
云出河內溫西北平地淮南地形訓濟出王屋高注王屋  
山在河東東垣縣東北史記夏本紀浮於濟潔索隱云濟  
水出河東東垣縣王屋山東其流至濟陰故應劭云濟水  
出平原濟陰縣東元和志濟水有二源其東源週迴七百  
步深不測西源週迴六百八十五步深一丈皆繚之以周  
牆源出王屋山後漢書王景傳建武十年陽武令張汜上  
言河決積久日月侵毀濟渠所漂數十許縣注云濟水出

連筠籜叢書



今洛州濟源縣西北東流經溫縣入河度河東南入鄭州  
 又東入滑曹鄆濟齊青等州入海即此渠也王莽末旱因  
 枯涸但入河內而已西征記濟水自大伾入河與河水關  
 而東流東入於海者禹貢導沅水東流為濟入于河溢  
 為滎東出于陶邱北又東至于菏又東北會于汶又北東  
 入于海顏師古云沅水而為濟截河內為滎澤陶邱今在  
 曹州定陶西南過荷澤又與汶水會北折而東入於海僖  
 三十一年左傳分曹地自洮以南東傳於濟釋例濟自滎  
 陽卷縣東經陳畱至濟陰北經高平東經濟北東北經濟  
 南至樂安博昌縣入海海內東經濟水出共山南東邱絕  
 鉅鹿澤注渤海唐書許敬宗傳帝曰天下洪流巨谷不載  
 祀典濟甚細而在四瀆何哉對曰瀆之為言獨也不因餘  
 水獨能赴海者也狀雖微細獨而尊也元和志博昌縣海  
 浦在縣東北二百八里即濟水東流入海之處水口謂之  
 海浦胡渭曰濟瀆入海之道自唐以來亦數變初經高苑  
 縣北又東北至博昌入海其後則不由博昌通典云舊濟  
 合在今博昌縣界今無元和志蒲臺縣下云海在縣東一  
 百四十里海畔有一沙阜俗呼為鬪口定是濟水入海之  
 處海潮與濟相觸故名蓋其時濟水改道從蒲臺東北入  
 海也宋南渡後劉豫導灤水東行入濟水故道為小清河

仍經高苑縣北至樂安縣入海及金皇統中縣令高通改  
 由縣南長沙溝至博興合時水又東北至樂安由馬車瀆

海人

水

水出南郡高城滄山東入繇從水危聲

過委切

水出南郡高城滄山者地理志南郡高成縣滄山滄水所  
 出東入繇繇水南至華容入江寰宇記荊州淞滋縣滄山  
 下云地理志高城縣滄山滄水所出東入繇即為此也中  
 山經宜諸之山滄水出焉而南流注於漳注云今滄水出  
 南郡東滄山至華容縣入江也東入繇者或作油字水  
 經注滄水出高城縣滄山東逕其縣下東至孱陵縣入油

水也

水

水在漢南從水差聲荊州浸也春秋傳曰脩涂梁差

側駕切

水在漢南者後漢書馬融傳浸以波差注云水經注云差  
 水出黃山在今隨州棗陽縣東北元和志隨縣斷蛇邱在



縣北二十五里澆水在邱西四十里九域志隨州唐城縣有澆水 荆州浸也者周禮職方氏河南曰豫州其浸波澆鄭注春秋傳曰楚子除道梁澆營軍臨隨則澆宜屬荆州在此非也丁君杰曰澆實豫州浸疑後人改說文以合職方注 春秋傳曰修涂梁澆者莊四年左傳文彼作除道梁澆注云澆水在義陽厥縣西東南入鄖水正義云釋例曰義陽厥縣西有澆水源出縣北從縣西東南至隨縣入鄖水杜以澆解澆蓋聲相近而字轉耳水經注澆水云澆水出隨縣西北黃山南逕澆西縣西又東南逕隨縣故城西楚武王伐隨除道梁澆謂此水也又南流注於澆

涇

水出桂陽縣盧聚山涇浦關為桂水從水匪聲

去王切

水出桂陽縣盧聚山者縣山二字並行方言南楚瀑涇之閒郭注涇水出桂陽水經涇水出桂陽縣盧聚山南過含涇縣南出涇浦關為桂水酈注云水出桂陽縣西北上驛山盧谿為盧谿水東南流逕桂陽縣故城謂之涇水地理志曰涇水出桂陽南至四會是也寰宇記英州浚涇縣地有涇浦地理志南海郡中宿縣有涇浦官馥謂此如雲夢官樓船官陂官湖官之官水經作關酈注涇水出關右合漆水謂之涇口元和志廣州滇陽縣涇浦故關在

縣西南四十五里地理志桂陽郡含涇縣下應劭曰涇水所出東北入沅馥案水經注云瓚注漢書沅在武陵去涇遠又隔湘水不得入沅 涇浦關為桂水者當如水經云南出涇浦關為桂水海內東經涇水出桂陽西北山東南注肆水水經注涇水山海經謂之涇水漢武帝元鼎元年路博德為伏波將軍征南越出桂陽下涇水即此水矣桂水其別名也地理志桂陽郡桂陽縣下應劭曰桂水所出東北入湘水經鍾水出桂陽南平縣都山北過其縣東又北過鍾亭與澆水合酈注鍾水即嶠水也庾仲初曰嶠水南入始興澆水注於海北入桂陽湘水注於江是也戴暉南入潯耆鍾林澆水即桂水也澆桂聲相近故字隨讀變經仍其非矣桂水出桂陽縣北界山山壁高聳三面特峻石泉縣注瀑布而下北經南平縣而東北流屈鍾亭右會鍾水通為桂水也故應劭曰桂水出桂陽東北入湘馥案澆當為涇元和志郴州臨武縣雞水在縣南即桂水也

涇

水出盧江入淮從水惠聲

胡計切

水出盧江者玉篇集韻並引作盧江洪君亮吉日漢志盧江之決水疑即說文之德水以音近而淆馥案徐邈讀決



為古惠反則與漣聲近矣 入淮者當為入灌此沿漢志之誤漢志云決水北至蓼入淮淮乃灌之譌

**灌**

水出盧江雩婁北入淮從水灌聲

古玩切

水出盧江雩婁者地理志盧江郡淮水出又雩婁縣下云決水北至蓼入淮又有灌水亦北至蓼入決二淮字竝當為灌水經注決水云灌水導源盧江金蘭縣西北東陵鄉大蘇山即淮水也許慎日出雩婁縣俗謂之滄水楮先生所謂神龜出於江灌之間嘉林之中蓋謂此水也馥案滄水即決水字異聲同鄠元謂灌水即淮水蓋舍灌水不能別尋一淮水又或於誤本之漢志難除淮水之目遂遷就其說以為一水 北入淮者當為北入漣水經注灌水東北逕蓼縣故城西而北注決水故地理志曰決水北至蓼入淮灌水亦至蓼入決馥謂決水即漣水北至蓼入淮者當為入灌

當為入灌

**漸**

水出丹陽黟南蠻中東入海從水斬聲

慈丹切

李燾本漸次也案廣雅擊次也

水出丹陽黟南蠻中者李燾本無南蠻中三字地理志丹陽郡黟漸江水出南蠻夷中東入海顏注黟音伊字本作黟其音同羅願新安志謂夷字衍又謂蠻中二字亦誤當作率山水經漸江水出三天子都北過餘杭東入於海鄠云山海經謂之浙江也元和志休寧縣漸江一名浙江源出縣東南橫鄣山東流經歙縣又東南入睦州界 東入海者李本作南入海水經注浙江又東注於海故山海經曰浙江在閩西北入海

**冷**

水出丹陽宛陵西北入江從水令聲

郎丁切

水出丹陽宛陵者地理志丹陽郡宛陵縣清水徐鍇曰清冷同也 西北入江者地理志清水西北至蕪湖入江

**滄**

水在丹陽從水箏聲

匹卦切

玉篇廣韻竝作滄

水在丹陽者簿或省作淖宋書長沙景王道憐傳芍陂有舊溝引淖水入陂寰宇記壽州六安縣淖水枕縣西門外三十步源 出多智山



水出丹陽溧陽縣從水栗聲

力質切

水出丹陽溧陽縣者縣字衍地理志丹陽郡溧陽下應劭曰溧水所出南湖也徐鍇引作南入湖晉書地理志丹陽郡溧陽縣溧水所出元和志溧陽縣溧水在縣西六里寰宇記溧陽縣溧水西自溧水縣界流入九域志江寧府溧陽縣有溧水廣韻溧水縣在宣州吳越春秋伍子胥奔吳至溧陽山謙之丹陽記江寧烈洲吳舊津所也亦曰溧洲馥案栗列聲相近

水出零陵陽海山北入江從水相聲

息良切

湘中記湘水至清雖深五六丈見底了了石子如擣蒲矢五色鮮明白沙如霜雪赤岸如朝霞水出零陵陽海山者地理志零陵郡零陵縣陽海山湘水所出北至鄰入江過郡二行二千五百三十里郡國志零陵陽湖山湘水出郭注方言云湘水名今在零陵水經湘水出零陵始安縣陽海山海內東經湘水出舜葬東南陬西環之入洞庭下郭注今湘水出零陵營道縣陽湖山入江史記屈原傳浩浩沅湘兮正義云說文云沅水出牂柯

東北流入江湘水出零陵縣陽海山北至鄰入江案二水皆經岳州而入大江也王觀國曰今全桂二州之間有陽海山有水自山出至山下則分流為二其一向南通流者為離水其一向北流者為湘水其地在漢屬零陵郡寰宇記桂州興安縣陽海山在縣城北一百七十里注水經云陽海山一名陽湖山其山自永州零陵縣西南迤邐岡巒連亘不絕此山即湘離二水之源又云桂州臨桂縣湘水今名小湘江源出臨源縣陽海山湘離同源分為二水水在全義嶺上南流為離水北流為湘水元和志桂州全義縣本漢始安縣之地屬零陵郡湘水縣東南八十里陽湖山下經零陵郡西十里陽湖山即零陵山也其初則觴為之舟至洞庭日月若出入其中北入江者史記正義引有至鄰二字與漢志同水經湘水北至巴邱山入於江元和志湘水北入青草湖即巴邱湖周迴二百六十五里俗云即古雲夢澤也

長沙汨羅淵屈原所沈之水從水冥省聲

莫狄切

長沙汨羅淵者九域志岳州平江縣有汨水庾闡弔賈誼文涉湘川而觀汨水佩觿集汨莫的翻汨羅江應劭曰汨連筠籜叢書



水在羅故曰汨羅昭五年左傳楚子以駟至於羅汨杜注  
 羅水名楚詞七諫測汨羅之湘水兮注云汨水在長沙羅  
 縣下注湘水史記索隱云地理志長沙有羅縣羅子之所  
 徙荆州記羅縣北帶汨水水經注湘水云湘水又北汨水  
 注之水東出豫章艾縣桓山西南逕吳昌縣又西逕羅縣  
 北亦謂之羅水又西逕玉笥山又西為屈潭即汨羅淵也  
 又西逕汨羅戍南西流注於湘春秋之羅汨矣世謂之汨  
 羅口一統志汨羅江名在湘陰縣北十里源出豫章流經  
 湘陰分二水一南流曰汨水一經古羅城曰羅水至屈潭  
 復合故曰汨羅西流入湘 屈原所沈之水者玉篇引作  
 屈平廣韻汨羅水名在豫章屈原所沈之處史記屈原傳  
 於是懷石遂自投汨羅以死賈誼弔屈原文側聞屈原兮  
 自沈汨羅造託湘流兮敬弔先生新序屈原自投汨水汨  
 羅之中而風俗通懷王佞臣上官子蘭斥遠忠臣屈原  
 作離騷之賦自投汨羅水水經注汨水又西為屈潭即汨  
 羅淵也屈原懷沙自沈於此故淵潭以屈為名荆州記羅  
 縣北帶汨水水源出豫章艾縣界西流注湘沿汨西北去  
 縣三十里名為屈潭屈原自沈處宋書顏延之傳道經汨  
 潭為湘州刺史張紀祭屈原以致其意曰弔節羅潭艤舟  
 汨堵又云望汨心歛瞻羅思越抱朴子屈原投汨羅之日

人竝命舟楫以迎之至今以為競渡荆楚歲時記五月五  
 日俗為屈原投汨羅日傷其死所竝命舟楫以拯之續齊  
 諧記屈原以五月五日投汨羅而死楚人哀之每於此日  
 以筒貯米投水祭之通典湘陰縣下云縣北有汨水即屈  
 原懷沙自沈之處俗謂之羅江元和志湘陰縣汨水東北  
 自洪州建昌縣界流入西經玉笥山又西經羅國故城為  
 屈潭即屈原懷沙自決之處又西流入  
 於湘水 冥省警者與慎從冥警同



水出桂陽臨武入匯從水秦聲

側說

水出桂陽臨武者地理志桂陽郡臨武縣秦水東南至滇  
 陽入匯行七百里元和志秦水一名始興大江馥案桂陽  
 縣後割屬始興也水經匯水南出匯浦關為桂水酈注關  
 在中宿縣匯水出關右合秦水謂之匯口又水經秦水出  
 桂陽臨武縣南繞城西北屈東流東至曲江縣安甯邑東  
 屈西南流過滇陽縣出匯浦關與桂水合南入於海酈注  
 秦水導源縣西南北流逕縣西而北與武谿合山海經曰  
 肆水出臨武西南而東南注於海入番禺西肆水蓋秦水  
 之別名也又云秦水又西南注於海入番禺西肆水蓋秦水  
 出桂陽西北山東南注肆入敷浦西者也又云秦水又南



注於鬱而入於海海內東經肆水出臨晉西南而東南注海馥案水經注引作臨武云肆即溱水別名入匯者地理志桂陽縣匯水南至四會入鬱林過郡二行九百里應劭曰桂水所出東北入湘水經注在桂水云徐廣曰湟水一名湟水出桂陽通四會亦曰湟水也水經溱水出湟浦關與桂水合馥案桂為湟之下流即匯水

湟

水出桂陽南平西入營道從水突聲

式針切

水出桂陽南平者水經溱水出桂陽盧聚西北過零陵營道縣南又西北過營浦縣南又西北過泉陵縣西北七里至燕室邪入於湘酈注呂忱曰溱水一名溱水導源盧溪西入營水亂流營波同注湘津許慎云深水出桂陽南平縣也經書桂陽者縣本隸桂陽郡後割屬始興縣有盧溪盧聚山在南平縣之南九疑山東也西入營道者趙一清曰據水經當云西至營道入湘

潭

水出武陵鐘成玉山東入鬱林從水寧聲

徒含切

水出武陵鐘成玉山者地理志武陵郡鐘成玉山潭水所出東至阿林入鬱過郡二行七百二十里馥案阿林縣屬

鬱林郡水經注溫水云潭水出武陵郡鐘成縣玉山東流逕鬱林郡潭中縣又逕中留縣東阿林縣西右入鬱水方言湘潭之原注云潭水名出武陵音譚亦音淫元和志詔州曲江縣玉山在縣東南十里東入鬱林者林字衍謂入鬱水也應劭曰潭水東至阿林入鬱元和志鬱水一名西江水九域志貴州鬱林縣有鬱江地理志鬱林郡廣鬱縣鬱水首受夜郎豚水東至四會入海又牂柯郡夜郎縣豚水東至廣鬱

油

水出武陵孱陵西東南入江從水由聲

以周切

水出武陵孱陵西者水經注孱陵縣有白石山油水所出又江水注云公安縣有油水水東有景口即武陵郡界東南入江者水經油水出武陵孱陵縣西界東過其縣北又東北入於江又江水云油水從東南來注之馥案從東南來與本書東南入不合疑本書作東北

澗

水出豫章艾縣西入湘從水買聲

莫蟹切

水出豫章艾縣者縣字衍玉篇漢書云澗水出豫章馥案漢志豫章郡不言此水水經澗水出豫章艾縣西過長沙



羅縣西 西入湘者徐錯本作西北入湘水經澗水西至  
累石山入於湘水酈注累石山在羅口北澗水又在羅水  
南流注於湘謂之東町口者也又注湘水云湘  
水又北逕白沙戍西又北右會東町口澗水也

涇

水出南海龍川西入溱從水貞聲

陟盈切

水出南海龍川者吳錄涇石山涇水所出元和志廣州涇  
陽縣涇石山在縣北四十里涇水所出又韶州曲江縣涇  
水在縣東一里元鼎五年征南越樓船將軍下橫浦入涇  
水即此水寰宇記韶州曲江以涇水回曲因以名之西  
入溱者漢志桂陽郡涇陽縣下應劭曰涇水出南海龍川  
西入秦馥案臨武溱水字亦作秦水經溱水過涇陽縣酈  
注溱水又西南歷臯口太尉二山之閒是曰涇陽峽溱水  
出峽左則涇水注之水出南海龍川縣西逕涇陽縣南右  
注溱水

溱

水出鬱林郡從水雷聲

力救切

水出鬱林郡者徐錯本無郡字地理志鬱林郡有中雷縣  
顏注雷音力救反水名郡國志作溱水經注溫水云鬱水

右則雷水注之水南出  
布山縣下逕中雷入鬱

翼

水出河南密縣東入潁從水翼聲

與職切

與前翼字同六  
書故翼亦作翼

舞

水出南陽舞陰東入潁從水無聲

文甫切

水出南陽舞陰者小字本作舞陽水經無水出舞陰縣西  
北扶子山東過其縣南又東過西平縣北又東過鄆縣南  
又東過定潁縣北東入於汝酈注山海經曰朝歌之山無  
水出焉東南流注於滎經書扶子者其山之異名乎滎水  
於舞陰縣北左會無水其道稍西不出其縣南且邑號無  
陰故無出南之理出南則為陽也非直不究又不思議地  
理志潁川郡舞陽縣下應劭曰舞水出南寰宇記舞陰縣  
舞水在縣北六十里字或作舞九域志沅州黔陽縣有舞  
水東入潁者水經謂入汝彼注汝水云汝  
水又東南流逕鄧城西又東南流無水注之

魯

水出南陽魯陽入城父從水敖聲

五勞切



水出南陽魯陽者水經注汝水云汝水又逕邾縣故城南  
 激水注之水出魯陽縣之將孤山東南流許慎云水出南  
 陽魯陽入父城從水敖聲呂忱字林亦言在魯陽入城  
 父者屬氏注汝水引作父城彼注又云汝水又東南與龍  
 山水會水出龍山龍溪北流際父城縣故城東昔楚平王  
 大城城父以居太子建馥案昭十九年左傳費無極言於  
 楚子曰若大城城父而寘太子焉以通北方王收南方是  
 得天下也王說從之故大子建居於城父注云城父今襄  
 城城父縣戴君震曰城父縣當為父城縣考楚之城父邑  
 漢置縣改曰父城屬潁川郡晉屬襄城郡晉譙郡有城父  
 縣漢屬沛郡是襄城郡之  
 父城漢晉皆不稱城父也

舞陽

水出南陽舞陽中陽山入潁從水親聲

七吝切

水出南陽舞陽中陽山者舞陽當為舞陰中陽山水經注  
 引同地理志作中陰山玉篇瀨水出南陽舞陰五音集韻  
 引字林瀨水名在豫州地理志南陽郡舞陰縣中陰山瀨  
 水所出東至蔡入汝中山經葦山視水出焉東南流注於  
 汝水郭注或曰視宜為瀨瀨水今在南陽也水經瀨水出  
 濩陰縣東上界山東過吳房縣南又東過濯陽縣南又東

過上蔡縣南東入汝酈注郭景純曰出葦山許慎云出中  
 陽山皆山之殊目也九域志蔡州遂平縣有瀨水入潁

者漢志山海經  
 水經注云入汝

淮

水出南陽平氏桐柏大復山東南入海從水佳聲

戶乖切

水出南陽平氏桐柏大復山者地理志南陽郡平氏縣禹  
 貢桐柏大復山在東南淮水所出東南至淮陵入海過郡  
 四行三千二百四十里青州川胡渭曰淮陵故城在今盱  
 眙縣西北八十五里距海甚遙淮何得於縣界入海淮陵  
 乃淮陰之訛三千字亦太遠馥案淮陵水經作淮浦臨淮  
 郡有淮浦縣又按過郡四者南陽汝南九江臨淮也地理  
 志淮沂其又顏注淮出大復山又復陽縣下應劭曰在桐  
 柏大復山之陽郡國志南陽郡平氏桐柏大復山淮水出  
 注云荊州記曰桐柏淮源涌發其中潛流三十里東出大  
 復山南荊州副圖桐柏山禹貢所謂導淮自桐柏者也其  
 山則雲峯秀峙林惟椅柏潛澗吐雷伏流數里水經淮水  
 出南陽平氏縣胎簪山東北過桐柏山東至廣陵淮浦縣



入於海。鄭注：風俗通曰：南陽平氏縣桐柏大復山在東南。淮水所出也。淮均也。春秋說題辭曰：淮者均其勢也。釋名曰：淮圍也。圍繞揚州北界東至於海也。爾雅曰：淮為潁。然淮水與醴水同源俱導西流為醴。東流為淮。潛流地下三十許里。東出桐柏之大復山南謂之陽口。海內東經：淮水出餘山。餘山在朝陽東。義鄉西入海。淮浦北。黼注云：今淮水出義陽平氏縣桐柏山。山東北經汝南。汝陰。淮南。譙國。下邳。經淮陰縣入海。朝陽縣今屬新野。春秋說題辭：淮出桐柏高注。呂氏春秋：淮水出平氏始於大復。潛行地中見縣也。古文苑：桐柏廟碑：淮出平氏始於大復。潛行地中見於陽口。鄭注：尚書：桐柏山在平氏東南。南風俗通：淮出南陽平氏桐柏大復山。東南入海。禹貢：海岱及淮。淮沂其又。詩云：淮水湯湯。晉書地理志：義陽郡西平氏縣桐柏山。在南通典：唐州桐柏縣下云：因山為名。淮水所出。元和志在桐柏縣。桐柏山在縣西南九十里。淮水出桐柏山一名大復山。寰宇記：桐柏縣淮水出廢平氏縣桐柏山。東流桐柏山。其陽有淮瀆祠。胎簪山在桐柏縣西北三十里。九域志：唐州桐柏縣有桐柏山。淮水壽春府有淮瀆。禹貢指南：淮水出胎簪山。東北過桐柏胎簪。蓋桐柏之秀。小山也。在南陽平氏縣。東南入海者見釋名。山海經：風俗通：馥案：淮



水出南陽魯陽堯山東北入汝從水蚩聲

直几切

為四瀆之一。白虎通：巡狩篇：瀆者濁也。中國垢濁發源東注海。佳聲者。顧炎武曰：淮從鳥。佳之佳。後人誤讀為淮。沂其又之。淮而呼為槐。河按：淮字當從佳。人之佳。乃得聲。今本說文亦誤。馥謂此說非也。淮之從佳。猶槐之從鬼。顧氏於從鬼之槐。又何說。邪。按：昭十二年左傳：有酒如淮。有肉如坻。寡君中此為諸侯師。顏延之和謝監靈運詩：惜無爵。雉化何用充。江淮去國還。故里幽門樹。蓬藜古不讀。戶乖切也。故釋名云：淮圍也。

水出南陽魯陽堯山者。地理志：南陽郡魯陽縣。魯山。澧水所出。東北至定陵。入汝郡。國志：南陽郡雒縣下注：引博物記：澧水出。水經：澧水出南陽魯陽縣之堯山。東北過潁川。定陵縣西北。又東過鄆縣。南入於汝。酈注：堯山在太和川。太和城東北。澧水出焉。張衡南都賦曰：其川瀆則澧。澧澗。澧源巖穴。布濩漫汗。滂沱洋溢。總括急趨。箭馳風疾。者也。九域志：汝州魯山縣有澧水。晉書杜預傳：激用澧。涓諸水以浸原田。萬餘頃。襄十八年左傳：涉於魚齒之下。杜注：魚齒山之下有澧水。故言涉東觀漢記：上與王尋戰。大破之。赴水溺死者以萬數。澧水為之不流。元和志：魯山縣



本漢魯陽縣屬南陽郡澧水出縣西大柏山寰宇記舞陽縣澧水在縣北四十五里水經云澧水出魯陽縣西東北過定陵入於汝定陵在今縣北六十里集韻泚與澧同注引本書同僖三十三年左傳晉陽處父侵蔡楚子上救之與晉師夾泚而軍杜注泚水出魯陽縣東經襄城定陵入汝東北入汝者水經注澧水東逕西不羹亭南亭北背汝水於定陵城北東入汝又注汝水云又東南逕定陵縣故城北水右則澧水左入焉

澧

水出南陽雒衡山東入汝從水豐聲

盧啟切

水出南陽雒衡山者地理志南陽郡雒縣衡山澧水所出東至鄧入汝後漢書馬融傳面據衡陰注云衡陰衡山之北山海經曰雒山澧水出焉東曰衡山地理志云雒縣衡山澧水所出在今鄧州向城縣北中山經雒山澧水出焉東流注於視水馥案雒山漢書注引作雒山視水水經注作澧水蓋澧與澧合而後入汝澧即芹溝水水經注汝水云芹溝水導源葉縣東逕無陽城北又東逕定陵縣南又東南流注澧即呂忱所謂峴水又云汝水又東得澧水口水出南陽雒縣亦云導源雒衡山即山海經云衡山也郭景純以為南岳非也馬融廣成頌曰面據衡陰指謂是山

在雒縣界故世謂之雒衡山依山海經不言有水然澧水東流歷唐山下即高鳳所隱之山也澧水又東南與皋水合又東南逕唐城北又屈而東南流逕葉縣故城北又逕其城東與燒車水合又東逕葉公廟北又東與葉西陂水會又東注葉陂又東逕鄧縣故城南左入汝山海經曰澧水東流注於澧水也又注無水云又東北澧水注之水出雒衡山東南逕建城東建當為巷字讀誤耳郡國志云葉縣有卷城其水又東流入於無王榮贈孫文始詩悠悠澹澧十道志澧州在澧水之北故取為名寰宇記唐州方城縣衡山漢志衡山澧水所出即桐柏之連岡也史記夏本紀汶山導江東別為沱又東至于澧索隱云按騷人所歌濯余佩於醴浦明醴是水虞喜志林以醴是江沅之別流而醴字作澧也禹貢指南楚詞云遺子佩兮澧浦澧音禮今澧州澧水在焉澧字從水從豐豐音禮豆登之屬與豐字不同漢地理志作醴東入汝者見水經注

澧

水出南陽蔡陽東入夏水從水員聲

王分切

水出南陽蔡陽者水經澧水出蔡陽縣東南過隨縣西又南過江夏安陸縣西又東南入於夏酈注澧水出縣東南



大洪山在隨郡之西南竟陵之東北澗水出於其陰時人以澗水所導故亦謂之為澗山矣寰宇記安州汝川縣澗水在縣東十七里源自隨州東陽縣大紅山經雲夢縣界左傳定四年吳從楚師及清發清發澗水之別名九域志安州安陸縣有澗水隨州隨縣有澗水東入夏水者見水經

**由** 水出汝南七陽坐山東入淮從水卑聲 匹備切又匹制切

水經注泄水自濡谿逕安豐縣北流注於潁

水出汝南七陽坐山者或誤為潁字寰宇記光州固始縣潁水在縣西五十里源出光山縣陰山麓案酈注言出坐山西北流歷陰山關東入淮者水經注淮水又東北潁水注之水出七陽縣南垂山

**意** 水出汝南上蔡黑閭澗入汝從水意聲 於力切

文當作

水出汝南上蔡黑閭澗者水經注汝水云汝水又東南左會澗水水上承汝水別流於奇頌城東東南流為練溝逕

召陵縣西東南流注至上蔡西岡北為黃陵陂陂水東流於上蔡岡東為蔡塘又東逕平輿縣故城南為澗水九域志蔡州汝陽縣有澗水入汝者水經注澗水又東南左迤為葛陂陂水東出為鰲水澗水自葛陂東南逕新蔡縣故城東而東南流注於汝 意聲者集韻引作澗當為音聲因篆誤也隸體乃作澗

**凶** 水出汝南新鄴入潁從水凶聲 穌計切

水出汝南新鄴者或借細字地理志汝南郡細陽顏注居細水之陽故曰細陽細水本出新鄴水經注潁水云細水上承陽都陂陂水枝分東南出為細水細水又南逕細陽縣又東南逕細陽縣故城南又東南積而為陂謂之次塘又東南流屈而西南入潁入潁者水經注引地理志細水出細陽縣東南入潁今漢志無此文

**瞿** 水出汝南吳房入潁從水瞿聲 其俱切

水出汝南吳房者地理志汝南郡濯陽下應劭曰濯水出吳房東入潁也後漢書吳漢傳成子旦為濯陽侯注云濯陽縣名屬汝南郡在濯水之陽因以為名其地今豫州吳房縣也水經濯水出汝南吳房縣西北奧山東過其縣北



入於汝 入瀨者水經作入汝酈注濯水東逕濯陽縣故城西東流入瀨水亂流逕其縣南又東入於汝水

**潁水** 出潁川陽城乾山東入淮從水頃馨豫州浸 余頃切

或借洞字高士傳下隨投洞水而成

水出潁川陽城乾山者寰宇記引本書作陽乾山括地志晉地道記並作陽乾山地理志潁川郡陽城縣陽乾山潁水所出東至下蔡入淮元和志潁陽縣陽乾山在縣東二十五里潁水一源出陽乾山水經潁水出潁川陽城縣西北少室山酈云山海經曰潁水出少室山地理志曰出陽城縣陽乾山今潁水有三源奇發右水出陽乾山之潁谷中水導源少室通阜東南流逕負黍亭東與右水合左水出少室南溪東合潁水故作者互舉二山言水所發也昭元年左傳勞趙孟於潁注云潁水出陽城縣襄十年傳與楚師夾潁而軍注云潁水出陽城至下蔡入淮宣十年傳逐楚師於潁北釋例云潁水出河南陽城縣陽乾山東南經潁川汝陰至淮南下蔡縣入淮釋水潁為沙馥按易需卦需于沙正義云沙水旁之地詩大雅鳧鷖在沙是也邵君晉涵曰水經注潁水自臨潁縣西流注小潁水出焉爾

雅曰潁別為沙是小潁水即沙水矣呂氏春秋離俗篇乃自投於潁水而成注云潁出於潁川陽城西山中也史記鄭世家潁谷之考叔正義云括地志云潁水源出洛州嵩高縣東南三十里陽乾山今俗名潁山泉源出山之東谷其側有古人居處俗名潁墟故老云是考叔之故居即酈元注水經所謂潁谷也釋名潁川因潁水以為名也博物志潁出少室晉地道記潁水出陽乾山東入淮者水經潁水東南至慎縣東南入於淮酈云春秋昭公十二年楚子狩于州來次于潁尾蓋潁水之會淮也海內東經潁水出少室山入淮注云今潁水出河南陽城縣乾山東南經潁川汝陰至淮南下蔡入淮 豫州浸者漢志引職方荊州寢曰潁湛顏云潁水出陽城陽乾山宜屬豫州許慎又云湛水豫州浸並未詳也通典周禮職方荊州浸曰潁湛潁水出陽城乾山宜屬豫州在此非也

**潁水** 出潁川陽城山東南入潁從水有馨 榮美切

水出潁川陽城山者地理志潁川郡陽城縣陽城山消水所出東南至長平入潁過郡三行五百里詩褰裳涉消傳云消水名也成十七年左傳公會尹武公單襄公及諸侯伐鄭自戲童至於曲消杜注今新汲縣治曲消城臨消水



襄元年傳敗其徒兵於洧上昭十九年傳龍鬪於時門之外洧淵杜注洧水出熒陽密縣東南至潁川長平入潁三國典畧東魏慕容紹宗高岳等堰洧水以灌潁川括地志洧水在鄭州新鄭縣北三里古新鄭城南九域志河南府登封縣有陽城山洧泉元和志告成縣本漢陽城縣陽城山在縣東北三十八里東南入潁者水經洧水出河南密縣西南馬領山東過習陽城西折入於潁春秋釋例洧水出熒陽密縣西北陽城山東南至潁川長平縣入潁史記蘇秦列傳東有宛穰洧水正義云在新鄭東南流入潁顏注漢書洧水出熒陽密縣東南至潁川長平入潁也

**潁水出潁川陽城少室山東入潁從水急聲**

於謹切

水出潁川陽城少室山者廣韻作潁云水名在潁川地理志汝南郡潁強下應劭曰潁水出潁川陽城水經潁水出潁強縣南潁中東入潁酈注潁水出潁川陽城縣少室山東流注於潁水元和志登封縣少室山在縣西十里高十六里周迴三十里潁水源出焉潁水有三源右水出陽乾山中水導源少室左水出少室南溪東合潁水竹書紀年顯王二十三年孫何取潁陽水經注潁水云中水導源少室通阜東南流逕負黍亭東亦或謂是水為潁水字或作

潁元和志陳州潁水縣本漢汝陽縣屬汝南郡潁水經縣北去縣三里又蔡州鄆城縣下云大潁水上承汝水自襄城至岐額城分流南為汝水北為潁水小潁水在縣西北六十里至縣合為大潁水東入潁者水經潁水過南頓縣北潁水從西來流注之酈注潁水於樂嘉縣入潁不至於頓寰宇記商水縣潁水從西華縣南來經縣西四里過入潁

**潁水受淮陽扶溝浪湯渠東入淮從水過聲**

古禾切

水受淮陽扶溝狼湯渠者浪徐錯本作狼水經注引本書作菴蕩渠僖十九年左傳正義云凡水首從水出謂之受流歸他水謂之入漢書之例為然過經典作渦地理志淮陽國扶溝縣渦水首受狼湯渠東至向入淮過郡三行千里顏注狼音浪又陳畱魯渠水首受狼湯渠東至陽夏入渦渠藝文類聚引地理書滎陽有浪蕩渠通俗文渠在浚儀曰菴蕩也寰宇記菴宕渠即汴河之別名水經河水東過滎陽縣北菴蕩渠出焉又後漢書王景傳永平十二年議修汴渠夏發卒數十萬遣景與王吳修渠築堤自滎陽東至千乘海口千餘里明年夏渠成馥按水經注載王景



靈石楊氏棨

事於菑蕩渠下後漢書注云汴渠即菑蕩渠也水經潁水至新陽縣北菑蕩渠水從西北來注之酈注經云菑蕩渠者百尺溝之名別也水經又云陰溝水出河南陽武縣菑蕩渠東南至沛為過水又東南至下邳淮陵縣入於淮酈注陰溝始亂菑蕩終別於沙而過水出焉過水受沙水於扶溝縣許慎又曰過水首受淮陽扶溝縣菑蕩渠不得至沛方為過水也爾雅曰過為洵郭景純曰大水洸為小水也呂忱曰洵過水也通典河陰縣下云汴渠在縣南二百五十步坤元錄曰亦名菑蕩渠今名通濟渠首受黃河漢書有滎陽漕渠如淳曰今礫溪口是也水經云河水又東過滎陽北菑蕩渠出焉酈元注云大禹塞滎澤開渠以通淮泗後漢書云初平帝時河汴決壞明帝永平中乃令王景理渠隄坤元錄又云自宋武北征之後復皆湮塞隋煬帝大業元年更令開導名通濟渠西通河洛南達江淮煬帝巡幸每泛舟而往江都焉又亳州譙縣下云有過水魏黃初中文帝自譙循過入淮老子內傳生於陳國過水李樹下魏文帝集建安十八年至譙州余兄弟拜墳墓乘馬游觀經東園過水乃駐馬書鞭作臨過賦王粲浮淮賦從王師以南江浮淮水而遐逝背過浦之曲流望馬邱之高從三國典畧侯景家大潰爭赴過水水為之不流後魏孝

文帝於漢山桑縣地置揚州北臨過水魏書地形志南譙郡有過陽縣九域志開封府太康縣有過水寰宇記開封府太康縣過水首受蔡水東流經縣正北又借過字晉石苞鎮淮南間吳欲為寇築壘過水以自固東入淮者水經淮水云又東過當塗縣北過水從西北來注之酈注淮水又北沙水注之經所謂菑蕩渠也淮水於荆山北過水東南注之魏志武帝紀軍至譙作輕舟自過入淮馥案漢淮陵縣有過口晉揚州刺史牽宏擊吳丁奉於過口即過水入淮處

# 過

水受九江博安洵波北入氏從水世聲

余制切

水受九江博安洵波者博安當為博鄉洵波當為芍陂地理志廬江郡濳縣泚水北至壽春入芍陂水經泚水出博安縣北過芍陂西與泚水合西北入於淮酈注博安縣地理志之博鄉縣也泚水自縣上承泚水於麻步川西北出歷濡谿謂之濡水水經淮水云又東北至九江壽春縣西泚水泚水合北注之酈注泚水云又東北逕博安縣泚水出焉北入氏者趙一清曰九江不間有氏水蓋泚水合泚水以入淮而或誤以為入泚水經泚水篇云泚水從南



來注之善長糾之曰泚陽無泄水蓋  
誤引壽春之泚泄百因泚訛而為氏

泚

水受陳畱浚儀陰溝至蒙為雖水東入于泗從水反

聲皮變

後漢書明帝紀十三年詔曰自汴渠決敗六十餘歲加頃年  
以來雨水不時汴流東侵日月益甚水門故處皆在河中漚  
瀆廣溢莫測圻岸蕩蕩極望不知綱紀今竟豫之人多被水  
患迺曰縣官不先人急好興它役又或以為河流入汴幽冀  
蒙利故曰左隄疆則右隄傷左右俱疆則下方傷宜任水執  
所之使人隨高而處公家息壅塞之費百姓無陷溺之患議  
者不同南北異論朕不知所從久而不決今既築隄理渠絕  
水立門河汴分流復其舊迹陶邱之北漸就壤墳故薦嘉玉  
潔牲以禮

禮河神

水受陳畱浚儀陰溝者地理志河南郡滎陽縣卞水在西  
南馥案卞今作汴俗寫飯字亦作節皆惡反字也宋書謝  
靈運傳次師於汴上猶存篆之正體陳畱風俗傳浚儀周  
時梁伯所居國都竹書紀年梁惠王為大溝以行圃田之

水水經汴水出陰溝於浚儀縣北又東至梁郡蒙縣為獲

水出縣南不逕其北夏水洪泛則是瀆津通故渠即陰溝

也於大梁北又曰浚水矣故圈稱著陳畱風俗傳曰浚水

逕其北者也又東汴水出焉故經云汴出陰溝于浚儀縣

北也又注濟水云出河之濟即陰溝之上源也史記秦始

皇二十二年王賁攻魏引河溝灌大梁元和志河陰縣本

漢滎陽縣地汴渠在縣南二百五十步亦名葭蕩渠禹塞

滎澤開渠以通淮泗後漢初河汴決壞明帝永平中命王

景修築渠隄十里立一水門令更相洄注無復潰漏之患

曾鞏曰昔禹於滎澤下分大河為陰溝出之淮泗至浚儀

西北復分二渠或曰鴻溝始皇疏之以灌魏郡者是也或

曰浪宕渠自滎陽五池口來注鴻溝者是也或曰浚儀渠

漢明帝時循河流故瀆作渠渠成流注浚儀者是也宋至

道中上問汴水疏鑿之由張洎對曰禹於滎澤下分大河

為陰溝引注東南以通淮泗至大梁浚儀復為二渠一渠

東經陽武中牟臺下為官渡水一渠始皇鑿川灌郡謂之

鴻溝即出河之溝亦曰葭溝今葭蕩渠是也至蒙為雖

水東入於泗者寰宇記宋城縣蒙澤在縣北三十五里左

氏傳宋萬弒閔公於蒙澤杜注云蒙澤宋地蒙縣也雖水



當為獲水地理志梁國蒙縣獲水首受苗獲渠東北至彭城入泗過郡五行五百五十里水經獲水出汭水於梁郡蒙縣北又東過蕭縣南睢水北流注之又東至彭城縣北東入於泗又泗水又東南過彭城縣北注云泗水又南淮水入焉馥案淮當為獲水經濟水又東過彭城縣北獲水從西來注之是也或曰汭入獲獲受睢睢入泗雖水當為睢水水經睢水出梁郡鄆縣東過睢陽縣南又東過相縣南屈從城北東流當蕭縣南入於陂鄆注睢水出陳留縣西蒗蕩渠東北流經言出鄆非矣睢水東南流入於泗謂之睢口經言止蕭縣非也地理志陳留郡浚儀縣睢水首受狼湯水東至取慮入泗僖十九年左傳宋公使邾文公用鄆子於次睢之社注云睢水受汭東經陳留梁譙沛彭城縣入泗寰宇記陳留縣睢溝在縣東南五里輿地志云汭水自滎陽受睢水東至陳留彭城南入泗水

**澗**

水出鄭國從水會警詩曰澗與洧方渙渙兮

側說切

水出鄭國者後人加國字本謂山陽郡之鄭縣也詩釋文引本書亦無國字本書鄭下云宗周之滅鄭徙澗洧之上鄭下云妘姓所封澗洧之閒水經澗水出鄭縣西北平地鄭注澗水出鄭城西北雞絡場下南注於洧詩所謂溱與

澗者世亦謂之為鄭水也詩褰裳涉溱傳云溱水名也褰案澗作溱者猶蜻首作蜻首也元和志新鄭縣溱水出縣西北三十里平地寰宇記新鄭縣溱洧二水溱水在縣北洧水在縣南詩曰澗與洧方渙渙兮者鄭風溱洧文彼作溱傳云

溱洧鄭兩水名

**溱**

水在臨淮從水麥聲

力膺切

水在臨淮者地理志泗水國凌縣凌水出南入淮



說文解字第十一

義證第三十四

曲阜桂馥學



水出東郡濮陽南入鉅野從水僕聲

博木切

水出東郡濮陽者水經注瓠子河云秦始皇置東郡治濮陽縣濮水逕其南故曰濮陽也又引京相璠曰濮水故道在濮陽南水經瓠子河出東郡濮陽縣北河東至濟陰句陽縣為新溝又東北過廩邱縣為濮水馥案此乃濮之枝渠地理志陳畱郡封邱縣濮渠水首受沛東北至都關入羊里水酈注瓠子北有都關縣故城縣有羊里亭瓠河逕其南為羊里水釋例土地名哀二十七年傳濮下注云濮自陳畱酸棗縣受河東北經濟陰至高平鉅野縣入濟史記衛世家石碛與陳侯共謀因殺州吁于濮索隱曰賈逵云濮陳地按濮水首受河又受汴汴亦受河東北至離狐分為二俱東北至鉅野入沛則濮在曹衛之間賈言陳地非也若據地理志陳畱封邱縣濮水受沛當言陳畱水也春申君傳王又割濮磨之北集解云徐廣曰濮水北於鉅野入濟馥謂此皆濮渠也南入鉅野者地理志東郡濮



陽縣下應劭曰  
濮水南入鉅野

灤

齊魯閔水也從水樂聲春秋傳曰公會齊侯于灤

切

盧谷

齊魯閔水也者五經文字灤齊水名玉篇灤水在濟南寰宇記歷城縣灤水在縣西南二百步曾鞏齊州二堂記歷城之西有泉涌出高或至數尺其旁之人名之曰酌突之泉蓋泉自渴馬之崖潛流地中而至此復出也其注而北則謂之灤水水經注濟水云濟水又東北灤水入焉水出歷城縣故城西南泉源上奮水涌若輪又北流注于濟謂之灤口也春秋傳曰公會齊侯于灤者桓十

灤

水在魯從水龍聲

苦郭切

水在魯者春秋襄十九年取邾田自灤水杜注灤水出東海合鄉縣西南經魯國至高平湖陸縣入泗哀二年季孫斯叔孫州仇仲孫何忌帥師伐邾取灤東田及沂西田范甯云灤沂皆水名九域志兗州鄒縣有灤水寰宇記費縣

淨

魯北城門池也從水爭聲

士耕切又才性切

魯北城門池也者顧炎武曰公羊閔公二年傳桓公使高子將南陽之甲立僖公而城魯或曰自鹿門至於爭門者是也或曰自爭門至於吏門者是也注爭門吏門並闕按說文淨魯北城門池也从水爭聲士耕切是淨門即以此水名省文作爭爾後人以滯字省作淨音才性切而梵書用之自南北史以下俱為才性之淨而魯之爭門不復知矣馥案字或作埽廣韻埽魯城北門池也

灤

水出東郡東武陽入海從水暴聲桑欽云出平原高



唐他合切

水出東郡東武陽者郡國志東郡東武陽濕水出又平原郡高唐濕水出又平原有濕陰縣應劭曰東武陽在武水之陽水經注以武水即濕水六書故云濕漢志作濕禹貢浮于濟濕達于河孟子淪濟濕而注諸海是也史記夏本紀浮於濟濕索隱濕水出東郡東武陽禹治濕水東北至千乘縣而入于海地理志東郡東武陽禹治濕水東北至千乘入海過郡三行千二十里穆天子傳天子自五鹿東征釣于濕水又云天子飲於濕水之上注云濕水今濟陰濕陰縣音沓揚雄兗州箴濟濕既通水經注河水云故瀆又東北入東武陽縣東入河又有濕水出焉戴延之謂之武水也鄭注尚書濕水出東郡東武陽陳琳為袁紹檄豫州文青州涉濟濕太康地記濕沃縣屬樂陵國元和志齊州臨邑縣濕水北去縣七里通典濕水在漢之東郡東武陽縣今魏郡莘縣有東武陽城無此水矣濕音他合反又棣州蒲臺縣下云漢濕沃縣漢志千乘郡溼沃水經注河水作濕沃又引地理風俗記曰千乘縣西北五十里有大河河北有濕沃城又與濕溷後漢書襄階傳平原濕陰人注云濕陰縣在濕水之南漢書王子侯表濕成侯忠史記作濕即西

河之濕城縣哀二十三年左傳戰於犁邱杜云犁邱濕也釋文作濕云本又作濕隰隰隸變從隰北魏鄭義碑原隰生光又變從隰建城鄉侯劉靖碑隰作隰釋地下溼曰隰陸德明本作隰云隰本或作隰音習後魏武德于府君義橋碑隰又作隰荀子不苟篇窮則奔而隰楊注隰當為濕字書無隰字韓詩外傳作奔而隰也五經文字濕兗州水名經典相承以為燥溼之溼別以濕為此字華嚴經音義溼失入反經本有作濕者音他合反此乃平原郡之水名耳廣川書跋郟閣頌醴散關之嶺濕徙朝陽之平燥濕當作濕燥當作燥馥案孫叔敖碑下濕磽確皆以濕為溼字入海者地理風俗記濕水東北至千乘入海唐高宗問許敬宗曰書稱浮于濟濕今濟濕斷不相屬敬宗曰不言合濕者濕自東武陽至千乘入海也桑欽云出平原高唐者此出欽所作地理志班志平原郡濕陰下應劭曰濕水出東武陽東北入海又高唐下桑欽言濕水所出功臣表駟望侯冷廣以濕沃公士又濕陰定侯昆邪魏書地形志樂陵郡有濕沃縣平原郡博平縣有濕水宗俱碑陰平原濕陰郭巨石室畫象平原濕陰韓勅後碑陰平原濕陰王宣蘇衡等題名平原濕陰馬象黃度曰以水經注元和志寰宇記諸書考之濟水最南濕水在中河水最北今者小

說文解字義疏 卷三十一 連筠移叢書



清所經自歷城以東如章邱鄒平長山新城高苑博興樂  
 安諸縣皆古濟水所行而大清所經自歷城以上至東阿  
 固皆濟水故道而自歷城東北如濟陽齊東青城諸縣則  
 皆古濟水所行蒲臺以北則故河水所經蓋宋時河嘗行  
 潔瀆及河去則大清兼行河潔二瀆其小清所行則斷為  
 濟水故道也胡渭曰漢志東郡東武陽縣下云禹治潔水  
 東北至千乘入海又平原郡高唐縣下云桑欽言潔水所  
 出今按禹引河自大伾山西折而北循大陸東畔入海而  
 潔首受河自黎陽宿胥口始不起東武陽也水經注所敘  
 河水自宿胥口又東右逕滑臺城又東北逕黎陽縣南又  
 東北逕涼城縣又東北逕伍子胥廟南又東北逕濮陽縣北  
 河之故瀆出焉河水又東逕鐵邱南又東北逕濮陽縣北  
 又東北逕衛國縣南又東逕鄆城縣北又東北逕范縣之  
 秦亭西又東北逕委粟津皆古潔水也自周定王五年河  
 徙從宿胥口東行潔川至長壽津始與潔別其津以西潔  
 水之故道悉為河所占而上游較短矣然河之故瀆不經  
 東武陽亦不經高唐迨漢成帝建始末河決館陶由東武  
 陽絕潔水而東北至高唐又絕潔水東北至千乘入海雖  
 嘗塞治而故道猶存王莽始建國三年復決於此莽為元  
 城冢墓計不隄塞明帝永平中王景脩之遂為大河之經

流自是委粟津以西潔水之故道又為河所占上游益  
 短矣潔水一出於武陽再出於高唐據成帝後言之耳



水出山陽平樂東北入泗從水包聲

匹交切

水出山陽平樂者地理志山陽郡平樂侯國泡水東北至  
 沛入泗沛本或作沛水經注泗水云泡水即豐水之上源  
 也水上承大薺陂東逕己氏縣故城北又東逕平樂縣右  
 合泡水又東逕豐縣故城南又東合黃水水上舊有梁謂  
 之泡橋元和志沛縣泡水即豐水也西去縣百五十步九  
 域志徐州沛縣豐縣俱有泡水或通作苞通鑑步尼公引  
 兵趣苞橋沛縣民燒苞橋夜於林中擊鼓魏以宋兵大至  
 爭渡苞水東北入泗者水經注泡水又東逕沛縣故城  
 南述征記曰城極大四周壅通豐  
 水豐水於城南東注泗即泡水也



荷澤水在山陽胡陵禹貢浮于淮泗達于荷從水荷

古俄切

荷澤水在山陽胡陵者胡當為湖禹貢釋文引作水出山  
 陽湖陵南玉篇荷澤水在山陽湖陵南禹貢山水澤地荷



水在山陽湖陸縣南禹貢豫州導荷澤被孟豬傳云荷澤在湖陵地理志沛陰郡禹貢荷澤在定陶東案括地志謂之龍池又名九卿陂非荷水也鄭注禹貢云白導弱水已下言過言會者皆是水名言至于者或山或澤皆非水名馥案經云又東至于荷然則荷為澤名也傳寅禹貢集解云許氏說文云荷澤水在山陽胡陵而班固以為在定陶何也蓋在定陶者其澤也在湖陵者其流也其流東與泗合在今單州之魚臺魚臺在單之東北百里而近正古胡陵地也水經泗水又屈東南過湖陸縣南酈注地理志故湖陵縣也荷水在南王莽改曰湖陸應劭曰尚書一名湖陵章帝封東平王蒼子為湖陸侯更名湖陸也尚書一名湖陵今漢書地理志山陽郡湖陵下云禹貢浮于泗淮通于河水在南莽曰湖陸應劭曰尚書一名湖章帝封東平王倉子為湖陵侯更名湖陵此條舛誤者八泗淮當作淮泗一也通于河當作通于荷二也水在南當作荷水在南三也尚書二字當在禹貢二字上不當在應劭曰下四也應劭時稱湖陸已久所引應劭語宜為地理風俗記湖陸縣之文一名湖當是一名湖陵校漢書者妄刪陵字以起下文有陵字為更名耳五也倉當作蒼六也為湖陵侯當作為湖陸侯七也更名湖陵當作更名湖陸八也道元此注亦

有尚書二字蓋校書者據漢志訛本增入說文荷字下云荷澤水在山陽湖陵引禹貢浮于淮泗達于荷而水經濟水內敘荷水云又東南過湖陸縣南東入於泗水道元注亦引尚書浮于淮泗達于荷今尚書本皆訛作達于河以尚書及前後漢書水經注互有舛誤彼此紛糾僅就一處訂正終難了徹故備論之漢志泗水至方與入沛實入荷故謂之荷沛水經泗水又南過方與縣東荷水從西來注之酈注荷水即沛水之所苞注以成湖澤也而東與泗水合于湖陵縣西六十里穀庭城下水經洙水又東過方與縣北為荷水荷水又東過湖陸縣南東入于泗水案由淮達泗由泗達荷禹貢之故道如此元和志魚臺縣下云荷水即濟水也一名五丈溝西自金鄉縣界流入去縣十里又東南流合泗水胡渭曰荷澤在陶邱之東北相去不遠濟水伏流至陶邱北上奮馳波跳沫東北匯于荷澤又東北絕鉅野至琅槐入海者為濟瀆其一枝東南流至湖陵入泗者後人目之曰荷水漢志湖陵縣下云荷水在南者是湖陵今為魚臺縣地也許慎云荷澤水在湖陵謂澤之下流入泗者亦未為誤自孔傳襲其文曰荷澤在湖陵而遺一水字則在湖陵者為澤矣釋至于荷又增一水字曰荷澤之水則定陶之荷澤與湖陵之荷水無別矣酈道元



時孔傳已盛行故宗其說言尚書有導荷澤之說自陶邱  
 北東至於荷水又以湖陵入泗為澤水所鍾而不知此特  
 荷澤之下流其所鍾則在定陶也且豫州導荷澤被孟豬  
 乃導荷澤之餘波南入于孟豬非謂東南至湖陵入泗之  
 荷水屬乃混而為一種種紕繆皆為孔傳所誤禹貢浮  
 于淮泗達于荷者禹貢當作夏書今書作河韻會浮于淮  
 泗達于河說者牽合傳會或指鴻溝引河入泗為禹迹或  
 謂當時必有可達之理今按說文荷字注引禹貢此文則  
 是達于荷非達于河許慎所見蓋古文尚書後人傳寫例  
 以上下文達于河之句改荷為河陸德明又以河音如字  
 遂啟後人淮泗不能達河之疑然其下復云說文作荷工  
 可切水出山陽湖陵南則非九河之河明矣如字之音陸  
 氏誤也金履祥曰浮于淮泗達于河古文尚書作達于荷  
 說文引書亦作荷荷澤與濟水相通而泗水上可以通荷  
 下可以通淮徐州浮淮入泗自泗達荷也閻若璩曰浮于  
 淮泗達于河陸德明引說文作荷蓋荷者澤名為濟水所  
 經又東至于荷者是在豫之東北即徐之西北舟則自淮  
 而泗自泗而荷然後由荷入濟以達于河此徐之貢道也  
 或曰曷不詳言之余曰以上文兗州浮于濟漯達于河次  
 青州便浮于汶達于濟不復言達于河矣又次徐州浮于

淮泗達于荷亦不復言達于濟矣至揚州則沿于江海達  
 于淮泗且不復言達于荷不復言者蒙上文也一層脫卸  
 一層雖由當日水道之自然而其敘  
 法從變字法從簡真屬聖經之筆



泗 受沛水東入淮從水四聲

息利切

地理志魯國卞縣泗水西南至方與入沛過郡三行五百里  
 青州川 水經泗水出魯卞縣北山麓注地理志曰出濟陰  
 乘氏縣又云出卞縣北經言北山皆為非矣山海經曰泗水  
 出魯東北余昔因公事沿歷徐沭路逕洙泗因令尋其源流  
 水出卞縣故城東南桃墟西北墟有漏澤澤西連岡通阜西  
 北四十許里岡之西際便得泗水之源也博物志曰泗出陪  
 尾蓋斯阜者矣 括地志泗水源在兗州泗水縣東陪尾山  
 其源有四道因以為名 元和志泗水源出陪尾山其源有  
 四四泉俱導因以為名馥案此皆發源之泗 魯語宣公夏  
 濫於泗淵注云泗在魯城北馥案此謂與洙合流之泗 地  
 理志沛陰郡乘氏縣泗水東南至睢陵謂與洙合流之泗  
 過郡六行千一百一十里馥案此受沛之泗泗之末流  
 受沛水者徐鍇本作水受沛水馥案受沛水者即荷水也  
 閻若璩曰或問王伯厚謂漢志有兩泗水其一濟陰郡乘



靈石楊氏棐

氏縣注泗水東至睢陵入淮又一泗水魯國卞縣注西南  
 至方與入沛沛自沛之譌其說信乎余曰殆王氏考之不  
 審泗一而已安得復出乘氏乘氏漢縣寰宇記在鉅野縣  
 西南五十七里班固祇當於卞縣下注曰禹貢泗水出陪  
 尾山西南至方與與沛合又東南至睢陵入淮只此已足  
 更進一層睢陵仍當作淮陰泗入淮在今清河縣東南謂  
 之泗口亦名清口睢陵則今睢寧縣治耳馥案水經濟水  
 又東至乘氏縣西分爲二其一水東南流其一水從縣東  
 北流入鉅野澤酈注南爲沛水北爲濟潰馥案漢志乘氏  
 之泗水卽沛水泗既入沛沛又南流爲沛則竝受泗之通  
 稱矣說文受沛水沛卽東南流之沛水漢志言入說文言  
 受實不相背說文泗次沛下固有沛也水經泗水又南過  
 方與縣東沛水從西來注之酈注沛水卽濟水之所苞注  
 以成湖澤也而東與泗水合於湖陵縣西六十里穀庭城  
 下馥謂此條若不與沛水參看則漢志說文皆不可通閻  
 氏謂泗不得復出乘氏疏矣又案漢志出卞者泗之源也  
 入沛者乃其中流非末流也乘氏有泗者言入沛之後與  
 沛合而東入淮其合沛在乘氏非謂泗出乘氏也蓋沛卽  
 沛故金山仁山謂泗水上可通沛下可入淮也說文祇言其  
 受沛入淮而不及其出卞一節者或因此一節與洙水合

流故就其分流受沛處舉之與 東入淮者地理志乘氏  
 泗水東南至睢陵入淮馥案乘氏以下之泗水經以爲沛  
 水乃沛之支流合於泗而自乘氏入淮者泗之經流也本  
 書謂受沛水東入淮者沛之支流隨泗入淮實泗入淮也  
 郭注海內東經云今泗水至高平湖陸縣東南經沛國彭  
 城下邳至臨淮下相縣入淮胡渭曰說文泗受沛水東入  
 淮其所謂沛卽沛水也酈善長云沛在湖陸西而左注泗  
 泗沛合流地記或言沛入泗泗亦言入沛故有入沛之文  
 渭按班固謂泗入濟許慎謂泗受濟而不言沛以沛卽濟  
 也水經濟水篇所敘自乘氏以至湖陸卽分濟之沛自沛  
 縣以至睢陵卽入淮之泗也通典兗州刺史劉遐自彭城  
 退屯泗口寰宇記宿遷縣有泗口馥案淮水經宿遷縣界  
 卽泗入淮之處故曰泗口



水在齊魯閔從水亘聲

羽元切

趙策相與會於洹水之上 韓非子初見秦篇昔紂爲天子  
 甲兵百萬左飲於淇谿右飲於洹谿淇水竭而洹水不流  
 竹書紀年文丁三年洹水一日三絕 魏志武帝紀畱蘇由  
 審配守鄴公進軍到洹水 北史齊高祖紀同會鄴挾洹水

連筠籜叢書



而軍 隋書禮儀志後齊所祭山川有洹水

圖經安陽紂都在淇洹二水之間

水在齊魯間者齊當為晉水經洹水出上黨泝氏縣東過

隆慮北又東北出山過鄴縣南又東過內黃縣北東入于

白溝酈注水出洹山山在長子縣也又云許慎說文呂忱

字此水出漳德府林縣東北流至安陽縣城北折而東南

流入衛河去齊地遠矣廣韻洹水名在鄴玉篇洹水出汲

郡隆慮縣成十七年左傳初聲伯夢涉洹杜注洹水出汲

郡林慮縣東北至魏郡長樂縣入清水釋例洹出汲郡林

慮縣東北至信城入張甲河北山經神困之山黃水出焉

而東流注于洹注云洹水出隆慮縣西北俗謂之安陽河即

樂人清水隋圖經洹水出隆慮山下平地九域志相州林慮縣

有洹水寰宇記林慮縣漢隆慮縣屬河內郡洹水出縣西

北俗謂安陽河即聲伯夢涉之所源出林慮山東平地林

慮山在縣西二十里輿地廣記相州臨漳縣本鄴縣後周分東北界置洹水縣

澗 河澗水在宋從水澗聲 澗 澗水在宋從水澗聲 澗 澗水在宋從水澗聲

河澗水在宋者釋水水自河出為澗又云澗反入郭云即

河水決出而復入者河之有澗猶江之有汜廣韻作澗云

水名在宋又作雍淮南人閒訓楚莊王勝晉於河雍之閒

列子黃帝篇雍水之潘為澗注云雍音擁河水決出還復

入也釋名水從河出曰雍沛言在河岸限內時見雍出則沛然也

澗 澗水在宋者玉篇澗澗在頓邱縣南十三州志澗水在

頓邱西南三十五里伏流至繁城西南郡國志沛國杼秋



# 洙水出泰山蓋臨樂山北入泗從水朱磬

市朱切

水出泰山蓋臨樂山者地理志泰山郡蓋縣臨樂子山洙水所出西北至蓋入池水池當為泗池本作沱與泗形近誤也戴侗曰大山蓋縣今沂水縣寰宇記沂水縣本漢東莞縣漢蓋縣城在縣西北八十里本齊邑漢以為縣景帝封王皇后兄信為蓋侯後漢屬泰山郡隋開皇十六年於此城置東安縣屬莒州後廢入沂水縣又云艾山一名樂山在新泰臨樂山一名雕崖山在蒙陰縣東北一百三十里沂水縣西北一百七十里水經洙水出泰山蓋縣臨樂山西南至卞縣入于泗酈注地理志臨樂山洙水所出西北至蓋入泗水或作池字蓋字誤也洙水西南流于卞城西故城兩水之分會也洙水西北流逕孔里北是謂洙泗之閒矣春秋之浚洙非謂始導矣蓋深廣之百馥案經言西南誤酈注亦沿其誤春秋莊九年冬浚洙杜注洙水在魯城北下合泗釋例洙水出魯國東北西南入沭水下合泗馥案出字誤當云經魯國東北也入沭水者入沛也泗沛合流故曰合泗北入泗者泗在洙南而云北入者臨樂

山在陪尾之東南洙水西北流以入泗至魯城北復分流洙在北泗在南

# 泗水出青州浸從水亦磬

食聿切

水出者下有闕文地理志琅邪郡東莞縣術水南至下邳入泗過郡三行七百一十里青州甯顏注術水即流水也音同水經流水出琅邪東莞縣西北山東南過其縣東又東南過莒縣東又南過陽都縣東入於沂馥謂山當是沂山或轉寫脫沂字廣韻流水名在琅瑯今流陽縣在海州通典流水出東海郡流陽縣流音述元和志泗州漣水縣下云流水俗名漣水西南自海州流陽縣界流入寰宇記沂水縣流水出縣西北沂山南職方氏青州其浸沂流在縣界七十里又東南入於泗水又云流陽縣流水在城東南七十步引東流七十里入車路湖齊乘水經注大弁山與小泰山連麓流水出焉漢志謂之術水元和志云俗名漣水出沂山東麓又云流水自厚邱縣分為二今名南漣北漣也胡渭曰以今輿地言之流水出沂水縣歷莒州沂州郯城至流陽縣西北分為二水其一南至邳州入泗即齊乘所謂南漣水也其一為左瀆北至海州與安東之游水合自下游流通稱又北至贛榆入海即齊乘所謂北漣



水也字或作滿玉篇滿水在琅邪任緒釣魚處青州浸者周禮職方氏正東曰青州其浸沂流注云流出東莞

沂水出東海費東西入泗從水斤聲一曰沂水出泰山

蓋青州浸魚衣切

水出東海費東者水經注許慎說文云沂水出東海費縣東西入泗從水斤聲呂忱字林亦言是矣淮南地形訓時沂沂出臺台術高云時泗沂皆水名臺台術皆山名玉篇沂水出泰山琅琊縣通典沂山在今琅琊郡沂水縣即沂水所出也馥案水經注云鄭玄云沂出沂山亦或云臨樂山水有二源南源所導世謂之柞泉北水所發俗謂之魚窮泉俱東南流合成一川齊乘云鄭康成云沂水出沂山按今蒙陰縣東北地名南河川小阜之下有曰狗泉此沂源也東南逕馬頭固山有泉東流與之合北望沂山五里殊無別源疑沂山水源古流今竭耳胡渭云按沂山在今青州府沂水縣北一百十里無沂源又離崖山在縣西北一百七十里沂水於此發源是謂狗泉蓋即康成所謂沂山也臨樂艾山離崖疑即沂山支阜之異名齊乘所謂狗泉者即北源之魚窮泉其出馬頭固山者即南源之柞

泉也西入泗者御覽引無西字水經作南入泗寰宇記沂水經下邳縣北分爲二水一水於城北西南入泗水一水經城東屈曲從縣南亦注泗謂之小沂水通鑑注泗水東南流過下邳縣西沂水南流亦至下邳縣西而南入於泗一曰沂水出泰山蓋者地理志泰山郡蓋縣沂水南至下邳入泗過郡五行六百里青州浸又引書淮沂其父顏注沂出泰山郡國志泰山郡蓋沂水出廣韻沂水名出太山博物志沂出太山水經沂水出泰山蓋縣艾山南過下邳縣西南入於泗襄十八年左傳東侵及濰南及沂土地名沂水出東莞蓋縣艾山南經琅邪東海至下邳縣入泗吳語闕爲深溝於商魯之間北屬之沂注云沂水名出泰山蓋縣南至下邳入泗鄭注職方沂山沂水所出也在蓋青州浸者周禮職方氏青州其山鎮曰沂山其浸沂流馥案漢官解詁徐魯惟沂禹貢沂屬徐至周則徐入青矣故曰青州浸

洋水出齊臨朐高山東北入鉅定從水羊聲似羊切

水出齊臨朐高山者徐錯本作石膏山地理志齊郡臨朐石膏山洋水所出東北至廣饒入鉅定顏注洋音祥馥案



洋當為洋音瀾水經巨洋水出朱虛縣泰山北過其縣西  
又北過臨朐縣東又北過劇縣西又東北過壽光縣西又  
東北入於海酈注泰山即東小泰山也巨洋水即國語所  
謂具水矣袁宏謂之巨味王韶之以為巨蔑亦或曰胸瀾  
皆一水也而廣其目焉巨洋水自朱虛北入臨朐縣又東  
北逕委粟山又東北洋水注之水西出戶膏山西北戶澗  
口東南逕逢山祠西又東南歷逢山下即戶膏山也而東  
北流世謂之戶溝水東北流出於委粟山北而東注於巨  
洋謂之戶溝口地理志戶膏山洋水所出是也巨洋水又  
西北流而注於巨淀矣東北逕望海臺西東北流又東北  
注於海也馥案巨洋水竝當作洋巨洋即胸瀾也巨蔑即  
巨味之轉音也皆與洋聲相近齊語使海於有蔽渠弼於  
有渚賈侍中云海海濱也渠弼裨海也馥謂渠弼即巨味  
胸瀾之異稱亦與洋聲相近後漢書耿弇傳追至鉅昧水  
上注云鉅昧水一名巨洋水在今青州壽光縣西九域  
志青州臨朐縣有洹水齊乘云洋水今謂之洹河出沂山  
西麓即東泰山也馥謂洋洹聲亦相近玉篇洋匹爾切亦  
瀾字類篇瀾瀾水盛兒或作洋馥謂二書雖不以洋為水  
名實有從半之字矣益都楊君峒曰世謂陽水即洋水案  
陽水導源漢之廣縣非出臨朐川土不同自非一水詩泌

之洋洋河水洋洋竝當為洋洋即新臺之河水瀾瀾也周  
禮萍氏禁川游者注云備波洋卒至沈溺也此洋字亦當  
為洋或曰洋字見於經傳豈得無其字馥曰山海經西山  
經昆侖之邱洋水出焉而西南流注于醜塗之水水經注  
沔水云洋洋水導源已山東北流入漢寰宇記洋州真符縣  
本漢安陽縣地洋水出縣東北嶺據此則固有洋水矣本  
書或有洋洋二文形相類遂去其一今以洋當洋字之訓  
猶甬當甬字之訓矣北入鉅定者先入巨洋合巨洋以  
入鉅定也水經注淄水又東逕巨淀縣故城南征和四年  
漢武帝幸東萊臨大海三月耕巨淀即此也縣東南則巨  
淀湖蓋以水受名也



水出齊郡屬媯山東北入鉅定從水蜀聲

直 角 切

水出齊郡屬媯山者屬當作廣媯山當作為山地理志齊  
郡廣縣為山濁水所出玉篇濁水出齊郡廣縣水經注淄  
水云呂忱曰濁水一名濶水出廣縣為山世謂之冶嶺山  
北流注巨淀東北入鉅定者地理志濁水東北至廣饒  
入鉅定水經注淄水又東北馬車瀆水注之受巨淀淀即  
濁水所注也馥案鉅定即鉅澱濁水所注故成鉅澱釋名



濁瀆也汁  
滓演瀆也

灑

水出東海桑瀆覆甌山東北入海一曰灌注也從水

既聲 古代切

水出東海桑瀆覆甌山者東海當為北海地理志北海郡桑犢縣覆甌山灑水所出九域志濰州北海縣有灑水寰宇記濰州北海縣灑源山在州東南六十里山形如塔舊名塔山地理志云覆甌山灑水所出水經云灑水出塔山是山有二名天寶六年敕改為灑源山東北入海者地理志灑水東北至都昌入海一曰灌注也者洞簫賦迴江流川而灑其山李善引本書灑猶灌也本書浸川澤所仰以灌灑也莊子逍遙游時雨降矣而猶浸灌秋水篇百川灌河注云灌注也史記河渠書西門豹引漳水灑鄴漢書溝洫志此渠皆可行舟有餘則用灑顏注灑灌也養生論夫為稼於湯之世偏有一灑之功者雖終歸於焦爛必一灑者後枯然則一灑之益固不可誣也梁典到灑字茂灌或借槩字七發於是澡槩曾中李善云槩與灑同

灑

水出琅邪箕屋山東入海徐州浸夏書曰灑淄其道

從水維聲 以追切

水出琅邪箕屋山者地理志琅邪郡箕縣禹貢維水北至都昌入海過郡三行五百三十里青州濰也鄭注禹貢引地理志灑水出琅邪箕屋山本書屋山二字據漢志也齊乘灑水水經云出琅邪箕縣灑山許慎呂忱云箕屋山淮南子云覆舟山廣異名巨實一山也即今清風山在莒州莒縣北百里漢箕侯國地胡渭曰說文灑水出琅邪箕屋山謂琅邪郡箕縣之屋山非名箕屋也水經灑水出琅邪箕縣灑山襄十八年左傳東侵及灑注云灑水在東莞東北至北海都昌縣入海漢書韓信傳與信夾灑水陳顏注灑水出琅邪北箕縣東北經臺昌入海即禹貢所云灑淄其道者也寰宇記莒縣下云箕漢縣宣帝封城陽荒王子文為侯即此邑後漢省併東莞據郡國縣道記引漢志云灑水北至都昌入海又許慎說文呂忱字林竝云灑水出琅邪箕屋山入海又水經云灑水出琅邪箕縣東今按箕山在今縣北八十里箕縣蓋因山為名今故城在縣東北一百餘里其山在灑水之西是也又云灑水源出縣東北



靈石楊氏棐

濰山去縣八十三里東北流入諸城縣界禹貢濰淄其道  
 淮南子濰出覆舟山皆濰之異名括地志密州莒縣濰山  
 濰水所出隋志濰水在北海郡下密縣元和志輔唐縣濰  
 山在縣東北八十三里濰水所出也顧炎武曰濰水其字  
 或省水作維或省系作淮又或從心作惟總是一字漢書  
 地理志琅邪郡朱虛下箕下作維靈門下橫下折泉下作  
 淮上文引禹貢惟留其道又作惟一卷之中異文三見古  
 人之文或省或借其旁竝從鳥佳之佳則一爾後人誤讀  
 為淮沂其又之淮而呼此水為槐河失之矣又曰馬文煒  
 曰漢書王子侯表城陽頃王子東淮侯類封北海按北海  
 郡別無淮水蓋濰字之異文又曰通鑑梁武帝紀魏李叔  
 仁擊邢杲於惟水胡三省注惟當作濰 東入海者水經  
 濰水又東北過都昌縣東又東北入於海徐廣曰濰水出  
 東莞而東北流至北海都昌縣入海 徐州浸者周禮職  
 方氏無徐州地理志作青州 夏書曰濰淄其道者禹貢  
 青州文本書無淄字濰地理志引作維顏注濰水出琅邪  
 箕屋山



水出琅邪靈門壺山東北入濰從水吾聲

五乎切

水出琅邪靈門壺山者地理志琅邪郡靈門縣壺山浯水  
 所出水經注濰水云浯水出浯山世謂之巨平山也地理  
 志曰靈門縣有高梁山壺山浯水所出今是山西接浯山  
 許慎說文言水出靈門壺山世謂之浯汶矣三齊記昔者  
 堰浯水灌田數萬頃今尚有餘堰而稻田畦畛存焉寰宇  
 記按郡國縣道記靈門在今縣西南六十里當沂水縣東  
 北一百里有巨平山在縣北浯水側近其山一名浯山浯  
 水源出此山 東北入濰者地理志浯水東北入濰水經  
 注浯水東北流而注於濰水寰宇記浯水東北至密州北  
 流入濰胡渭曰浯水世謂之浯汶浯合東汶入濰故有此  
 名



水出琅邪朱虛東泰山東入濰從水文聲桑欽說汶

水出泰山萊蕪西南入沛

匹運切

述征記泰山郡水皆名汶有北汶贏汶柴汶牟汶皆源別流  
 同 詩地理攷董氏日出萊蕪者今須城之汶是也出朱虛  
 者今濰之東南有大汶小汶是也曾氏曰汶水有二出萊蕪  
 縣原山入濟者徐州之汶也出朱虛泰山北又東北入濰者  
 連筠籜叢書



青州之汶也

水出琅邪朱虛東泰山者地理志琅邪郡朱虛縣東泰山汶水所出東至安邱入維拈地志朱虛故城在青州臨朐縣東周禮職方青州其山鎮曰沂山寰宇記云即東泰山也齊乘臨朐縣沂山即公玉帶請漢武所封之東泰山也馥案此為東汶吳語遵汶之上韋注汶齊水名是也沂山在今沂州府沂水縣北一百十里唐為東鎮今山無汶源水經汶水出朱虛縣泰山屬注伏琛晏謨竝言水出縣東南崑崙山在小泰山東東入濰者水經汶水北過淳于縣西又東北入於濰屬注故夏后氏之斟灌國也其城東北則兩川交會也寰宇記濰州北海縣汶水在縣東南六十里源出沂水縣小泰山入縣界合濰水入海桑欽說汶水出泰山萊蕪者地理志泰山郡汶水出萊蕪西入濟又萊蕪縣下云禹貢汶水出西南入沛桑欽所言又浮于汶顏注汶水出泰山郡萊蕪縣原山水經注沛水云李欽曰汶水出泰山萊蕪縣西南入濟馥案李欽當為桑欽郡國志泰山郡萊蕪有原山潘水出注云杜預曰汶水出水經汶水出泰山萊蕪縣原山屬注汶出牟縣故城西南阜下俗謂之胡盧堆牟縣古牟國俗謂是水為牟汶也括地

志淄州淄川縣東南七十里原山元和志乾封縣汶水源出縣東北原山西有流經縣理南去縣三里僖元年左傳公賜季友汶陽之田杜注汶水出泰山萊蕪縣西入濟後漢章帝紀宗祀五帝於汶上明堂注云汶水出太山朱虛縣萊蕪山從征記汶水出萊蕪西南流通典汶水出今魯郡萊蕪縣界西南入沛者禹貢浮于汶達于濟又導沔水云又東北會于汶傳云沛與汶合許敬宗對高宗曰沔濟自溫入河伏地南出為滎澤又伏而出曹濮之閒汶水從入之故書又言浮汶達濟水經沛水又東北過壽張縣西界安民亭南汶水從東北來注之淮南地形訓汶出弗其流合於濟高誘云弗其山在北海朱虛縣東水經注云余按誘說是乃東汶非經所謂入濟者也蓋其誤證耳春秋釋例汶水出泰山萊蕪縣西南經濟北至東平須昌縣入濟寰宇記萊蕪縣汶水出此邑即閔子騫所謂則吾必在汶上矣是也西南流入沛詩地理攷引曹氏曰汶在齊南魯北閔子在汶上者欲北如齊也

沔

水出東萊曲城陽邱山南入海從水台聲

直之切

水出東萊曲城陽邱山者玉篇作陽曲山地理志東萊郡曲城縣陽邱山治水所出南入海者地理志治水南至



沂入海

滹

水出魏郡武安東北入呼沱從水曼聲曼籀文復字

子鳩切

廣韻浸下云霽上同出字林馥案漢書作霽

水出魏郡武安者玉篇浸水出武安縣東東北入呼沱者地理志魏郡武安霽水東北至東昌入滹沱河周禮職方氏并州其川虓池元和志繁時縣本漢舊縣屬雁門郡秦戲山一名武夫山在縣東南九十里滹沱水出焉

聲者宋本作曼籀文復字者宋本作寢

滹

水出趙國襄國之西山東北入澧從水禺聲

曷俱切

水出趙國襄國之西山者之字衍寰宇記邢州龍岡縣秦以為信都縣項羽更名襄國漢因不改馮水一名澧水俗謂之百泉河源出縣東南平地以其導源總納眾泉合成一川故也又云百泉河在州東南八里水自平地而出其

泉無數故曰百泉是澧河之上源也又沙河縣本漢襄國縣地沙河即馮水也馮水在縣西北七十一里俗名沙河

水郡國志牛缺遇盜於沙馮之閒玉篇馮水出襄國縣東今作虞東北入澧者地理志趙國襄國西山渠水所出

東北至任入澧渠水即馮水

滹

水出趙國襄國東入馮從水虎聲

息移切

水出趙國襄國東入馮者地理志趙國襄國馮水東至朝平入馮馮水即澆水不知何以譌為馮

滹

水在常山中邱逢山東入馮從水者聲爾雅曰小州

曰渚章與切

水在常山中邱逢山者地理志常山郡中邱逢山長谷諸水所出諸即渚東入馮者地理志諸水東至張邑入濁

濁當為馮爾雅曰小州曰渚者釋水文彼作渚釋文云渚字又作渚李巡曰四方有水獨高可處故曰渚釋邱如

也聲類渚或作渚釋邱又云澤中有邱都邱馥案鄭注檀



靈石楊氏棨

弓云南方謂都為渚釋名小洲曰渚渚遮也體高能遮水使從旁回也廣雅渚處也馥案州居也孫炎注九河覆舖云水中多渚往往而有可居之處狀如覆釜之形詩召南江有渚傳云渚小洲也水岐成渚文十年左傳王在渚宮注云小洲曰渚齊語渠弼於有渚韋注水中可居者曰渚中山經南望墀渚高注水中小洲名渚漢書司馬相如傳且齊東階鉅海蘇林曰小洲曰渚顏注東有大海之渚字與渚同也吳都賦洲渚憑隆五臣云小洲曰渚馥案潯陽記有鵲渚即杜預所云盧江舒縣東南鵲尾洲也

洌

水出常山石邑井陘東南入於泚從水交聲邠國有

洌縣 下交切

水出常山石邑井陘者徐鍇本作井陵山鍇曰漢書石邑縣西有井陵山洌水所出今或作井陘誤也馥案地理志常山郡井陘縣應劭曰井陘山在南音刑又石邑縣井陘山在西洌水所出寰宇記石邑縣水一名童水東南入於泚者於字衍地理志洌水東南至慶陶入泚邠國有洌縣者地理志沛郡洌縣注云洌水所出南入淮馥案此

別是 一水

濟

水出常山房子贊皇山東入泚從水魯聲

子禮切

春秋說題辭濟齊也齊度也直也風俗通濟者齊也齊其度量也

水出常山房子贊皇山者地理志常山郡房子縣贊皇山石濟水所出郡國志常山國房子贊皇山濟水所出晏氏類要贊皇縣本漢鄆縣之地有贊皇山元和志贊皇縣贊皇山在縣東南二十六里穆天子傳至房子登贊皇山是也濟水源出贊皇山西北流去縣南十里北山經敦與之山槐水出焉而東流注於泚澤寰宇記贊皇縣槐水隋圖經云槐水出贊皇山一日泚水亦曰濟水東入泚者地理志濟水東至慶陶入泚風俗通謂入沮或稱泚為沮

泚

水在常山從水氏聲

直尼切

水在常山者有關文地理志常山郡元氏縣泚水首受中邱西山竈泉谷東至堂陽入黃河北山經敦與之山泚水出於其陰而東流注於泚水注云今泚水出中邱縣西竈泉谷東注於堂陽縣入於泚水馥案隋書地理志房子有

連筠移養書



彭水元和志趙州臨城縣漢屬常山郡敦與山在縣西南  
七十里泚水所出漢書張百韓信擊破趙井陘斬陳餘泚  
水上吳質在元城與魏太  
子箋重以泚水漸漬疆宇

**涿**

水出涿郡故安東入漆涑從水需聲

人朱切

水出涿郡故安者廣韻涿水名出涿郡乃官切地理志涿  
郡故安縣閭鄉易水所出東至范陽入濡也水亦至范陽  
入涑顏注言易水又至范陽入涑也音乃官反馥案顏  
注易水乃濡水之訛謂濡水亦至范陽入涑也水經濡水  
從塞外來東南過海陽縣西南入於海昭七年左傳盟于  
濡上注云濡水出高陽縣東北至河間鄭縣入易水水經  
注易水云其水又東南流歷故安縣北而南注濡水濡水  
又東南流於容城縣西北大利亭東南合易水而注巨馬  
水也故地理志曰故安縣閭鄉易水所出至范陽入濡水  
關駟亦言是矣又注巨馬水云地理志曰涑水東南至容  
城入於河河即濡水也又注濡水云汙水西北入難河濡  
難聲相近北俗語謫巨寔宇記易縣本漢故安縣濡水源  
出縣西北窮獨山南谷馥案或稱聖女水通鑑元嘉九年  
秋七月魏主至濡水注音乃官反濡水即灤水廣輿記灤

河在永平府又云永平府灤州商孤竹國漢海陽縣馥案  
水經注玄水又西南迤孤竹城北西入濡水通鑑開元二  
年薛訥繫契丹行至灤水山峽中為伏兵所敗即濡水也  
東入漆涑者漆涑當為涑渠水經注易水云濡水合渠  
許慎曰濡水入涑涑渠二號即巨馬之異名又注  
巨馬水云即涑水也又云巨馬河亦曰渠水也

**壘**

水出右北平浚靡東南入庚從水壘聲

力軌切

水出右北平浚靡者徐鍇本作浚靡南玉篇水出浚靡縣  
南水經注鮑邱水云庚水又西南流灤水注之水出右北  
平浚靡縣王莽之浚靡也東南流世謂之車輦水又東南  
流謂之北黃水又屈而為南黃水魏書道武帝西幸馬邑  
觀灤源通鑑魏主珪規度灤南將建新都注云自灤水南  
抵夏屋山皆灤南地也東南入庚者當云東入庚以南  
字屬浚靡下地理志右北平郡浚靡縣灤水南至無終東  
入庚又無終縣灤水西至雍奴入海顏注灤音庚即所云  
入庚者同一水也馥案志云灤水入庚顏謂灤庚同也水  
經注灤水又西南入於庚水庚水世亦謂之為柘水也

**沽**

水出漁陽塞外東入海從水古聲

古胡切



水出漁陽塞外者地理志漁陽郡漁陽縣沽水出塞外東南至泉州入海水經沽河從塞外來南過漁陽狐奴縣北西南與濕餘水合為潞河酈注沽河出禦夷鎮西北九十里丹花嶺下寰宇記潞縣漢屬漁陽郡潞河一名沽河一名鮑邱水水經注鮑邱水入潞通得潞河之稱矣東入海者水經沽水與清河合東入於海

水

水出遼東番汗塞外西南入海從水宋聲

音蓋切

水出遼東番汗塞外者汗當為汗顏師古注漢志音寒西南入海者地理志遼東郡番汗縣沛水出塞外西南入海

水

水出樂浪鏤方東入海從水貝聲一日出貝水縣

切

音拜

水出樂浪鏤方者應劭曰樂浪故朝鮮國也朝鮮傳復修遼東故塞至浪水為界顏注浪水在樂浪水經浪水出樂浪鏤方縣隋書來護兒傳遼東之役率樓船指滄海入自浪水唐書李勣為浪江道大總管一日出貝水縣者地

理志樂浪郡浪水西至增池入海水經注云許慎云浪水出鏤方一日出浪水縣十三州志曰浪水縣在樂浪東北鏤方縣在郡東蓋出其縣南逕鏤方也東入海者水經浪水東南過臨浪縣東入于海

水

北方水也從水襄聲

戶乖切

北方水也者北山經獄法之山瀼澤之水出焉而東北流注於秦澤

水

水出鴈門陰館壘頭山東入海或曰治水也從水壘

聲力追切

水出鴈門陰館壘頭山者水經灤水出鴈門陰館縣至漁陽雍奴縣西入笥溝酈注笥溝灤水之別名也水經沽河云南過漁陽狐奴縣北西南與濕餘水合為潞河又東南至雍奴縣西為笥溝酈注灤水入焉俗謂之合口也寰宇記代州鴈門縣本漢廣武縣地屬太原郡後漢屬鴈門郡壘頭山在縣西北六十里即句注陁西北三十五里山也後漢書王霸傳可從溫水漕注云水經注曰溫餘水出山谷居庸關東又東過軍都縣南又東過薊縣北益通以運



漕也馥案溫餘水即水經之濕餘水濕當為灤隸書濕作  
 灤故誤為濕又誤為溫地理志上谷郡軍都縣溫餘水即  
 水經濕餘水出上谷居庸關東者也霸所漕者溫水非溫  
 餘水注引溫餘水誤也溫水即灤水東入海者地理志  
 灤水東至泉州入海或曰治水也者地理志鴈門郡陰  
 館縣壘頭山治水所出水經注灤水出於壘頭山一日治  
 水胡渭曰漢志代郡平舒縣有祁夷水北至桑乾入治治  
 即灤水亦名桑乾河治或通作台漢書燕刺王旦傳使人  
 祠葭水台水晉灼曰  
 地理志台水在鴈門

### 沮

水出北地直路西者經典借沮字地理志北地郡直路縣  
 沮水出東西入洛馥案水經注引作出西東入洛水經沮  
 水出北地直路縣東過馮翊郡北東入於洛酈注濁  
 水與沮水合分為二水一水東南出即濁水也至白渠與  
 澤泉合俗謂之漆水又謂之為漆沮水入於渭水其一水  
 東出即沮水也寰宇記耀州華原縣沮水自邠州入縣界  
 合漆水入富平石川河東入洛者水經注沮  
 水逕粟邑縣故城北又東北流注於洛水也

側加切

### 泗

水起鴈門稜人成夫山東北入海從水瓜聲

古胡切

水起鴈門稜人成夫山者地理志稜人屬太原郡魏志武  
 帝紀將征烏桓鑿渠自呼沱入泝水名平虜渠馥案司馬  
 懿征公孫淵至饒陽鑿泝泆入泝水以運糧通鑑慕容麟  
 追長孫肥至泝水注云泝水在中山馥案水經注泝水云  
 唐水出中山城言城中有山故曰中山也輿地志盧奴城  
 北臨泝水面泝河馥案水經注泝水云漢高祖立中山郡  
 魏皇始二年賊中山立安州天興三年改曰定州治水南  
 盧奴縣之故城東北入海者水經泆河云泆河與清河  
 合東入於海清  
 河者泝河尾也

### 滹

水起北地靈邱東入河從水寇聲滹水即滹夷水并

州川也

苦候切

水出北地靈邱者靈邱不屬北地地理志代郡靈邱縣滹  
 河東至文安入大河過郡五行九百四十里并州川水經  
 滹水出代郡靈邱縣高氏山寰宇記定州安喜縣滹水亦  
 名唐河在縣北八里西北自唐縣界流入隋圖經云唐河



卽澆馥案水經注澆水又東逕左人城南城在唐縣西北  
 亦或謂之爲唐水也又東恆水從西來注之卽禹貢所謂  
 恆衛既從也唐書賈敦頤傳瀛州瀕溥沱澆二水歲溢溢  
 壞室廬漫洳數百里馥案水經注澆水歷安國縣東分爲  
 二水一水枝分流入溥沱東入河者北山經高是之山  
 澆水出焉東流注於河郭注澆水過博陵縣南又東北入  
 於易水水經注澆水至長城注於易水馥案酈注易水云  
 逕鄭縣故城北東至文安縣與溥沱河合是以班固闕駟  
 之徒咸以斯水謂之南易馥謂澆所入卽南易長城在今  
 文安縣界澆水卽澆夷水并州川也者周禮職方氏并  
 州其川厚池澆夷注云澆夷祁夷與出平舒胡渭曰按漢  
 志代郡平舒縣有祁夷水北至桑乾入治卽灤水亦名  
 桑乾河漢桑乾縣故城在今山西大同府蔚州西北平舒  
 則州屬廣靈縣也縣南有壺流河卽古祁夷水源出縣西  
 東北流至蔚州入桑乾河不經曲陽縣界鄭說非是水經  
 注云澆水卽澆夷之水也元和志靈邱縣本漢舊縣屬代  
 郡澆夷水一名澆水出縣西北高是山周禮曰并州其川  
 澆夷謂此也錢君大昕曰地理志川曰虛池嘔夷注嘔夷  
 出平舒按師古之注本於鄭氏周禮注蓋以祁夷當嘔夷  
 也然孟堅實以澆水爲嘔夷故於代郡靈邱縣云澆河東

至文安入大河并州川而於平舒之祁夷水不云  
 并州川是班與鄭異也顏注宗鄭却失孟堅之旨

**涑水起北地廣昌東入河從水來聲并州浸** 洛哀切

水起北地廣昌者廣昌不屬北地地理志代郡廣昌縣涑  
 水東南至容城入河過郡三行五百里并州審通典涑水  
 在今安邊郡飛狐縣界元和志涑水縣涑水一名巨馬河  
 在東北二里袁紹崔巨業攻固安不下公孫瓚賊之於涑  
 水成者六七千人卽此水也東入河者玉篇涑水出代  
 郡東南入河并州浸者周禮職方氏正北曰并州其浸  
 涑易注云涑出廣昌

**泥水出北地郁郅北蠻中從水尼聲** 奴低切

水出北地郁郅北蠻中者地理志北地郡郁郅縣泥水出  
 蠻夷中又泥陽縣應劭曰泥水出郁郅北蠻中晉地道記  
 泥水出郁郅北蠻中史記酈商傳蘇驥軍於泥陽正義泥  
 谷水源出羅川縣東北泥陽源側有泉於泥中潛流二十  
 餘步而流入泥谷寰宇記坊州中部縣泥水水經云泥水  
 出翟道縣泥谷今按圖經泥谷水在縣西北五十里源自



考棧谷來通鑑後  
秦主苻軍於泥源

**渭** 西河美稷係東北水從水南聲乃感切

西河美稷係東北水者初印本無北字水經注河水云河水又左得浦水口水出西河郡美稷縣東南流羌人因水以氏之漢冲帝時羌浦狐奴歸化蓋其渠帥也其水俗亦謂之爲遄波水東流入於河文選潘岳關中詩虛晶浦德李善注浦羌號也說文曰浦水出西河美稷縣故羌人因水爲姓

**源** 水出西河中陽北沙南入河從水焉聲乙乾切

水出西河中陽北沙者水經汾水云又南過大陵縣東酈注汾水於縣左池爲鄔澤廣雅曰水自汾出爲汾陂其陂東西四里南北十餘里陂南接鄔地理志曰九澤在北并鄔城泊許慎說文曰源水出西河中陽縣北沙南入河卽此水也焉聲者焉當爲烏酈注所謂鄔澤也廣韻鴻水鴻集韻鴻水名篆譌從焉音隨形變讀乙乾切實應讀安古切酈引本書原作鴻後人據誤本說文改爲焉南入

河者中陽灑河故鴻入河也

**涇** 河津也在西河西從水坐聲土禾切

**灑** 水也從水旗聲以諸切

**洧** 過水中也從水旬聲相倫切

過水中也者集韻引作洧水經注陰溝水云過水受沙水於扶溝縣爾雅曰過爲洧呂忱曰洧過水也九域志金州洧陽縣有洧水

**滄** 水出北躡山入邛澤從水舍聲始夜切

水出北躡山者廣韻引文字音義滄水出北躡山也入邛澤者徐鍇本作邛澤北山經北囂之山滄水出焉而東流注於邛澤馥案旄水亦云注邛澤

**沂** 水也從水刃聲乃見切



水也者集韻引有出上黨三字 刃聲者廣韻刃式羊切音商水名馥謂當從升轉寫譌從刃音隨形變矣

水也者集韻引同 又云一日出潁川

漚 水也從水委聲 七接切

漚 水也從水居聲 九魚切

漚 水也從水息聲 其冀切

漚 水也從水尤聲 羽求切

水也者廣韻沈水名在高密

漚 水也從水困聲 苦頓切

困聲者初印本作因音於真切宋本小字本李燾本竝同集韻漚伊真切說文水名

漚 水也從水果聲 古火切

漚 水也從水貨聲讀若瑣 蘇果切

漚 水也從水龙聲 莫江切

水也者漚或作瀧水在梁鄒縣水經注謂即古之袁水

漚 水也從水乳聲 乃后切

漚 水也從水矣聲矣古文終 職戎切

水也者廣韻作泔 云水名在襄陽

漚 淺水也從水百聲 匹白切

玉篇 作漚

淺水也者當為淺水兒本書狛甯嚴讀之若淺汨廣韻汨水淺兒顏氏家訓嘗游趙州見栢人城北有一小水土人



亦不知名後讀城西徐整碑云洎流東指眾皆不識吾按說文洎淺水兒兒古貌字也此水漢來無名矣直以淺貌目之或當卽以洎爲名乎

洎

水也從水千聲

倉先切

詩曰江有洎者徐鍇本作

詳里切

洎

勃澥海之別名也從水解聲一說澥卽澥谷也

胡買切

勃澥海之別名也者初印本作郭澥海之別也無名字宋本集韻類篇竝同別者猶江別爲沱本書郭郭海地梁張騫詠躍魚詩何用游冥澥且躍天淵池漢書音義勃澥海別枝名也齊都賦注海旁曰勃斷水曰澥或作勃澥子華子琅邪之東勃澥稽天非一水之鍾也子虛賦浮勃澥五臣云勃澥海分支水名陳書徐陵傳譬勃澥而俱深周書武帝紀守贖陳者悟勃澥之泓澄漢書揚雄傳作勃澥又作勃海戰國策蘇秦說齊曰北有勃海齊都賦海旁出爲

勃勃海亦曰薄海薄卽勃聲之轉史記索隱曰崔浩云勃旁跌也旁跌出者橫在齊北應劭曰海之橫出者曰勃史記天官書中國山川東北流其維首在隴蜀尾沒於勃颶漢書天文志作勃海地理志勃南通齊趙勃颶之閼顏注勃邱東南流入勃海地理志勃南通齊趙勃颶之閼顏注勃勃海也又勃海郡顏注在勃海之濱因以爲名又稱勃海列子殷湯篇箕畚運於渤海之尾初學記按東海之別有勃澥出說文故東海共稱渤海禹貢又北播爲九河同爲逆河入于海傳云同合爲一大河名爲逆河而入於渤海史記河渠書同爲逆河入於渤海溝洫志同王粲爲荀彧與孫權檄云昨令將帥戰士就渤海七八百里演習舟楫魏志張郃從擊袁譚於渤海圖經渤海實滄州之地屬趙分居多寰宇記幽州薊縣渤海屬石皆郡界胡注通鑑楊僕從齊浮渤海以討朝鮮云僕浮渤海蓋自青萊以北幽平以南皆濱於海其海通謂之渤海非指渤海郡而言也齊乘海岱惟青州謂東北跨海西南距岱跨小海也本名渤海亦謂之勃澥海別枝名也北自平州颶石南至登州沙門島是謂渤海之口闊五百里西入直沽幾千里焉又稱北海韓非子齊景公與晏子游於少海登栢寢之臺又稱北海僖四年左傳楚子使於齊侯曰君處北海又謂之



靈石楊氏

碑海齊語渠頭於有渚韋注渠頭碑海是也列子曰勃海之中有大壑名曰歸墟歸墟者尾閭也閭若璩曰按齊都賦云海濱出為渤今海自山東登州成山折而西徑寧海州福山蓬萊招遠縣又西徑萊州掖縣昌邑離縣又西徑青州壽光樂安諸城縣北界折而西北徑濟南利津霑化海豐縣又北徑直隸河間鹽山滄州靜海縣東界又北至天津衛折而東徑順天寶坻豐潤縣又東徑永平灤州樂亭盧龍昌黎縣又東出山海關徑遼東寧遠廣寧衛南界折而南徑海蓋復金四衛西界又折而東徑金州南界有旅順口南與登州海口相對皆謂之渤海歷覽太史公書如河渠書同為逆河入於渤海謂永平府之渤海也封禪書四曰陰主祠三山五日陽主祠之罘六日月主祠之萊山皆在齊北竝渤海謂登萊兩府之渤海也蘇秦列傳說齊宣王未嘗倍泰山絕清河涉渤海張守節正義曰渤海從齊浮渤海至王險王險城名非海之在遼東而何皆渤海也柰何有臣瓚者徒知漢以渤海名郡遂狹視渤海謂禹貢河入海乃在碣石武帝元光三年河移徙東郡更注渤海禹時不注也若以太史公增禹貢原文一渤字為誤不知非誤也正謂碣石邊之渤海也胡渭曰漢書臣瓚曰

禹貢夾右碣石入于河則河入海乃在碣石武帝元光三年河徙從東郡更注渤海禹時不注也今按武帝紀元光三年春河水徙從頓邱東南句流入渤海用此四字以足上句文勢非河先不入勃海至元光徙流而始入勃海也尋瓚之意蓋以禹貢九河同為逆河自碣石入於海故云禹時不注而不知漢人所謂勃海者其北一半即逆河之故道也河豈能越勃海而至碣石哉總之勃海甚廣占漢遼西右北平勃海千乘北海東萊六郡之境跨古冀兗青三州之界自禹時以迄唐宋河之所入皆勃海也濟漯滹淄之所入亦勃海也一說解即解谷也者本書解水衡官谷也玉篇解亦作懈吳都賦說竹云梢雲無以踰懈谷弗能連李善注懈谷崑崙北谷也漢書律歷志黃帝使冷綸自大夏之西昆侖之陰取竹之解谷生其竅厚均者斷兩節閉而吹之以為黃鐘之宮孟康曰解谷一說昆侖之北谷名也



北方流沙也一曰清也從水莫聲

慕各切

北方流沙也者李善注雪賦朔漠飛沙引本書同釋名北方沙漠平廣淮南時則訓雁北鄉高云將至北漠中也易



林沙漠北塞純無水泉地理志張掖郡居延縣居延澤在  
 東北古文以為流沙胡渭曰沙漠自西而東且池北居延  
 澤雖非禹貢之流沙亦即此沙漠之地李陵歌經萬里兮  
 度沙漠注云匈奴沙漠地劉歆宗廟議單于遠通漠北鹽  
 鐵論處沙漠之中生不食之地盧諶贈崔溫詩北眺沙漠  
 丞鮑昭舞鶴賦憐霜鴈之違漠五臣云謂鴈背沙漠以就  
 溫也成公綏嘯賦又似鴻雁之將離羣鳴號乎沙漠又鴻  
 鴈賦賓弱水之陰岸兮有沙漠之絕渚魏書雍狂地無山  
 有沙漠流新唐書狄仁傑傳東距滄海西隔流沙北橫  
 大漠南阻五嶺天所以限中外也通鑑柔然追敕勒至西  
 漠注云西漠者大漠之西偏也又云自陰山以北皆大漠  
 有白漠黑漠斥漠或作幕字漢書武帝紀衛青將六將軍  
 絕幕顏注幕者今之突厥中曠巨應劭曰幕匈奴之南界  
 臣瓚曰沙土曰幕程大昌北邊備對幕者漠也言沙磧廣  
 莫望之漠漠然也 一曰清也者釋言文樊光曰漠然清  
 兒李善注勵志詩引本書作寂也又引作無為也楚詞遠  
 游漠虛靜以恬愉兮又云野宋漠其無人鵬鳥賦真人恬  
 漠兮五臣云至真之人其性靜漠或借莫字昭二十八年  
 左傳引詩莫其德音說云德  
 正應和曰莫杜注莫然清靜

# 濶

天池也以納百川者從水每聲

呼改切

廣雅海晦也 釋名海晦也主承穢濁其水黑如晦也 尚  
 書考靈曜海之言晦昏無所睹也 五經異義古尚書說六  
 宗云海為澤宗 易林  
 海為水宗聰明且聖

天池也者初學記海一云天池莊子逍遙遊南溟者天池  
 也又云窮髮之北有溟海者天池也史記日者傳地不滿  
 東南以海為池晉書天文志九坎闕十星曰天池一日天  
 海 以納百川者者玉篇海大也受百川萬谷流入禹貢  
 江漢朝宗于海傳云百川以海為宗老子滄海所以能為  
 百谷王者以其下之月令章句受眾流注曰海鄉飲酒義  
 洗之在作其水在洗東祖天地之左海也注云海水之委  
 也淮南汜論訓百川異源皆歸於海易林水流趨下遂成  
 東海吳都賦百川派別歸海而會傳元詩百  
 川皆赴海又釋法篇浩浩大海百川歸之

# 溥

大也從水專聲

滂古切

大也者詩北山溥天之下傳云溥大又車攻東有甫草韓  
 作圃薛君云圃博也有博大之茂草也中庸溥溥淵泉



灇

水大至也從水鬮聲

乙感切

水大至也者徐鍇韻譜玉篇廣韻竝作大水至

灇

洛水也從水共聲

戶工切

洛水也者本書州下云昔堯遭洪水民居水中高土書堯典湯湯洪水方割傳云洪大孟子洛水者洪水也趙注洪大也又云昔者禹抑洪水而天下平史記河渠書作鴻水

灇

水不遵道一曰下也從水夆聲

戶工切又下江切

水不遵道者廣韻洛水流不遵道水經注河水云不遵其道曰降書堯典湯湯洪水方割蕩蕩懷山襄陵浩浩滔天傳云言水奔突有所滌除包山上陵盛大若漫天孟子水逆行謂之洛水又云書曰洛水警余趙注水逆行洛洞無涯故曰洛水又云洪水橫流汎濫於天下一曰下也者本書降下也大禹謨降水儆予傳云水性流下故曰下水

灇

水朝宗于海也從水從行

以淺切

水朝宗于海也者徐鍇本作水朝宗于海見也廣雅衍達也梁書高祖諱衍字叔達易需于沙衍在中也虞云衍流也從水從行者字統

灇

水朝宗于海從水朝聲

直遙切

水朝宗于海者淖朝聲相近御覽引作朝也禹貢江漢朝宗于海鄭注江漢合為一共赴海猶諸侯之同心尊天子而朝事之周禮大宗伯以賓禮親邦國春見曰朝夏見曰宗鄭注朝猶朝也欲其來之早也宗尊也欲其尊王也馥案言水赴海亦如諸侯之見天子也詩西彼流水朝宗于海箋云水流而入海小就大也尚書大傳大水小水東流歸海也荀子宥坐篇孔子觀於東流之水曰夫水其萬折也必東李尤盟津銘洋洋河水朝宗於海徐榘齊都賦川瀆則洪河洋洋發源崑崙九流分逝北朝滄淵

灇

水脈行地中潢潢然從水夆聲

弋刃切

水脈行地中潢潢然者初印本然作也字本書至水脈也從川在下一地也廣韻潢引水也江賦潛潢之所汨漚



或通作演周語夫水土演而民用也車注水土氣通為演演猶潤也演則生物民得用也說苑夫水土演而民用足也土無所演民乏財用蜀都賦演以潛沫劉注水潛行曰演

**滔** 水漫漫大兒從水滔聲土刀切

水漫漫大兒者徐鍇本作水漫天兒韻譜滔水漫天馥案堯典浩浩滔滔天傳云浩浩盛大若覆天詩四月滔滔江漢傳云滔滔大水貌漢書石奮傳關者河水滔陸晉灼曰滔漫也

**涓** 小流也從水冫聲爾雅曰汝為涓古玄切

小流也者一切經音義十二引字林水小流涓涓然也六韜涓涓不塞將為江河荀子法行篇涓涓源水不壅不塞後漢書丁鴻傳夫壞崖破巖之水源自涓涓陶潛歸去來辭泉涓涓而始流潘岳射雉賦泉涓涓而吐溜爾雅曰汝為涓者釋水汝為瀆又云汝有瀆馥案為瀆之瀆因有瀆而誤也當作涓

**混** 豐流也從水昆聲胡木切

豐流也者廣雅混混流也孟子源泉混混漢書司馬相如傳汨乎混流顏注混流豐流也郭璞水泉讚殊出同歸混混東會集韻混與滾同杜甫詩不盡長江滾滾來

**滂** 水滂滂也從水象聲讀若蕩徒朗切

水滂滂也者李善注西京賦引字林同廣韻滂水大之貌滂混滂水貌玉篇滂滂滂滂無涯際也集韻滂混滂水貌廣雅浩浩滂滂流也淮南覽冥訓潦水不泄滂滂極望漢明帝詔滂滂廣益莫測圻岸吳志薛綜傳加又洪流混滂有成山之難吳都賦頌溶沆滂海賦沖融沆滂修張良廟教淵流浩浩滂詩維水泱泱傳云泱泱深廣貌馥謂泱即滂讀若蕩者玉篇滂今作蕩廣雅漢滂浩盪也書堯典蕩蕩懷山襄陵

**滂** 順流也一曰水名從水夆聲侯苗切

**汭** 水相入也從水從內內亦聲而銳切

水相入也者水經注引字林同玉篇廣韻並引作水相入兒史記五帝本紀正義引作水涯曰汭五音集韻汭小水連筠篔叢書



入大水也郭注方言淮汭云汭水口也書堯典釐降二女于媯汭水經注河水云歷山有舜井媯汭二水出焉南曰媯水北曰汭水尚書所謂釐降二女于媯水之汭馬季長曰水所出曰汭然則汭似非水名而今見有二水異源同歸渾流西注入於河馥謂異源同歸即水相入也引馬注水所出當作水所入禹貢雍州涇屬渭汭馬注屬入也水所入曰汭又至于龍門西河會于渭汭閻若璩曰禹貢渭汭與洛汭之汭同一解蓋河之南洛之北其兩閻為汭也在今鞏縣河自北來渭自東注實交會於今華陰縣故曰渭汭汭字解有作水北者有作水之隈曲者有作水曲流者有作水中州者總不若說文汭水相入也於此處為確解左氏一書莊四年曰漢汭閻二年曰渭汭宣八年曰滑汭昭元年曰雒汭四年曰夏汭五年曰羅汭二十四年曰豫章之汭二十七年曰沙汭定四年曰淮汭哀十五年曰桐汭水名下繫以汭者眾矣又何疑於禹貢哉詩谷風涇以渭濁湜湜其汭傳云涇渭相入而清濁異昭四年左傳楚沈尹射奔命於夏汭杜云夏汭漢水曲入江今夏口也昭二十七年傳令尹子常以舟師及沙汭而還水經注渠水云沙水東流注於淮謂之沙汭又注河水云洛水于鞏縣東

逕洛汭北對琅渚入於河謂之洛口矣馥案昭元年左傳館於雒汭即此是也又水經注渭水云左傳閻公二年虢公敗犬戎於渭隊服虔曰隊謂汭也王肅云汭入也內亦聲者當為內聲書禹貢渭汭正義引鄭云汭之言內也堯典媯汭釋文汭水之內也莊四年左傳漢汭杜注汭內也閻二年傳渭汭正義汭字以內為聲明是水之隈曲之內也

**澹** 淡清也從水肅聲 子叔切

淡清也者李善注思元賦引字林同玉篇瀟水深清也廣雅瀟清也

**溲** 長流也一曰水名從水寅聲 以淺切

長流也者廣韻演水長流貌釋名演延也言蔓延而廣也海賦東演析木一曰水名者集韻演音引水名

**溲** 流散也從水與聲 呼貫切

流散也者易風行水上渙正義渙者散釋之象詩訪落繼猶判渙傳云渙散也老子渙兮若冰之將釋郭璞水泉讚



川瀆綺錯  
渙瀾流帶

𣶒

俠流也從水必聲

兵媚切

俠流也者李善注魏都賦引作水駛流也廣韻泌水浹流釋言浹徹也江賦長波浹渌注云浹渌水滂澹也詩衡門泌之洋洋正義云泌者泉水涓流不已乃至廣大也或借泌字廣雅泌流也詩邶風泌彼泉水本書賦下引詩作泌魏都賦泉泌湧而自浪李善云泌與泌同

活

水流聲從水昏聲

古活切

水流聲者詩順人北流活活傳云活活流也長笛賦汨活澎湃

涪

涪或從暗

涪

水流涪涪也從水皆聲一曰涪涪寒也詩曰風雨涪涪

古涪切

水流涪涪也者詩鼓鐘淮水涪涪詩曰風雨涪涪者鄭風風雨文彼作淒淒廣韻涪風雨不止淒俗作淒玉篇淒寒也邶風淒其以風嚴氏詩緝謂淒從久故寒臆說也

涪

涪流也從水立聲上黨有涪氏縣

胡吠切

涪流也者徐鍇本作涪涪流水後漢書張衡傳水涪涪而涪濤注云涪涪竝水流貌上黨有涪氏縣者見地理志寰宇記澤州高平縣本漢涪氏縣屬上黨郡

涪

水流兒者流經典作流廣雅流流也詩曰流池

皮彪切

水流兒者流經典作流廣雅流流也詩曰流池北流者小雅白華文傳云流流貌初印本作流沱

疾

疾流也從水或聲

于逼切

疾流也者本書或水流也六書故引作水流疾或或也淮南本經訓淌游灑減高注皆文畫擬象水勢之兒南都賦漻漻減減汨江賦漻漻減減



**澗** 流清兒從水劉聲詩曰澗其清矣力久切

流清兒者廣韻澗水清 詩曰澗其清矣者 鄭風溱洧文傳云澗深貌馥案言深清也

**澗** 澗流也從水澗聲詩曰施罟澗澗呼括切

澗流也者韓詩澗澗流貌廣雅澗澗流也馥謂澗即澗詩 泮水鑿聲噦噦本書引作鉞鉞 詩曰施罟澗澗者衛風

願人文彼作施罟澗澗馥謂此引詩後人加之本書齎讀 若詩施罟澗澗本書無澗字當作詩曰施罟澗澗後人加

讀若二字釋文引馬融說云澗大魚網目大豁也與 本書齎空大也義合是詩作齎齎不作澗澗明矣

**澗** 沛也從水芻聲普郎切

沛也者玉篇澎字云澎淳沛沛也廣雅滂滂沛沛流也 楚辭九歎波逢洶湧瀆沛兮吳都賦包湯谷之滂沛

**汪** 深廣也從水圭聲一曰汪沱也烏光切

深廣也者玉篇汪水深廣也廣韻亦有水字後漢書黃憲 傳汪汪若干頃陂淮南俶真訓汪然平靜 一曰汪沱也

者一切經音義四通俗文亭水曰汪池之泥濁者也小爾 雅廣器汪池也方言楚謂之汪桓十四年左傳尸諸周氏 之汪杜注汪池也僖三十三年傳瑕 覆于周氏之汪杜注車傾覆池水中

**澗** 清深也從水芻聲洛蕭切

清深也者玉篇澗浩澗清水廣雅澗澗清也莊子 天地篇澗乎其清也徐鍇本有讀若牢三字

**澗** 清也從水此聲千禮切

清也者謝朓始出尚書省詩寒流自 清泚李善引本書同廣韻泚水清也

**澗** 寒水也從水兄聲許訪切

寒水也者佩觿 作況云寒水

**沖** 涌搖也從水中聲讀若動直弓切

或作沖海賦 沖澗沆瀣

說文解字詁林卷三十四 連筠移叢書



浮

浮兒從水凡聲

孚梵切

浮兒者詩二子乘舟汎汎其景傳云如乘舟而無所薄汎汎然迅疾而不礙也史記司馬相如傳羣浮乎其上的汎淫汎濫隨風澹淡索隱曰郭璞云皆鳥任風波自縱漂兒廣雅汎汎汎汎浮也詩溱與洧方渙渙兮釋文渙說文作汎汎音父弓反馥案陸氏所見本當有引詩之文父弓反者如風鳳芄皆從凡得聲廣韻汎房戎切集韻符風切

轉

轉流也從水云聲讀若混

王分切

轉流也者釋言云汎也釋文引說文云云汎轉流也一日汎馥案今闕下三字柳宗元懲咎賦沂湘流之汎汎讀若混者集韻混淪流水轉兒

澆

澆也從水告聲虞書曰洪水浩浩

胡老切

澆也者類篇引作饒也禮記王制用有餘曰浩虞書曰洪水浩浩者堯典湯湯洪水方割蕩蕩懷山襄陵浩浩滔滔天

汎

汎大也從水亢聲一日大澤兒

胡朗切

汎汎大水也者玉篇汎汎汎廣兒一切經音義七引通俗文水廣大謂之汎汎也釋言汎汎也郭注水流汎汎水經注引風俗通汎汎也言乎淫淫汎汎無涯際也高唐賦涉汎汎南都賦汎汎洋洋西京賦滄池汎汎薛注汎汎猶汎汎亦寬大也江賦汎汎瀟灑海賦沖澗汎汎羽獵賦鴻濛汎汎魯都賦又有鹽池汎汎一日大澤兒者博物志停水東方曰都一名汎續述征記齊人謂湖為汎

汎

水從孔穴疾出也從水從穴穴亦聲

呼穴切

水從孔穴疾出也者釋水汎泉穴出馥按滴水一名汎水以其湧出也穴亦聲者當為穴聲

漚

水暴至聲從水鼻聲

匹備切

水暴至聲者吳都賦漚焉洶洶五臣注漚水暴至聲也上林賦漚漚汎汎史記司馬相如傳漚漚汎汎索隱曰司馬彪云漚漚水聲長笛賦汨活漚漚



**灑** 水小聲從水喬聲土角切

水小聲者史記司馬相如傳灑灑賈陸索隱引本書灑水之小聲也高唐賦巨石瀉瀉之灑灑兮

**滂** 水疾聲從水翁聲許及切

水疾聲者韻會引徐鍇本水流疾聲也集韻滂或作滂上林賦汨滂滂疾

**騰** 水超涌也從水朕聲徒登切

水超涌也者本書涌騰也玉篇詩曰百川沸騰水上涌也或通作騰史記司馬相如傳橫流逆折轉騰激冽後漢書荀彧傳山東騰沸吳都賦瀆薄沸騰五臣注波浪湧起為沸騰也

**涌** 涌出也一日水中坻人所為為涌一日涌水名在京

兆杜陵從水喬聲古穴切

涌出也者本書喬滿有所出也廣韻涌泉出兒李巡注爾雅云水泉從下上出曰涌泉漢書音義涌水聲而非水也

**灑** 灑水聲涌出之聲 一日水中坻人所為為灑者釋水

小注曰坻人所為為灑郭云人力所作御覽引舍人云人力於水中為居止釋文云按郭圖水中自然可居者為洲人亦於水中作洲而小不可止住者名灑灑水中地也釋

名人力所為之曰灑灑術也堰使水鬱術也魚梁水雁之謂也 一日涌水名在京兆杜陵者地理志右扶風鄠縣

鄠水出東南又有灑水皆北過上林苑入渭三輔黃圖灑水在杜陵從皇子陂西北流經昆明池入渭水經注渭水

云灑水上承皇子陂于樊川其地即杜之樊鄉也西北流逕杜縣之杜原西又北逕長安城西與昆明池水合又北

流注渭亦謂是水為灑水也故呂忱曰灑水出杜陵縣史記司馬相如傳鄠鄠灑灑索隱曰姚氏云灑水出杜陵今

名灑水自南山皇子陂西北流注昆明池入渭顏注漢書云地理志鄠縣有灑水北過上林苑入渭而今之鄠縣則

無此水許慎云灑水在京兆杜陵此即今所謂灑水從皇子陂西北流經昆明池入渭者也蓋為字或作水旁穴與

尤字相似俗人因名灑水乎將鄠縣灑水今則改名人不識也寰宇記雍州萬年縣灑水說文云灑水出杜陵今名

灑水自南山皇子陂西北流入又云長安灑水即灑水也東自萬年縣界流入亦謂灑水亦謂高都水漢末王氏

連筠篔簹書



五侯大修池沼引高都水入城卽此水

灑

水涌光也從水從光光亦聲詩曰有洗有潰

古黃切

水涌光也者徐錯韻譜洗水湧玉篇洗水兒集韻洗與混同水深廣貌江賦廣混因泣從光光亦聲者當云光聲詩曰有洗有潰者地風谷風文傳云洗洗武也此本爾雅非本書義

灑

水涌流也從水皮聲

博禾切

水涌流也者釋水大波爲灑小波爲淪直波爲徑

灑

江水大波謂之灑從水雲聲

王分切

江水大波謂之灑者通作灑杜甫詩云灑逆素浪

灑

大波爲灑從水闌聲

洛干切

大波爲灑者釋水文郭注言灑灑釋文作灑孟子觀水有衝必觀其灑注云灑水中大波也海賦洪濤灑汗

灑

灑或從連

釋水河水清且灑灑釋文云李依詩作灑釋名風吹水波成文曰灑灑連也波體泛流相連及也詩漸漸之石箋云與衆豕涉入水之波連釋文連一本作灑

灑

小波爲淪從水侖聲詩曰河水清且淪淪一曰沒也

力連切

小波爲淪者釋水文郭注言蘊淪薛君韓詩章句從流而風曰淪釋名水小波曰淪淪倫也小文相次有倫理也長笛賦波灑鱗淪詩曰河水清且淪淪者魏風伐檀文淪彼作猗傳云小風水成文轉如輪也馥謂淪當爲猗語詞也上文連猗直猗皆釋連直而不釋猗是也莊子大宗師而已反其真而我猶爲人猗一曰沒也者廣雅同書微子今殷其淪喪水經注碣石淪沒於洪波

灑

浮也從水與聲

匹消切又匹妙切



浮也者洞簫賦漂乍奔而為他李善引本書同廣雅  
浮漂也孫子兵勢篇激水之疾至於漂石者勢也

浮

汜也從水孚聲

縛牟切

汜也者玉篇水上曰浮禹貢浮于濟澤傳云順流曰浮詩  
小雅載沈載浮論語乘桴浮于海穆天子傳天子浮於榮  
水越語范蠡遂輕舟而浮於五湖淮南說山訓百人抗浮

汜

汜也從水監聲一曰濡上及下也詩曰畢沸濫泉一

曰清也

盧敞切

汜也者後漢書班固傳注引作泛也朱祁校漢書敘傳引  
字林濫汜濫也家語三恕篇夫江始出於岷山其源可以  
濫觴管子地圓篇濫車之水注云其水深渺能汜車楚詞  
九辨何汜濫之浮雲兮一曰濡上及下也者集韻引作  
濡土濡漬也魯語宣公夏濫於泗淵注云濫漬也詩曰  
畢沸濫泉者小雅采芣芣濫泉傳云濫沸泉出貌濫泉  
正出也初印本作濫沸濫泉宋本作濫本濫下又引詩  
畢沸濫泉大雅瞻卬濫沸濫泉箋云濫泉正出涌出也

沸出貌涌泉之源所由者深釋水濫泉正出正出涌出也  
釋名水正出曰濫泉濫銜也如人口有所銜口闔則見也  
漢書敘傳懷沈濫而測深乎重淵應劭曰側出曰沈泉正  
出曰濫泉一曰清也者郭泰別傳奉高之器譬諸汜濫  
雖清而易挹

濫

濫也從水已聲

孚梵切

濫也者楚詞卜居將汜汜若水中之  
鳧乎漢書賈誼傳汜乎若不繫之舟

汎

下深兒從水弘聲

烏宏切

下深兒者一切經音義十七引作下深大也吳都賦汎澄  
齋滌李善引本書亦作下深大也廣雅汎汎深也江賦極  
汎量而海運

滄

回也從水韋聲

羽非切

回也者本書淵回水也從回泉也徐鍇本一曰水名廣韻  
滄水名漢書溝洫志關中靈軹成國滄渠注云水出韋谷



元和志武德三年分岐山縣置圍川縣取漳川水為名近代訛作圍

**澗** 深所至也從水則聲

初側切

深所至也者玉篇廣深曰測釋言潛深測也郭注測亦水深之別名淮南說林訓以篙測江篙終而以水為測或矣班固荅賓戲懷沈濫而測深乎重淵

**湍** 疾瀨也從水湍聲

他湍切

疾瀨也者許注淮南云湍水疾也廣韻湍急瀨也廣雅湍瀨也御覽湍下引益陽縣開羽瀨永嘉郡百簿瀨桂陽未陽兩瀨華嚴經音義湍疾瀨也淺水流於砂上曰湍一切經音義四水流沙上曰瀨瀨淺水也楚詞九章長瀨湍流沂江潭兮王注湍亦瀨也漢書溝洫志水湍悍顏注急流曰湍吳都賦混濤并瀨劉逵注瀨急湍也劉德明南康記贛水奔流二百餘里橫波嶮瀨二十四處

**淙** 水聲也從水宗聲

藏宗切

水聲也者沈約詩百丈注懸淙韓愈詩東流水淙淙

**澗** 水礙衰疾波也從水敷聲一曰半遮也

古歷切

水礙衰疾波也者一切經音義十一引作水文礙耶疾急日激也又十四引莊子汗者激司馬彪曰流急曰激孟子激而行之可使在山一曰半遮也者或通作激字書激遮也史記司馬相如傳激卻受詘索隱曰司馬彪云激遮也

**洞** 疾流也從水同聲

徒弄切

疾流也者本書駟馳馬洞去也西都賦潰涓洞河李注引本書同馥案水經有洞過水亦謂其流疾也

**瀞** 大波也從水旡聲

孚袁切

大波也者元結引東泉詩此流又高懸瀞瀞在長空

**洄** 涌也從水回聲

許拱切



涌也者上林賦洶涌澎湃吳都賦漚漚洶洶高唐賦漚洶洶其無聲兮李善云說文曰洶洶涌也謂水波騰兒

勝也者釋名水上出曰涌泉釋水濫泉正出正出涌出也李巡云水泉從下上出曰涌泉詩瞻仰濟沸檻泉箋云檻泉正出涌出也昭五年公羊傳濟泉者何直泉也直泉者何涌泉也呂氏春秋本味篇高原之山其上有涌泉焉論衡狀雷篇泉暴出者曰涌七發波涌而濤起或借騰字詩十月之交百川沸騰後漢馮衍傳風騰波涌一日涌水在楚國者方言沅涌澧幽之語注云涌水今在南郡華容縣也莊十八年左傳閭敖游涌而逸杜云涌水在南郡華容縣水經江水云又東南當華容縣南涌水入焉酈注水自夏水南通於江謂之涌口二水之間春秋所謂閭敖游涌而逸者也盛弘之荊州記江津東十餘里中有夏洲又二十餘里有涌口所謂閭敖游涌而逸寰宇記荊州江陵縣東南五十里有涌水源東行百餘里會於江

涪涪也從水拾聲

丑入切

涪涪也者本書涪涪涌兒涪或作漢玉篇上林賦云涪涪鼎沸涪涪謂水微轉細涌也顏注言水之流如鬻鼎沸也周成雜字涪涪水沸之貌也海賦涪涪涪涪涪涪

直流也從水空聲

哭工切又苦江切

激水聲也從水勺聲井一有水一無水謂之灑洑

市若切

灑水聲也者釋名井一有水一無水曰灑洑灑也洑有水聲洑洑也井一有水一無水謂之灑洑者釋水文中山經視山有井焉名曰天井夏有水冬竭又超山其陽有井冬有水而夏竭玄中記貴州有灑洑一日百盈百竭應

灑井一有水一無水謂之灑洑從水灑聲

居例切

混流聲也從水軍聲一曰沔下兒

戶昆切

說文解字卷三十四 連筠蓀叢書



混流聲也者渾混聲相近史記司馬相如傳汨乎渾流文選作混流七命溟海渾濩涌其後李善引本書渾流聲也玉篇渾水漬涌之聲也 一日滂下 兒者謂渾濁也老子渾兮其若濁

灇

水清也從水削聲易曰井冽寒泉食

良辭切

水清也者李善注長笛賦引作清也廣雅冽清也 易曰井冽寒泉食者井卦文本書初刻無食字後乃補入御覽玉篇風俗通引 易並無食字

灇

清湛也從水叔聲

殊六切

清湛也者廣雅淑清也

澗

水盛也從水容聲

余隴切 又音容

水盛也者甘泉賦溶方皇于西清李注溶盛貌

澗

清也從水徵省聲

直陵切

清也者廣雅方言同後漢書張衡傳澗澗而為清注云澗清也又儒林傳贊淵源誰澗俗作澄易損卦君子以懲忿窒欲釋文鄭云猶清也蜀才作澄賈誼書澄五湖而定東海吳志孫靜傳頃連雨水濁兵飲之多腹痛令促具饗缶數百口澄水通鑑成都乏水取摩訶池泥汁澄而飲

清

脰也澗水之兒從水青聲

七情切

脰也者釋名清青也去濁遠穢色如青也文子清之為明杯水見眸子濁之言閻河水不見泰山詩大明會朝清明正義晚則塵昏且則清故謂朝旦為清明古詩曰清晨登隴首是清亦古今之通語也 澗水之兒者玉篇清澄也考工記幌氏凍帛清其灰而盞之 注云清澄也於灰澄而出盞晞之

澗

水清底見也從水是聲詩曰澗澗其止

常職切

水清底見也者詩釋文引作水清見底徐鍇韻譜澗水見底玉篇澗水清也廣雅澗清也 詩曰澗澗其止者邶風谷風文彼作泚箋云澗 澗持正貌非本書義



**澗** 水流澗澗兒從水閔聲 眉煩切

水流澗澗兒者澗澗聲相近 廣韻澗與澗同水流平兒

**澗** 下澗也從水參聲 所禁切

下澗也者徐鍇本澗水下兒繫傳云水下所謂澗澗一切 經音義四澗盡也下漏曰澗廣雅澗澗也方言澗極也注 云澗澗極盡也淮南主術訓不澗澤而漁高注澗澤澗池 也史記司馬相如傳滋液澗澗通鑑到彥之自淮入泗水 澗或作盞考工記甞氏清其灰而盞之

**澗** 不流濁也從水圍聲 羽非切

不流濁也者廣韻 澗水不流濁兒

**澗** 亂也一曰水濁兒從水囙聲 胡困切

亂也者字林同玉篇楚辭云世澗濁而不分兮澗亂也易 噬嗑注不澗乃明釋文澗雜也亂也秦策書策稠濁高云

**澗** 濁也通作澗漢書劉向傳賢不肖澗澗 一曰水濁兒 者老子澗兮其若濁風賦傲澗鬱邑李注傲澗煩濁之貌

**澗** 濁也從水厲聲 一曰澗泥 一曰水出兒 古忽切

濁也者法言吾子篇書惡淫辭之澗法度也注云澗濁也 一曰澗泥者本書澗多汁也廣韻澗澗泥廣雅澗淖也 楚辭漁父何不澗其泥而揚其波 一曰水出兒者史記 樗里子傳滑稽多智正義云滑稽讀為澗水流自出言其智 計宣吐如泉 流出無盡

**澗** 回泉也從水旋省聲 似沿切

回泉也者一切經音義十八引作澗澗也廣韻旋澗旋澗釋 水過辨回川郭注旋流李善注江賦引淮南子注九旋之 淵至深荀子臣道篇水深則回旋注云回旋流也水深不湍 峻則多旋流也華嚴經音義三蒼復深也謂河海中回旋 之處 是也

**澗** 深也從水崔聲詩曰有澗者淵 七罪切



詩曰有淮者淵者小雅  
小弁文傳云淮深也

**淵** 回水也從水巛象形左右岸也中象水兒鳥玄切

回水也者本書巛從又在回下回古文回回淵水也華嚴  
經音義水洄曰淵禹貢東匯澤為彭蠡鄭注匯回也漢與  
江關轉東成其澤矣考工記匠人欲為淵則句於矩注云  
大曲則流轉流轉則其下成淵魯語宣公夏濫於泗淵管  
子度地篇出地而不流者命曰淵水列子黃帝篇鯢桓之  
潘為淵止水之潘為淵流水之潘為淵濫水之潘為淵沃  
水之潘為淵沈水之潘為淵雍水之潘為淵汙水之潘為  
淵肥水之潘為淵殷敬順釋文潘本作蟠蟠洄流也張協  
雜詩回淵可比心陸機漢高帝功臣頌大畧淵回史記仲  
尼弟子列傳顏回字子淵急就篇褚回池顏注回池猶顏  
回字子淵之義也南齊書褚淵  
字彥回陶氏家傳陶回字公淵

**淵** 或省水

或省水者後人亂之九經字樣巛古文淵本書肅從聿在  
巛上前云從水巛此云或省水先有淵字正文而後有省

體豈淵之從巛正文反從省體邪斯不然矣前象  
形云云即解此字川左右岸也巛中象水兒也

**巛** 古文從口水

古文從口水者當作〇  
水舊刻李燾本篆作〇

**滿** 滿也從水爾聲奴禮切

滿也者玉篇作滿深也盛也詩新臺河水滿滿傳云滿滿  
盛貌釋文云說文云水滿也馥案俗言美滿蓋滿滿譌也

**澹** 水搖也從水詹聲徒濫切

水搖也者李善注高唐賦琴賦引同又注東京賦引作水  
搖貌也玉篇澹水動兒史記天官書水澹澤竭漢書司馬  
相如傳汎淫汎濫隨風澹淡與波搖蕩奄薄水隋又難蜀  
父老文灑沈澹災蘇林曰言分其沈澹搖動之災也七發  
湍流迴波又澹淡之李善注澹淡搖蕩之貌也東  
都賦西盪河源東澹海澹魏武帝樂府水何澹澹

**澹** 澹深也從水尋聲徐林切



旁深也者江淹雜體詩秋榮冒水溥李善引本書溥旁深也又注江賦引許注淮南云溥水涯也又注七發引字林溥水涯也廣韻旁深水涯二義兼收

谷也從水平聲 符兵切

𣶒

水兒從水出聲讀若窰

竹律切又口兀切

水兒者玉篇出水出兒廣韻同倉頡篇出水通兒文子通原篇原流油油冲而不盈 讀若窰者廣韻油苦骨切漚池

𣶑

水至也從水薦聲讀若尊

又在甸切

水至也者徐鍇本作水至兒易坎卦水瀦至唐石經作游 讀若尊者集韻瀦徂昆切

𣶒

土得水沮也從水𣶒聲讀若藟

竹隻切

土得水沮也者集韻瀦水土和也月令地氣沮泄是謂發天地之房

𣶑

盈溢也從水滿聲

莫旱切

盈溢也者本書盈滿器也溢器滿也廣韻滿盈也廣雅滿充也書大禹謨不自滿假傳云滿謂盈實

𣶑

利也從水骨聲

戶八切

利也者周禮倉醫調以滑甘疏云滑者通利往來考工記軸有三理三者以為利也注云利滑密也內則滑瀹以滑之注云齊人謂滑曰瀹

𣶑

不滑也從水齋聲

色立切

不滑也者本書澀不滑也一切經音義七瀦古文澀今作澀不滑也東方朔別傳新雨生枝滑枯枝澀故鵲立枯枝上後漢書周盤傳齋神養和不以榮利滑其生術

𣶑

光潤也從水睪聲

丈伯切

光潤也者廣韻潤潤澤也徐鍇繫傳引山海經濁澤而有光釋名下而有水曰澤言潤澤也易潤之以風雨虞云潤



澤也書畢命澤潤生民考工記弓人瘠牛之角無澤注云少潤氣少儀澤劔首注云金器弄之易以汗澤正義云澤謂光澤玩弄劔首則生光澤聘義溫潤而澤襄二十八年左傳獻車於季武子美澤可以鑑僖三十年穀梁傳毛澤未海潤于千里注云潤澤及于千里定元年穀梁傳毛澤未盡注云言秋百穀之潤澤未盡也孟子若夫潤澤之又君子之澤趙注澤者滋潤之澤文子水之道也上天則為雨露下地則為潤澤子華子水函太一之中精故能潤澤百物而行乎地中說苑潤澤草木崔瓊七依加以脂粉潤以滋澤春秋經傳集解序若江海之浸膏澤之潤姚規注易云澤則流潤意林引鬼谷子天生草木以雨潤澤之蔡邕女訓澤髮則思其心之潤也博物志酒泉延壽縣有山出泉著器中如凝膏然極明謂為石澤學師宋恩等題名張澤字君潤三國典畧王潤字子澤會稽先賢傳闕澤字德潤

# 淫

浸淫隨理也從水至聲一曰久雨為淫

余箴切

浸淫隨理也者徐鍇曰隨其脈理而浸漬也釋名淫浸也浸淫翫入之言也廣韻浸浸淫也列子因復指河曲之淫

限書無逸則其無淫于觀于逸于遊于田鄭注淫者侵淫不止周禮小宰去其淫怠注云淫放濫也考工記匠人為溝洫善防者水淫之注云淫讀為淫液之淫幌氏凍帛淫之以蜃曲禮毋淫視正義謂流移也樂記聲淫及商又云咏歎之淫泆之莊二十二年左傳君子曰酒以成禮不繼以淫義也以君成禮弗納於淫仁也襄二十八年傳歲在星紀而淫於元枵昭元年傳淫生六疾陰淫寒疾陽淫熱疾風淫未疾雨淫腹疾晦淫惑疾明淫心疾詩賓之初筵序云沈湎淫液韓子神不淫放則身全史記孝武本紀侵尋於泰山矣索隱侵尋即浸淫也小顏云浸淫漸染之義蓋尋淫聲相近假借用耳漢書司馬相如傳浸淫促節上林賦封疆畫界者非為守禦所以禁淫也郭璞曰欲以杜絕淫放耳長門賦神怳怳而外淫論衡自紀篇淫讀古文論語浸潤之譖鄭注譖人之言如水之浸潤漸以成之離騷謠諑謂余以善淫陳啟源曰古之言淫者多矣於星言淫於雨言淫於水言淫於荆言淫於遊觀田獵言淫皆言過其常度耳樂之五音十二律長短高下皆有節焉鄭聲靡曼幼渺無中正和平之致使間之者導欲增悲沈溺而忘反故曰淫也一曰久雨為淫者月令淫雨蚤降注云淫霖也兩三日以上為霖莊十一年左傳天作淫雨害於



秦盛字或作霍淮南  
修務訓禹沐浴霍雨

**灑** 漬也從水鐵聲爾雅曰泉一見一否為灑子廉切

漬也者字林廣雅竝同通俗文漬謂之灑曲禮四足曰  
漬注云漬謂相灑汗而灰春秋莊十七年齊人灑于遂公  
羊云灑者何灑積也釋文云積本又作漬樊毅復華下民  
租田口筭狀仍雨甘雪灑潤宿麥或借漸字考工記注漚  
漸也詩氓漸車帷裳史記貨殖傳漸漬於失教漢書郊祀  
志漸臺高二十餘丈顏注漸浸也三輔黃圖灑臺在太液  
池中灑浸也言為池水所浸也董仲舒傳漸民以仁鼂錯  
傳丈五之溝漸車之水顏注漸讀曰灑謂浸也爾雅曰  
泉一見一否為灑者釋水文郭注  
灑纔有貌廣韻灑泉水出微兒

**洗** 水所蕩洗也從水失聲夷質切

水所蕩洗也者蕩當為濼釋名水洗出所為澤曰掌水停  
處如手掌中也今兗州人謂澤曰掌也禹貢溢為榮鄭本  
溢作  
洗

**洩** 漏也從水貴聲胡對切

漏也者徐鍇本有亦決也三字字林潰旁決也漢書文帝  
紀大水潰出顏注旁決曰潰後漢書班固傳潰渭洞河注  
引蒼頡篇曰潰旁決也文三年左傳沈潰凡民逃其  
上曰潰杜云潰眾散流移若積水之潰自壞之象也

**沴** 水不利也從水參聲五行傳曰若其沴作郎計切

水不利也者五音集韻引作水不和也莊子陰陽之氣有  
沴釋道安諫苻堅曰東南卑濕沴氣易構五行傳曰若  
其沴作者漢書孔光傳引洪範五行傳六沴之作顏注沴  
惡氣也音戾谷永傳傳曰六沴作見若不共御六罰既浸  
六極其下顏注此洪範之傳也沴災氣也五行志唯金沴  
木服虔曰沴害也如淳曰沴音拂戾之戾義亦同尚書大  
傳維金沴木注云沴沴也凡六氣相傷謂之沴王觀國曰  
沴者相違之義也五行之性相違而不相為用則災禍由  
之以生古之論五行者有六沴謂金沴木也木沴金也水  
沴火也火沴水也金木水火土沴天也  
六沴之作皆緣五事之不修  
故五行為之相違而沴焉



**淺** 不深也從水彡聲七行切

不深也者詩匏有苦葉深則厲淺則揭

**涇** 水暫益且止未減也從水寺聲直里切

水暫益且止未減也者益當為溢謂水少少溢出即止未減損也

**涇** 少減也一曰水門又水出邱前謂之涇邱從水省聲

息并切

少減也者本書婚減也釋名省嗇也約少之言也鄉飲酒義拜至獻酬辭讓之節繁及介省矣注云小減曰省僖二十一年左傳貶食省用史記集解序殊恨省畧漢書李廣傳莫府省文書注云省少也又水出邱前謂之涇邱者釋邱水出其前涇邱

**涇** 泥也從水冫聲奴教切

泥也者字林濡甚曰涇蒼頡篇涇深泥也通俗文和澹曰涇廣雅澹涇也成十六年左傳有涇於前杜注涇泥也漢書毒元成傳天雨涇不駕駟馬車而騎至廟門顏注涇泥也

**涇** 小涇也從水翠聲遵誅切

小涇也者小當為下玉篇澤下涇也廣韻同本書隰阪下涇也

**涇** 涇暑也從水辱聲而蜀切

涇暑也者廣韻溽溽暑濕熱廣雅溽涇也月令季夏之月土潤溽暑江賦林無不溽

**涅** 黑土在水中也從水從土曰聲奴結切

黑土在水中也者論語釋文引同玉篇涅水中黑土廣雅涅黑也論語不曰白乎涅而不緇孔安國曰涅可以染皁者言至白者染之涅而不黑山海經孟門之山其下多黃堊涅石淮南說山訓流言雪汗譬猶以涅拭素也高云涅黑也史記屈原傳矚然泥而不滓索隱曰泥音涅日聲者聲不相近五經文字云從日從土馥案本書隍從毀省



五結切疑  
涅亦從皇



益也從水茲聲一曰滋水出牛飲山白陘谷東入呼

沱子之切

益也者昭三年左傳庶民罷斂而宮室滋侈二十六年傳  
吾滋不從也杜注並云滋益也定三年傳邾子怒命執之  
弗得滋怒 茲聲者茲當為器本器艸木多益 一曰  
滋水出牛飲山白陘谷者地理志常山郡南行唐牛飲山  
白陸谷滋水所出趙一清曰漢志白陸谷說文作白陘谷  
俗本漢書誤也寰宇記無極縣資河從鎮州九門縣東北  
界入無極界東南入滹沱河兩岸高阜無堤說文云出牛  
飲山白陘谷馥案滋資聲近 東入呼沱者北山經高是  
之山滋水出焉而南流注於虜沱寰宇記  
引水經滋水又東至新市縣入滹沱河



青黑色從水習聲

乎骨切

廣韻作淄 集韻云隸作淄 書益稷  
在治忽史記作來始滑骨即圖之譌

青黑色者廣韻引作青黑兒集韻漬去色曰淄  
呂氏春秋水之性清土者摑之高云摑濁也



溼也從水邑聲

於及切

溼也者玉篇溼溼潤也廣雅溼溼也釋名溼溼也詩厭溼  
行霑傳云厭溼溼意也漢書司馬相如傳踰波趨溼郭璞  
曰溼窳陷也齊民要術收  
子薄布陰乾勿令溼鬱



水散石也從水從少水少沙見楚東有沙水

所加切

水散石也者詩鳧鷖正義引作水中散石也馥謂如散木  
之散文子水之性欲清沙石穢之 楚東有沙水者水經  
注渠水云新溝又東北流逕牛首鄉北謂之牛建城又東  
北注渠即沙水也音蔡許慎正作沙音言水散石也從水  
少水少沙見矣楚東有沙水謂此水也昭二十七年左傳  
令尹子常以舟師及沙汭而還注云沙水名土地名沙汭  
地楚東



譚長說沙或從小

小子切



易需卦需于沙釋文沙鄭作沘馥案沘卽此沙形誤水經注云音蔡蔡當爲察察少聲近

**瀨**

水流沙上也從水賴聲

洛帶切

水流沙上也者李善注月賦引同華嚴經音義引作淺水流沙上也一切經音義四說文水流沙上曰瀨瀨淺水也字林瀨水流沙上也水淺流曰瀨也漢書司馬相如傳北揭石瀨顏注石而淺流曰瀨魏都賦石瀨湯湯五臣云石瀨有石而淺流史記南越傳爲戈船下厲將軍徐廣曰厲一作瀨應劭曰瀨水流沙上也論衡書虛篇湍瀨之流沙石轉者安詳淺多沙石激揚爲瀨又狀畱篇湍瀨之流沙石轉而大石不移景福殿賦瀨戲鯉條謝靈運過七里瀨詩石淺水潺湲又山居賦瀨排沙以積邱元和志建德縣七里瀨在縣東北十里

**墳**

水厓也從水賁聲詩曰敦彼淮濱

符分切

水厓也者釋水汝爲濱本書涓下引作汝爲涓括地志汝水至豫州鄆城縣名濱經典作墳周禮大司徒辨其山林川澤邱陵墳衍原隰之名物注云水厓曰墳廣雅墳厓也釋地墳莫大於河墳郭云墳大防李巡曰墳謂厓岸狀如

墳墓名大防也詩遵彼汝墳傳云墳大防也楚詞九章登大墳以遠望兮注云水中高者爲墳詩云遵彼汝墳後漢書百官志司空浚溝洫修墳防之事馥案本書坊大防也諸書借墳爲坊李巡謂狀如墳墓失之胡渭曰詩汝墳傳曰汝水名墳大防也箋以爲汝水之側淮濱傳云濱涯也箋以爲淮水大防毛鄭彼此互異正義遂謂濱從水墳從土故其義有別而實不然爾雅釋邱濱大防康成注大司徒墳衍云水厓曰墳酈道元以溘爲水側之濱是知濱與墳字別而義同其互異者乃所以互相備耳詩曰敦彼淮濱者大雅常武文彼作鋪敦淮濱傳云濱厓馥案汝墳正義引此作墳厓後漢書馮緄傳敷敦淮濱注云水厓曰濱

**涘**

水涯也從水矣聲周書曰王出涘

林吏切

水涯也者本書無涯字類篇引作厓小字本徐鍇韻譜並作厓釋邱矣爲厓郭云謂水邊馥案本書邊行垂厓也詩葛藟在河之涘蒹葭在水之涘大明在渭之涘傳並云涘厓也僖元年公羊傳自南矣何注涘水涯莊子秋水篇兩涘渚崖之間釋文云涘涯也江賦櫛杞稹薄於溔矣五臣注溔矣皆岸也或借汜字幽通賦半疆大於南汜曹大家



日汜涯也閒居賦或禊於汜五臣云汜水岸也周書曰王出侯者太誓逸篇文彼云太子發升舟中流白魚入於王舟王跪取出侯以燎鄭注侯涯也王出於岸上燔魚以祭

汜

水厓也從水午聲

呼古切

水厓也者經典作汜廣韻汜水岸釋邱岸上汜郭注岸上地釋水淮為汜又汜水厓郭注水邊地邢疏謂水邊厓岸之地詩葛藟在河之汜傳云水厓曰汜縣率西水汜傳云汜水厓也趙注孟子汜水厓也江漢江漢之汜箋云汜水涯也後漢書馮衍傳秣吾馬於穎汜注引字林汜水厓也

汜

水厓枯土也從水九聲爾雅曰水醮曰汜

居洧切

水厓枯土也者廣韻同爾雅曰水醮曰汜者釋水文彼作辱釋文云辱字又作泐馥案釋水汜泉穴出穴出仄出也辱泐二訓與本書互異釋名側出曰汜泉汜軌也流狹而長如車軌也詩大東有列汜泉傳云側出曰汜泉列子黃帝篇汜泉之潘為淵注云汜音軌水泉從旁出也應劭注漢書側出曰汜泉此皆與爾雅同

濬

水厓也從水脣聲詩曰賓河之濬

常倫切

水厓也者許注淮南同本書阪水阜也廣雅濬厓也釋邱夷上灑下曰濬郭云厓上平坦而下水深者為濬孫炎云平上階下故名曰濬詩葛藟在河之濬傳云濬水濬也正義云濬是山岸濬是水岸故曰水濬後漢書班固傳東澹海濬注云濬水涯詩曰賓河之濬者魏風伐檀文彼作賓之河之濬兮傳云濬厓也

瀕

瀕也從水甫聲

滂古切

瀕也者詩釋文藝文類聚白帖並引作水瀕也徐鍇本同本書瀕水厓人所賓附玉篇水源枝注江海邊曰浦廣雅浦厓也詩常武率彼淮浦傳云浦涯也楚詞望涔陽兮極浦呂氏春秋召類篇堯戰於丹水之浦注云浦岸也一日崖也漢書司馬相如傳行乎洲淤之浦顏注浦水涯也地理志臨淮郡淮浦縣應劭曰浦涯也風土記大水有小口別通曰浦江夏記南浦在縣南三里離騷曰送美人兮南浦以其在縣之南故稱南浦述異記上虞縣有魚馳步吳浦有瓜步江中有魚步湘中有靈妃步按吳楚謂浦為步蓋語訛耳馥案廬江箏笛浦亦稱步



沁 小渚曰沁從水止聲詩曰于沼于沁

諸市切

靈石楊氏棗

小渚曰沁者釋水文彼作階釋邱木出其右正邱釋名作沁邱釋名小渚曰沁也小可以止息其上詩蒹葭宛在水中央傳云小渚曰沁也小可以止息其上詩蒹葭水中之有渚猶平地之有邱也谷風湜湜其沁也箋云日沁隱三年左傳澗谿沼沁之毛杜注沁小渚也楚詞九懷淹低徊兮京北注云水中可居為洲小洲為渚小渚為沁或借詩字穆天子傳以飲於枝詩之中郭注水岐成詩詩小渚也音止 詩曰于沼于沁者召南采芣文傳云沁

沸

畢沸濫泉從水弗聲

方未切又

畢沸濫泉者宋本及類篇竝作澤徐錯本濫下引詩亦作畢詩采菽鬻沸檻泉傳云鬻沸泉出貌檻泉正出也瞻叩鬻沸檻泉箋云檻泉正出涌出也鬻沸出貌釋水濫泉正出正出涌出也釋名水正出曰濫泉濫街也如人口有所街口閭則見也詩十月之交百川沸騰傳云沸出隋書地理志襄陵郡梁縣有濫泉元和志絳水一名沸泉水出絳

山東谷懸流奔壑一十許丈異苑白容縣延陵季子廟前井恆自涌沸故曰沸井或借弗字漢書司馬相如傳澤弗必汨顏注澤弗盛兒也

瀾

小水入大水曰瀾從水從眾詩曰鳧鷖在瀾

徂紅切

小水人大水曰瀾者廣韻瀾水會也 從眾者徐錯本作眾聲 詩曰鳧鷖在瀾者大雅鳧鷖文傳云瀾水會也

洌

別水也從水從仄仄亦聲

匹賣切

別水也者當為水別也本書辰水之哀流別也廣韻派分流也吳都賦百川派別五臣注引字說水別流為派廣雅

水自汾出為派

汜

水別復入水也一曰汜窮瀆也從水已聲詩曰江有汜

詳里切

水別復入水也者徐錯本作水別復入也韻會同釋水決復入為汜郭注水出去復還釋名水決復入為汜汜已也



如出有所為畢已而還入也水經注濟水云荷水東北出於定陶縣北屈左合汜水汜水西分濟瀆東北逕濟陰郡南爾雅曰濟別為澮呂忱曰水決復入為汜廣異名也汜水又東合於荷瀆昔漢祖既定天下即帝位於定陶汜水之陽張晏曰汜水在濟陰界取其汜愛引大而潤下也汜水之名於是乎在矣馥案汜愛是讀為孚梵切與釋名異顧炎武曰開封之汜水左傳本音凡從已而今呼為濛汜之汜音祀以字形之似而譌也一日汜窮瀆也者瀆當為隕本書隕通溝也古文作瀆釋邱窮瀆郭注水無所通者容齋續筆水絕於已故汜字之訓說文以為窮瀆詩曰江有汜者召南江有汜文傳云決復入為汜本書瀆下引詩江有汜漢書敘傳半疆大於南汜顏注汜江水之別也荆州記江津東十餘里中有夏州州之首江之汜也故屈原云經夏首而西浮

**澗**

澗辟深水處也從水癸聲

求癸切

澗辟深水處也者徐鍇本作流水錯韻譜作流川釋水澗關流川郭注通流玉篇澗關流泉廣韻澗泉水通川

**澗**

榮澗也從水寧聲

乃定切

榮澗也者七命何異促鱗之游汀澗李善引本書澗絕小水也此引榮字訓為之或作漏澗漢書揚雄傳梁弱水之漏澗兮顏注漏澗小水之兒也

**澗**

絕小水也從水癸省聲

戶局切

絕小水也者李善注甘泉賦引字林同韓詩外傳榮澤之水無吞舟之魚字或作澗集韻澗絕小水也

**澗**

深池也從水圭聲

一佳切又於瓜切

深池也者方言注沔也自關而東或曰注莊子齊物論似注者注訓深

**澗**

清水也一曰窳也從水窳聲

一穎切又屋瓜切

清水也者一切經音義七引作小木也馥謂清當為積集韻泔澗也玉篇澗牛蹄積水也一曰窳也者一切經音義引字林音隱云澗或作窳一瓜反廣雅澗下也老子澗則盈范應元注當作窳凹也汙下也地之窳下者水趨之必盈



黃

積水池從水黃聲

平光切

積水池者集韻引作積水也增韻同一切經音義十七說文潢久積水池也大曰潢小曰洿洿濁水也又十一云潢池也積水曰潢也小曰洿大曰潢方音汜洿澗注洿也注云皆洿池也荆州呼潢也隱三年左傳潢汙行潦之水杜注潢汙水漢書敘傳應龍潛於潢汙顏注潢汙水也後漢書杜篤傳彼垵井之潢汙注云潢汙水也孫子行軍篇軍旁有險阻潢井注云潢者池也文選海賦決陂潢而相波字或作滄夏小正滄滄生萃傳云滄下處也有滄然後

池

池水從水召聲

之少切

池水者一切經音義二十三引作小池也廣韻沼池沼蒼頡解詁沼池也廣雅沼池也風俗通孫子有金城湯池之說後人因此開地為池以養魚鼈圓曰池曲曰沼詩采芣于沼于沚正月魚在于沼傳竝云沼池也禮運龜龍在宮沼注云沼池也隱三年左傳淵谿沼沚之毛杜注沼池也孟子王立於沼上趙注沼池也

湖

大陂也從水胡聲揚州浸有五湖浸川澤所仰以灌

溉也 戶吳切

大陂也者廣雅湖池也風俗通義謹按傳曰陂者繁也言因下鍾水以繁利萬物也今陂皆以灌漑續漢書郭泰謂黃叔度汪汪若萬頃陂 揚州浸有五湖者莊子逍遙游大浸稽天周禮職方氏東南曰揚州其浸五湖注云五湖在吳南鄭注禹四海異物云五湖揚州浸也今屬吳管子夏人之王鑿五湖墨子兼愛篇禹治天下南為江漢淮汝東流注之五湖吳語伍子胥曰與我爭五湖之利者非越乎越語興師伐吳至於五湖呂氏春秋禹通三江五湖淮南子要略禹剔河而導九岐鑿江而通九路辟五湖而定東海賈誼書大禹鬻河而道之九牧鑿江而導之九路澄五湖而定東海史記河渠書於吳則通渠三江五湖貨殖傳夫吳有三江五湖之利說苑君道篇禹灑五湖而定東海吳地記吳王起臺於姑蘇山太史公云余登姑蘇望五湖五湖去此臺二十餘里越絕書越王既往平吳春祭三江秋祭五湖馥案世之說五湖者有三一曰五湖各有其名也義興記太湖射湖貴湖陽湖洮湖是為五湖吳中志



五湖謂貢湖游湖胥湖梅湖梁湖金鼎湖為五也二曰震澤  
 即太湖也禹貢震澤傳云吳南太湖名正義云五湖即震  
 澤吳錄書云三江既入震澤底定震澤吳西南太湖也釋  
 地吳越之閒有具區郭注今吳縣南太湖即震澤是也三  
 曰太湖為五湖也程大昌禹貢論太湖一湖而得五湖  
 張勃吳錄五湖者太湖之別名以其周行五百餘里故以  
 五湖為名虞翻川瀆記太湖東通松江南通雲溪西通荆  
 溪北通瀾湖東連韭溪凡五道謂之五湖韋昭曰五湖者  
 胥湖蠡湖洮湖滆湖就太湖而五實一湖也陸龜蒙曰太  
 湖上象咸池五車之氣故一水五名葉少蘊云周官九州  
 有澤藪有川有浸揚州澤藪為具區其浸為五湖既以具  
 區為澤藪則震澤即具區也太湖乃五湖之總名百胡渭  
 云揚州澤藪曰具區其川三江其浸五湖浸即後世所謂  
 湖也澤藪之水淺或盈或縮湖則渟蓄淵深四時不改今  
 太湖自包山以西水極淵深即古之五湖而平望八赤震  
 澤之閒水瀾漫而甚淺則古之具區也澤浸之別以此雲  
 夢澤方八九百里獨已邱湖常滿而不涸是亦浸也馥謂  
 此三說以太湖為五湖者是浸川澤所仰以灌溉也者  
 鄭注賦方云浸可以為陂灌溉者地理志瀋曰五湖顏注  
 浸謂引以灌溉者風俗通曰湖者川澤所仰以灌溉也

澗

水都也從水支聲

章移切

水都也者廣韻汶水都名風俗通水澤所聚謂之都亦曰  
 瀦或作豬禹貢大野既豬檀弓滂其宮而豬焉鄭注南方  
 謂都為豬

澗

十里為成成閒廣八尺深八尺謂之澗從水血聲論

語曰盡力乎溝澗

況逼切

十里云云者考工記匠人文地官遂人百夫有澗注云遂  
 溝澗澗皆所以通水襄十年左傳子駟為田澗注云澗田  
 畔溝也襄三十年傳田有封澗注云澗溝也莊子庚桑楚  
 篇夫尋常之溝釋文八尺曰尋倍尋曰常尋常之溝則周  
 禮澗澗之廣深也澗廣深八尺或借減字詩文王有聲築  
 城伊洑傳云洑成溝也箋云方十里曰成洑其溝也廣深  
 各八尺正義洑澗音同史記夏本紀致費於溝洑論語  
 曰盡力乎溝澗者包注方里為井井閒有溝溝廣深四尺  
 十里為成成閒有澗澗廣深八尺也



**溝** 水瀆廣四尺深四尺從水萇聲古侯切

水瀆者呂氏春秋季春紀導達溝瀆釋名水注谷曰溝田間之水亦曰溝溝搆也縱橫相交搆也廣四尺深四尺者考工記匠人九夫為井井閒廣四尺深四尺謂之溝地官遂人十夫有溝注云遂廣深各二尺溝倍之

**溝** 溝也從水賣聲一日邑中溝徒谷切

溝也者本書墮通溝也一日邑中溝者一切經音義十二引云又邑中曰瀆也六書故邑屋中水竇也禮運城郭溝池以為固史晨碑修通邑中大溝說苑昔者莊王伐陳舍於有蕭氏謂路室之人曰巷其不善乎何溝之不浚也

**渠** 水所居從水桀省聲疆魚切

玉篇渠溝渠 史記有河渠書 地理志朔方郡渠搜莽曰溝搜又北地郡義渠道莽曰義溝

水所居者渠居聲相近風俗通謹按傳曰渠者水所居也秦時韓人鄭國穿渠孝武帝時趙中大夫白公復穿渠故其語曰田於何所池陽谷口趙國在前白渠起後舉鍤為雲決渠為雨涇水一石其埒數斗且溉且糞長我稷黍衣

**澗** 谷也從水臨聲讀若林一日寒也力尋切

倉京師數百萬口又鄭當時穿渠以利漕道若此非一官民俱賴其饒焉

**澗** 水艸交為澗從水睂聲武悲切

水艸交為澗者釋水文李巡曰水中有草木交會曰澗釋名水草交曰澗澗睂也臨水如睂臨目也詩蒹葭在水之澗傳云澗水賺也字或作增廣雅增厓也又借麋字詩巧言居河之麋傳云水草交謂之麋釋文麋本又作澗倍二

**澗** 溝水行也從水從行戶庚切

溝水行也者周禮稻人以溝蕩水注云謂以溝行水也從行者當云行聲

**澗** 山夾水也從水閒聲一日澗水出弘農新安東南入



洛古莧

山夾水也者釋山文廣雅澗閒也釋名山夾水曰澗澗閒也言在兩山之間也詩考盤在澗又于以采芣于澗之中傳竝云山夾水曰澗匡謬正俗詩傳曰山夾水曰澗此引爾雅正文言兩山夾水名之為澗居然可曉而劉周之徒又音夾為頰於義無取亦為專輒易漸卦鴻漸於干釋文詩傳云涯也又澗也荀王肅云山閒澗水也一日澗水出弘農新安者禹貢伊洛澗澗傳云澗出澗池山胡渭曰新安澗池本二縣澗水出新安穀水出澗池流同而源異今乃云澗出澗池山是以穀源為澗源也毛晃禹貢指南按地理志弘農郡黽池縣注穀水出穀陽谷東北至穀城入雜新安縣注禹貢澗水在東南入雜二水異縣各源同入洛則水經謂穀澗通稱未必然也馥案夏本紀伊雜澗入洛隱澗水出弘農新安縣東與本書合東南入洛者澗禹貢澗水在東南入洛水經澗水出新安縣東流注於澗地理志新安縣白石山山東南入於洛括地志澗水源出洛州新安縣東白石山東北與穀水合流經洛州郭內東流入洛也胡渭曰新安無雜漢志云澗入雜要其歸也其實澗東合穀至河南入雜



隈厓也其內曰澳其外曰隈從水奧聲

於六切

隈厓也者本書隈水隈厓也爾雅釋文隈本或作澳廣雅澳厓也水經注淇水云肥泉博物志謂之澳水詩云瞻彼淇澳毛言澳隈也申鑒時事篇若亂之墜於澳也注云澳厓內近水之地或借奧字詩瞻彼淇奧禮記引作澳其內曰澳其外曰隈者徐鍇曰淮南子漁者以其隈澳曲岸相讓內謂岸內曲隈外曲也詩曰汭鞠之即書堯典厥民隩鄭注隩內也釋邱隩隈厓內為隩外為隈邢疏云隈當作鞠傳寫誤也詩公劉芮鞠之即傳云芮水厓也鞠究也箋云芮之言內也水之內曰隩水之外曰鞠正義釋邱云隩隈也厓內為隩外為鞠李巡曰隩水之外曰鞠正義釋邱云鞠孫炎云內曲裏也外曲表也是水之內曰隩水之外曰隩也馥案鄭注職方引詩作芮泥畢君以珣曰隩水之外曰隩隈字誤當作鞠爾正隩隈厓內為隩外為鞠釋文其外如字居六反字林作坵云隩隈厓外為隩外為鞠釋文其外作鞠無疑說文用爾正成文今作隈者後人依爾正譌本改之也徐鍇引詩汭鞠之即則錯本作鞠今作隈者後人又依說文譌本改之也馥案玉篇坵居六切涯也水外為坵廣韻坵與阮同曲岸水外曰阮



夏有水冬無水曰學從水學省聲讀若學胡角切

夏有水冬無水曰學者釋山文集韻夏上有山字

學 樂或不省

灇 水濡而乾也從水鸛聲詩曰灇其乾矣呼肝切又它干切

水濡而乾也者濡如濡滯之濡乾如旱乾水溢乾封縣之乾春秋莊九年戰于乾時杜注時水旱則竭涸故曰乾時釋天在申曰涇灇李巡曰灇單盡也字或作渾釋水渾沙出一切經音義十引郭注今江東呼水內沙堆為渾洛陽北河中有中渾池是也五音集韻渾水中沙出通作灇陽縣南有水渾城詩曰灇其乾矣者王風中谷有摧文彼作曠傳云曠其貌釋文曠徐音漢說文云水濡而乾也字作灇又作灇皆他安反

灇 俗灇從佳

魚游水兒從水山聲詩曰烝然汕汕所晏切

魚游水兒者廣韻汕魚乘水上詩曰烝然汕汕者小雅南有嘉魚文傳云汕汕櫟也箋云櫟者今之橈罟也釋文引本書同馥案釋器巢謂之汕毛傳本此

決 行流也從水從夔廬江有浚水出於大別山古穴切

行流也者一切經音義二引作下流也管子君臣下篇決之則流塞之則止襄三十一一年左傳不如小決使道孟子性猶湍水也決諸東方則東流決諸西方則西流從夔者徐鍇本作夔聲廬江有浚水者本書腴讀若決水之決地理志廬江郡雩婁縣決水北至蓼入淮水經決水出廬江雩婁縣南大別山北過其縣東又北過安豐縣東又北入於淮寰宇記壽州霍邱縣決水在縣南二百五十里說文云行流也從水夔聲廬江有浚水出大別山又蘇林解地理志云雩婁縣有決水北至蓼入淮今據在雩婁縣城南屈曲至光州固始縣入淮今呼史水即為訛謬也又云光州固始縣決水在縣東三里源出霍山縣版石山流入縣界出於大別山者當云雩婁大別山水經注引許慎曰出雩婁縣書內方至于大別寰宇記壽州六安縣大別山在新縣西南三百七十里



**漚** 漏流也從水絲聲 洛官切

漚流也者集韻引有一曰漬也四字本書變杼滿也滿當為漏魏策昔王季歷葬於楚山之尾樂水齧其墓姚伯聲云說文變漏流也一日漬也墓為漏流所漬故曰樂水齧其墓

**漚** 水注也從水啻聲 都歷切

水注也者本書涿流下滴也漚水下滴漚靈光殿賦動滴漚以成響

**漚** 灌也從水主聲 之戍切

灌也者洞簫賦聲隘隘而注淵李善引本書同一切經音義一引作灌也瀉也廣韻注灌注也詩文王有聲豐水東注

**漚** 漚灌也從水芙聲 烏鶴切

漚灌也者本書澆沃也經典作沃一切經音義四通俗文漚灌曰沃沃亦澆也漬也書說命啟乃心沃朕心正義當

開女心所有以灌沃我心也成六年左傳沃饒而近監服注土平有漚曰沃襄二十五年傳井衍沃賈注下平日衍有漚曰沃列子黃帝篇沃水之潘為淵注云沃水泉從上流下也史記周本紀猶其有原隰衍沃也集解引唐固曰有漚曰沃

**漚** 所以攤水也從水昔聲溱律曰及其門洒漚 所責切

所以攤水也者徐鍇本作靡漢書五行志靡河三日不流王莽傳作邕廣雅漚隈也 漢律曰及其門洒漚者史記貨殖傳洒漚薄技也洒漚即洒漚

**漚** 埤增水邊土人所止者從水筮聲夏書曰過三漚 時制切

埤增水邊土人所止者者水經注清水左右舊有二漚所謂南漚北漚者水側之漬聚楚詞九歌夕濟兮西漚王注漚水涯也宣四年左傳師于漳漚杜注漳漚漳水邊成十五年傳騁而從之則決睢漚杜注漚水涯胡渭曰水邊即



厓埤增之士即大防防大故為人所止也左傳成十五年  
華元決睢睢睢即睢水筮則其防也故曰決王逸注西筮  
云水涯杜預注漳筮云水邊義皆與說文合江夏竟陵縣  
三筮者禹貢文傳云三筮水名入漢鄭注在江夏竟陵縣  
界史記索隱云水經云三筮地名在南郡鄖縣北孔安國  
鄭玄以為水名今竟陵有三參水俗云是三筮水寔字記  
安州漢川縣漢水出郎州長壽縣磨石山東南流名筮  
水至復州景陵縣界名漢水禹貢山水澤地三筮地在南  
郡邵縣北沱酈注尚書曰導漢水過三筮地說曰沱水東  
行過三筮合流觸大別山阪故馬融鄭玄王肅孔安國等  
咸以為三筮水名也許慎言筮者埤增水邊土人所止也  
按春秋左傳文公十有六年楚軍次於句筮以伐諸庸宣  
公四年楚令尹子越師於漳筮定公四年左司馬戍敗吳  
師於雍筮昭公二十三年司馬蕞越縊於蕞筮服虔或謂  
之邑又謂之地京相璠杜預亦云水際及水邊地名也今  
南陽清陽二縣之間消水之濱有南筮北筮矣而諸儒之  
論水陸相半又無山源出處之所津途關路惟鄭玄及劉  
澄之言在竟陵縣界經云邵縣北沱然沱流多矣論者疑  
焉而不能辨其所在

### 津

將鄰切

水渡也者古文苑漢津賦注云都道所湊為津說文曰津  
渡也釋水九河有鬲津郭注水多阨狹可隔以為津而橫  
渡書泰誓大會于孟津正義津是渡處論語使子路問津  
焉鄭注津濟渡之處晉語亦為君之東游津梁之上離騷  
麾蛟龍使梁津兮注云以蛟龍為橋乘之以渡王隱晉書  
杜豫啟建河橋於富平津續漢志河東大陽縣有茅津北  
屈縣有采桑津甘氏星經天津  
九星在虛北河中主津瀆津梁

### 古文津從舟從淮



### 無舟渡河也從水芻聲

皮水切

無舟渡河也者玉篇徒涉曰湖經典借馮字釋訓馮河徒  
涉也李巡曰無舟而渡水曰徒涉釋文馮河依字當作湖  
易泰卦包荒用馮河正義無舟渡水馮陵於河詩小旻不  
敢馮河傳云馮陵也徒涉曰馮河論語暴虎馮河孔注馮  
河徒涉哀九年左傳是謂如川之滿不可  
游也杜注不可馮游詩百朋六韜作百馮



**灋** 小津也從水橫聲一曰以船渡也

戶孟切

小津也者或借漢字天官書有八星絕漢曰天潢一曰以船渡也者玉篇方舟謂之灋灋航也廣韻灋方舟也一曰荊州人呼渡津舫為灋或作灋廣雅灋也方言方舟謂之灋郭注揚州人呼渡津舫為杭荊州人呼灋音橫或借杭字詩誰謂河廣一葦杭之傳云杭渡也又借橫字六韜大船一名天橫以濟大水又借杭字廣雅論謂之杭集韻輪船前杭也

**泝** 編木以渡也從水付聲

芳無切

編木以渡也者集韻泝併木以渡廣韻泝小木筏也筏下云大曰筏小曰桴乘之渡水方言泝謂之箴箴謂之筏筏秦晉之通語也馥案三國志注引郭注方言云泝水中箴也箴或作箴後漢書岑彭傳乘枋箴下江關注云枋箴以竹木為之浮於水上鄧訓傳縫革為船置於箴上以渡河注云箴木筏也釋言舫泝也郭注水中箴筏孫炎云方木置水中為泝筏也釋水庶人乘泝郭注併木以渡詩漢廣不可方思傳云方泝也釋文泝本亦作泝又作桴或作桴

**濟** 濟也從水度聲

徒故切

濟也者釋言濟渡也詩匏有苦葉濟有深涉或借度字方言過度謂之涉濟注云猶今云濟度漢書賈誼傳度江河

**沿** 緣水而下也從水冫聲春秋傳曰主沿夏

與專切

緣水而下也者沿緣聲相近一切經音義二十二字林從水而下曰沿順流也沿亦緣也禹貢沿于江海古文作均鄭注均讀曰沿沿順水行也文十年左傳沿漢沂江杜注沿順流定四年傳子沿漢而與之上下杜注沿緣也或借



巡字祭義陰陽長短終始相巡注云巡讀如沿漢之沿春秋傳曰主沿夏者昭十三年左傳文主當為王杜注順流為

沿

逆流而上曰滌洄滌向也水欲下違之而上也從水

滌聲桑故切

逆流而上曰滌洄者釋水文孫炎曰逆渡者逆流也俗作沂文十年左傳沿漢沂江杜注沂逆流哀四年傳吳將沂江入郢杜注逆流曰沂吳語率師沿海沂淮以絕吳路韋注逆流而上曰沂後漢書班固傳沂測其源李注逆流曰沂吳都賦沂洄順流五臣注沂逆流上也宋書張興世傳乃令輕舸沂流而上滌向也水欲下違之而上也者向當為回一切經音義十九三蒼逆流之水曰沂沂洄也馥案違之而上即解回字義回猶違也昭二十六年左傳君無違德論衡變虛篇引作回德

滌

滌或從走胡

詩蒹葭溯洄從之傳云逆流而上曰溯洄七發湍流溯波李注溯波逆流之波也本書譌或作溯愬

洄

滌洄也從水從回戶灰切

滌洄也者宋書張興世傳舫人洄狀從回者徐鍇本作回聲

潛

潛行水中也從水丞聲為命切

潛行水中也者釋水潛行為沝郭注水底行也列子黃帝篇因復指河曲之淫隈曰彼中有珠沝可得也注云沝潛行水中也詩漢之廣矣不可沝思傳云潛行為沝谷風沝之游之箋云潛行為沝晉書謝玄傳小將田泓乃沒水潛行

潛

涉水也一曰藏也一曰溼水為潛從水替聲

昨鹽切

涉水也者玉篇潛水中行也廣雅潛沒也宋書胡藩傳全鏡入水潛行三十許步方得登岸晏子治少不能游潛行逆流百步順流九里一曰藏也者易文言陽氣潛藏又曰潛之為言也隱而未見行而未成書洪範沈潛剛克詩



靈石楊氏棨

正月潛雖伏矣 一曰潛水為潛者釋水漢為潛郭注書  
 曰沱潛既道音義云有水從漢中沔陽南流至梓潼漢壽  
 入大穴中通峽山下西南潛出一名沔水舊俗云即禹貢  
 之潛也水經注漾水云劉澄之云有水從阿陽縣南至梓  
 潼漢壽入大穴中暗通峽山郭景純亦言是矣阿陽縣南  
 本不容水水成大澤而流與漢合又注潛水云潛水蓋漢  
 水枝分潛出故受其稱耳今爰有大穴潛水入焉通峽山  
 下西南潛出謂之伏水或以為古之潛水鄭玄曰漢別為  
 潛其穴本小水積成澤流與漢合大禹自導漢疏通即為  
 西漢水也故書曰沱潛既道馥案此注在水經潛水下經  
 之潛當為濤酈氏誤以為禹貢之潛故與經不符而說此  
 潛水則了矣禹貢浮于潛逾于沔鄭注或謂漢為沔史  
 記夏本紀沱涔己道集解云漢為涔索隱云涔亦作潛潛  
 出漢中安陽縣西北入漢蜀都賦演以潛沫劉注禹貢梁  
 州云沱潛既道有水從漢中沔陽縣南流至梓潼漢壽縣  
 入穴中通峽山下西南潛出今名複水舊說云禹貢潛水  
 也郡國志犍為郡江陽下注云潛從縣南流至漢嘉縣入  
 大穴中通剛山下西南潛出庾仲雍云墊江有別江出長  
 壽縣即潛水也括地志潛水一名復水今名龍門水出  
 利州縣谷縣東龍門山大石穴下也元和志縣谷縣本漢

葭萌縣地潛水出縣東北龍門山書曰沱潛既道是也又  
 云龍門山在利州縣谷縣東北八十二里潛水所出寰宇  
 記引梁州記蔥嶺山有石穴高數十丈其狀如門號為龍  
 門輿地紀勝龍門洞在縣谷縣北凡為洞者三有水自第  
 三洞發源貫通兩洞下合嘉陵江此即潛水也胡渭曰梁  
 州之潛一而已漢廣漢郡有葭萌縣蜀改曰漢壽屬梓潼  
 郡故郭璞云西南至梓潼漢壽縣入大穴中即樂史所謂  
 三泉故縣南有大寒水西流至龍門山入大石穴者也晉  
 改漢壽曰晉壽故庾仲雍云墊江有別江出晉壽即潛水  
 太元中分晉壽置興安縣隋改曰縣谷唐因之故隋志云  
 縣谷縣有龍門山元和志云潛水出縣谷縣龍門山明改  
 曰廣元縣故近志縣東北有龍門山潛水出焉縣名五變  
 其地一也今縣北有龍門洞王象之輿地紀勝曰龍門洞  
 在縣谷縣北凡為洞者三自朝天程入谷十五里有石洞  
 及第二第三洞有水自第三洞發源貫通兩洞下合嘉陵  
 江渭按此即禹貢之潛水也然廣元舊志云源出縣北一  
 百三十餘里木寨山流經神宣驛又南二十里經龍洞口  
 至朝天驛北穿穴而入嘉陵江與括地元和志不同意  
 者木寨山乃水自沔陽來之所經而人誤以為出歟元和  
 志龍門山在縣東北八十里今以舊志所言考之木寨山

連筠篔簹叢書



南十餘里為神宣驛又南二十里為龍洞口又南二十里為朝天驛去縣八十里怡與龍門之里數相符蓋朝天驛之穴即龍門山之穴也其輿地紀勝所謂自第三洞發源貫通兩洞者即舊志所謂經龍洞口至驛北穿穴而出郭璞所謂入大穴通峒山下西南潛出者也自此以下歷昭化劍州蒼溪閬中南部蓬州南充合州至巴縣入大江禹通謂之潛後人稱為西漢水至唐又稱嘉陵江而潛之名遂晦其水出隴西西縣蟠冢山者自為嘉陵江之發源下流與潛水合而潛水實不出於彼也

淪 水入船中也 一曰泥也 從水金聲 古暗切

一曰泥也者本書沈濁黠也諸書借沈字莊子達生篇沈有履注云沈水汙泥也漢書刑法志山川沈斥顏注斥即斥鹵沈即川澤風俗通山澤篇沈澤之無水斥鹵之類也或通作涵廣韻涵水入船

浮 浮也 從水乏聲

浮也者漢書郊祀志 泛泛滇滇從高旂

浮 浮行水上也 從水從子古或以汙為沒 似由切

言拍浮為浮淮南說林訓舟覆乃見善浮經典借游字華嚴經音義游浮於水上也列子釋文浮水曰游廣雅浮游也爾雅順流而下曰泝游孫炎曰順渡者順流也書君奭若游大川正義游者入水浮渡之名詩蒹葭遡游從之傳云順流而涉曰遡游周禮萍氏禁川游者注云備波洋卒至沈溺也祭義舟而不游緇衣故大人不倡游言注云游猶浮也莊十八年左傳閻敖游涌而逸杜注游涌水而走列子黃帝篇能游者可教也注云浮水曰游文子善游者必溺符子惠子曰有一人溺流而下呼施救之施應曰吾不善游方將為子告急於東越之王簡其善游者以救子可乎韓非說林篇假人於越而救溺子越人雖善游子必不生矣淮南地形訓食水者善游能寒高注魚鼈鷺鷥之屬齊俗訓游者不能拯溺手足有所急也詮言訓渡水而無游數雖強必沈有游數雖贏必遂說林訓游者以足履以手抃不得其數愈蹙愈敗及其能游者非手足者矣說



苑今舟中水而運甚始治裝衣而下游乎後漢書馬援傳  
男兒溺水何傷而拘游哉注云游浮也劉氏新論貴速篇  
湍波漂人必奔游拯之南州異物志合浦有民善游兒年  
十餘便教入水求珠又云合浦之習水者善游入如沈龍  
出如輕鳧唐書柏良器傳擇弩手善游者沿汴渠夜入通  
鑑商胡以巨舟濟河北兵至中流悉殺之有獸醫游水得  
免又云高仁厚募善游者鑿賊舟又云李歸仁為郭子儀  
伏兵所敗游水而逸又云韓晃將王栖曜游汴水夜入寧  
陵城古或以汙為沒者方言潛沈也游也郭注潛  
行水中亦曰游釋言沅游也郭注云潛行游水底潛

汙或從囚聲

一切經音義十一泗正字作汙說文云浮水上者也  
說符篇人有濱河而居者習於水勇於泗申鑿政體篇濟  
大川者太上乘舟其次泗泗者勞而危乘舟者逸而安南  
齊書張敬兒傳乘舡過江中江遇風船覆左右丁壯者各  
泗走御覽引袁山松白鹿詩序荆門山臨江北岸有一白  
鹿泗過注云泗音囚言浮過也顧炎武曰越世家乃發習  
流二千習流謂士卒中之善泗者別為一軍索隱乃曰流放  
之罪人非也庾信哀江南賦彼鋸牙而鉤爪又循江而習流

履石渡水也從水從石詩曰深則砮

履石渡水也者楚詞九歎權舟杭以橫瀾兮注云瀾渡也  
由膝以上為瀾也經典通作厲詩有狐在彼淇厲列子說  
符篇有一丈夫方將厲之注云厲涉水也史記司馬相如  
傳橫厲飛泉以正東正義厲渡也後漢書班超傳超更從  
它道厲渡注云由帶以上為厲馥案諸書皆本爾雅與本  
書異詩曰深則砮者邶風匏有苦葉文彼作厲傳云以  
衣涉水為厲謂由帶以上也釋文引韓詩至心曰厲釋水  
濟有深涉深則厲淺則揭揭者揭衣也以衣涉水為厲絲  
膝以下為揭絲膝以上為涉絲帶以上為厲馥案鄭注論  
語由膝以上為厲戴君震曰詩之意以水深必依橋梁乃  
可過喻禮義之大防不可犯若淺水則褰衣而過尚不濡  
衣水經注云段國沙州記吐谷渾於河上作橋謂之河厲  
此可證橋有厲之名衛詩淇梁淇厲並舉厲固  
梁之屬也就茲一字爾雅失其傳說文得其傳

水或從厲

水上人所會也從水奏聲

倉奏切







灑

沒也從水鬲聲

於真切

沒也者集韻湮沒水中也廣雅湮沒也釋詁湮落也郭注湮沈落也

沒

沒也從水從人

奴歷切

沒也者玉篇引孔子曰君子休於日小人休於水今禮記緇衣作溺注云覆沒不能自理出也方言出休為拊又云湮休也廣雅湮沒也又云溺沒也釋名成於水曰溺溺弱也不能自勝之言也詩桑柔載胥及溺樂記姦聲以濫溺而不止真誥有人拜河水河伯教以水行不溺法徐錯本有讀與溺同四字

沒

沈也從水叟聲

莫勃切

沈也者沈當為湛本書湛沒也叟入水有所取也顛內頭水中也小爾雅沈沒也僖四年左傳昭王南征而不復高注戰國策引作沒而不復唐石經秀增沒字襄二十四年傳何沒沒也杜注沒沒沈滅之言莊子達生篇若乃夫沒人則未嘗見舟而便操之也注云沒人謂能驚沒於水底說苑不臨於深淵何以知沒溺之患

沒

沒也從水畏聲

烏恢切

沒也者廣韻沒沒沒廣雅沒沒也



靈石楊氏栞





